

2
APOLOGETICVS LIBER
ANTONII GALLONII
CONGREGATIONIS ORATORII
PRESBYTERI
PRO ASSERTIS IN ANNAL. ECCLES.
DE MONACHATV S. GREGORII PAPAE

Aduersus

D. CONSTANTINVM BELLOTTVM
MONACHVM CASSINATEM

Cui accedit Responsio de ijsdem ad alium
eiusdem Ordinis monachum.



ΔΗΛΟΣ



ΝΙΚΗ.

ROMAE, Ex Typographia Vaticana,
M D C I I I I.

SVPERIORVM CONCESSIONE

ACADEMIAE LITTERARUM
ANTONI GALLONII

CONGREGATIONIS ORATIONII

IN FESTIVITATE

IN DIEbus MARTII

ANNO DOMINI 1711

IN THEATRO VINDOBONENSIS

IN THEATRO VINDOBONENSIS

IN THEATRO VINDOBONENSIS

IN THEATRO VINDOBONENSIS



IN THEATRO VINDOBONENSIS
IN THEATRO VINDOBONENSIS
IN THEATRO VINDOBONENSIS

SANCTISS.^{MO} DOMINO NOSTRO
C L E M E N T I
P A P A E V I I I .

A N T O N I I G A L L O N I I
*Congregationis Oratorij in Vrbe Presbyteri
gratiarum actio.*



LVRIMAS, easdemq. immortales, Beatissime Pater, tibi gratias agimus, quod veri amantissimus, nec ad momentum passus sis exultare mēdacium, qui oblatum tuæ Sanctitati librum, glorioso, sed mendace huiusmodi titulo decoratum,

GREGORIVS MAGNVS INSTITVTO SANCTISS. P. BENEDICTI RESTITVTVS, ita insultantem nequaquam progredi, nisi censura æqua castigatum permiseris; sed edendum tantisper vetueris, donec a nobis recognitum, si esset inuentus acceptatione dignus, exoscularemur eum; sin minus, aduersarijs scriptis per Apologeticum confutaremus. Quod abs te factum summo iure, negari non potest, vt simul causam vterque suam prosecuturus, accusator & reus, vna eademq. die se sisterent coram iudice, qui simul vtrumque audiens, cuius sint iura potiora, decerneret. In cuius agone certaminis, si ipsum Cardinalem Baronium, cuius interest, adesse non videt; sciat Beatitudo vestra, eum detineri grauioribus negotijs occupatum, laboriosa nimirum editione vndecimi Annalium Tomi. Sed quod magis puto verum, a certamine sese modestiæ causa subdu-

xit, ne amplissima dignitate præminens, si descendisset
in campum, auctoritate potius quam veritate videri pos-
set vincere voluisse. Consulto igitur rem per nos agi ma-
gis placuit, qui eiusdem domus, vnde ipse est progressus,
alumni, & iisdem litterarum studijs assueti, huiusmodi
suscepimus haud inuiti, sed summa alacritate provinciam,
eo quod a nostra parte stare senserimus veritatem. Quid
tandem in his scribendis paucis hisce diebus præstiteri-
mus, virorum eiusdem facultatis doctissimorum sit iudi-
cium. Interim vero te ipsum, Beatissime Pater, ex Apo-
stolico tibi diuinitus munere impertito, custodem veri-
tatis, & vindicem imploramus, & protectorem. Vale.



5

R. P. DOMNO
CONSTANTINO BELLOTTO
MONACHO CONGREGATIONIS

CASSINENSIS,
PRAEPOSITO S. MICHAELIS A THELIORE.

ANTONIVS GALLONIVS
Presbyter Congregationis Oratorij,
spiritum veritatis.



Scilicet I cœpero ab ipso titulo, Constantine, tuum discutere librum, plane inuenio, de te dici posse, quod cecineris triumphum ante victoriam, confusus nimirum te vinci non posse, quem tot auctorum, quos ante ipsum exordium operis ostentans enumerasti, turba circumdet. Poterit apparatus iste tuus perterrefacere pusillo animo homines, vt olim numerosus exercitus Regis Syriæ famulum * Elisæi, sed vnus omnes tunc valuit cæcitare percussos captiuos a 4. Reg. 6. ducere in triumphum. Astat pro nobis (certo scias) instar Elisæi, Gregorius Magnus, qui omnes istos tuos arguat cæcitatibus, conuincat erroribus. Vnus hic nobis pro omnibus, qui omnes superet auctoritate, quod ei soli de se ipso testanti magis credere iure debeant veritatis quique cultores, quam mille alijs diuersa ab eo scribentibus, qui post plura sæcula vixerint, hæc occasione gloriosi tui libri dicta sunt.

Cum vero ab operis inscriptione descendendo ad liminarem epistolam, eandemq. nuncupatoriam, datam sanctissimo Domino nostro Papæ Clementi; statim occurrit quod sit correctione maxime dignum, dum S. Benedictum nominas omnium monachorum parentem: quia ne dicere possis, omnium, Orientales aduersantur monachi, qui alijs se parentibus ortos, Antonio, Pachomio, atque Basilio gloriantur, cuius se esse filium idem sanctissimus Benedictus in suis Regulis profitetur. Sed vt nec possis referre, quod dicis, ad omnes Occidentales monachos; repugnant ijs, quos S. Ambrosius, Hilarius, Martinus, Cassianus, Honoratus, Casarius, & alij instituisse reperiuntur in Gallijs: vt dicere prætermittamus de monachis Hispanis & Africanis, ijs videlicet, qui ante S. Benedictum excoluere vitam monasticam: quorum ipse nullo modo dici pater possit & auctor, quorum ingens fuisse numerus reperitur. Adeo vt laciniola laudatio ista tua sit veritatis fibula constringenda, contrahendaque, & suis limitibus coarctanda; nimirum vt S. Benedictus pater dici debeat monachorum, illorum-
dum-

dumtaxat, qui sub ipsius Regulę instituto monasticam vitam exercuerunt. De ijs autem, qui eodem titulo vsi dicuntur, dicendum erit inferius, cum Zacharię Papę priuilegium, ex quo ista hauserunt, perspicua luce ostendemus esse omnino adulterinum.

Occurrit post hæc nobis præfixum abs te tuo operi argumentum. De quo antequam incipiam aliquid dicere, & reliqua prosequi, atque campum ingredi disputationis amplissimę; te ipsum monitum velim, vt cum euenerit nos de rebus S. Gregorij sententia discrepare, charitas tamen Christiana inter nos integra perseueret in vinculo pacis, etiam si disputationis impetu (vt assolet) alterum nostrum contingat aliquando ferri licentius trans fines illos, quos præscripsisset sibi seruandos; cum alioqui esse soleant etiam & vulnera illata ab amico proficua. Ceterum quod Apostolus moneat: *• Noli contendere verbis; ad nihil enim est vtile, nisi ad subuersionem audientium,] haud in animo est te sic sequi per longissimos & sinuosos illos tuorum dialogorum anfractus, vt obuiantia friuola redarguam, sed cominus pede collato conferens manum, in ea, quę noscuntur maioris esse momenti, consurgam; infringam vero ea potissimum, quibus impugnasse falso inueniris Annales Ecclesiasticos: vt sic eos omnes, in quos es illapsus errores, corrigere possis, in primis vero calumnias, atque etiam falsitates enormes, quibus tua ipsa scripta conuincuntur esse referta.*

Vt autem, Lector, omnia, de quibus est controuerſia, eadem singula facillime intelligere possis; hic ea verbatim, prout in Annalibus scripta sunt, reddenda putamus. Ac primum Baronius res gestas S. Gregorij ab eius præfectura Urbana sic incipit: *• Hoc eodẽ anno Christi DLXXXI. & Pelagij Papę Secundi anno quarto, & Iustini Iunioris Imperatoris anno decimo-sexto, Laurentius Iunior post Frontonem creatur Episcopus Mediolanensis ecclesię; moxq. ad Pelagium Papam, vt in communionem Catholicam reciperetur, scripsit libellum, quem, Cautionem, Gregorius Papa appellat, qua se auersari schismaticos, & in causã Trium Capitulorum Romanę inhærere Ecclesię profitebatur. Cui quidem libello cum complures nobiles Senatores subscripserint; etiam Gregorius, qui postea fuit Romanus Pontifex, cum hoc tempore Urbanam gereret præfecturam, suum apposuit chirographum, vt ipse testatur in epistola ad Laurentij successorem Constantium. Subscribere autem ipsi Senatores, idemq. præfectus Urbis Gregorius tamquam fideiussores Laurentij ipsius Mediolanensis Episcopi, ex quo intelligas, cur idem Gregorius ipsum Laurentij libellum fidei nominet Cautionem. Cum igitur hæc ipsius Gregorij Papę testificatione adeo manifesta sint: vides quam longe ab historica veritate aberret Ioannes diaconus, dum in vita S. Gregorij Papę tradit, ab eodem, qui scilicet Pelagium præcessit, Benedicto Papa ipsum Gregorium ex monacho, inuitum licet & renitentem creatum fuisse diaconum Cardinalem S. R. E. Insuper, quod antequam hoc Benedictus Papa aggrediretur, ipsum adhuc monachum Gregorium miserit in Britanniam insulam ad conuersionem gentis Anglorum, sed tumultuantibus ciuibus ab eodem reuocatum, & inter diaconos cooptatum, hæc quidem Ioãnes diaconus tradit, sed quam fabu-*

*6. Annal. rom.
7. anno 581.*

fabulose, tu ex modo citatis eiusdem Gregorij scriptis iudex eris. Aggref-
furi itaque iam nos ordine temporum res mirifice gestas eiusdem S. Gre-
gorij recensere; quoniam continget interdum a Ioannis diaconi, qui vi-
tam eius scripsit, sententia discrepare: hoc ne nimium audax alicui videri
possit, cum auctor absque reprehensione hactenus lectus fuerit: hic pri-
mum de ipsius auctoris tempore, quo scripsit, paucis agendum putamus.
Cum igitur ipse in eadem descriptione meminerit Leonis III. Nicolai, at-
que Hadriani Romanorum Pontificum, inscribatq. opus illud ad Ioannem
Romanum Pontificem eius nominis Octauum ordine, qui sedere cepit
anno Domini octingentesimo septuagesimosecundo: iam liquet, post hæc
trecentis ferme annis eos libros elaborasse.] & inferius: Sic igitur haud
quisque prudens in verba auctoris dixerit esse iurandum, qui post annos
(vt dixi) ferme trecentos ea de S. Gregorio scriptorum monumentis pos-
teris commendauit: cum alioqui etiam, si eodem tempore cum S. Grego-
rio ille vixisset, a perspicua veritate refelli siue ipse, siue alius, minime re-
fugere iure possit; eoq. magis, si ex ipsiusmet Gregorij scriptis auctor re-
darguendus erit] hæc Baronius in Annalibus.

Tu vero, Constantine, hinc sumens tuorum dialogorum exordium, to-
tus in eo versaris, vt Ioannis diaconi auctoritatem reddas irrefragabilem,
sicq. ab argumento trium tuorum colloquiorum, quod operi præfixisti,
iam incipiens, totus verseris in laude ipsius Ioannis diaconi. Inde vero
acerrime in eos inueheris, qui hac nostra ætate in nonnullis aliter sentiant,
quam ipse scripserit, & certe quidem, etsi non expresso nomine, perstrin-
gere te tantum Cardinalem Baronium multipliciter inueniris. sed tole-
randa tamen ista, atque dissimulanda. Quod vero inferius de Ioanne dia-
cono longissimam * disputationem intexens, eo demum rem ipsam perdu-
cis, vt ipsum Ioannem (dictu mirandum, sed execrandum) quintum con-
stituas Euangelistam; quid dicam, nisi poeticum illud:

Spectatum admissi risum teneatis amici?

Arguar calumniator, & calumniantium plectar pœnis, causa ca-
dam, nisi hoc ipsum Lectori aperta luce inspiciendum, ac manibus con-
trectandum ostendam. Vbi enim plurima de Ioanne ipso summe exag-
gerans intulisti, quod Ioannis Papæ iussu scripserit vitam sancti Grego-
rij, eamq. ex Apostolicæ Sedis scrinio in primis acceperit, scriptamq.
idem Pontifex comprobauerit: ex talitantaq. assumptione conclusionem
eam deducis, quam cum mea sententia minime esse Catholicam existima-
rim; qualis tamen sit illa, supremo Tribunali, cui præfider ille qui clauum
tenet & clauas, ipse Romanæ Ecclesiæ Pontifex, relinquimus examinan-
dam. Quænam sit ista, velim, Lector, ex verbis eius accipias, quæ in primo
colloquio habet. sunt hæc ipsa b ad apicem vsque fidelissime reddita:
Frustra igitur illos niteris refellere, cum eos probauerit Ecclesia. Aut er-
go Ioannem ipsum cum scrinio Apostolico, & Scriptoribus illis, quos
auctores habuit operis sui, immo Ecclesiam Romanam, quæ eius scri-
pta (vt audisti) approbavit, & publicari præcepit, & ecclesijs legenda tra-
didit, recipies: aut certiores auctores ipsa Ecclesia proferes. Quod cum
facere

a Pag. 1. p. 46.
que 47.

Orat. 271.
p. 11.

b Pag. 37.
vers. 15.

facere non poteris (haud enim fieri potest) velis, nolis, cogeris Ioannis auctoritatem, quin potius ipsius Ecclesiae Romanae illis tuis receptissimis Scriptoribus praferre.]

His quidem id tu niteris, Constantine, vt astringere velis, quod omnis liber, quem Ecclesia Romana probauit, & legendum concessit, eundem ipsum quilibet, velit, nolit (vt ais) in omnibus recipere teneatur; vt in nullo ab ipso debeat discrepare. Sed hoc tantum esse priuilegium sacrorum librorum, quos Ecclesia canonicos comprobauit, quis nescit? Ad eandem vero regulam omnes ab Ecclesia probatos libros aptare vellet, quantum piaculum? Indulgendus tibi forte hic error esset, quod calore disputationis (vt assolet) impetuq. nesciens terminos sis transgressus; nisi haec eadem tu ipse, per eandem lineam deducens sergam, saepe & fortius repetisses, atque constanter affirmasses. nam & haec tu ipse inferius: * Cum Ecclesia Romana, quae semper fuit magistra veritatis tradenda & tenenda, comprobauerit, & sua auctoritate publicauerit scripta Ioannis, & ideo vera esse credantur: non quia indubitanter credendum esse Ioanni existimemus; sed quia certo tenemus ea, quae approbauit Ecclesia esse vera.] & paulo post: Quare cum Ecclesia probauerit, quae Ioannes memoriae tradidit de tanto viro; iam non licet aliter sentire, quam ipsa sentit. & rursum: Nos enim consueuimus eam amplecti veritatem, quam praedicat & profitetur ipsa Romana Ecclesia; utpote ore uasis electionis laudatam, perpetua Pontificum successione firmatam, sanguine tot sanctorum Martyrum consignatam, doctissimorum virorum vniuersorbis scriptis celebratam, & vique adhuc nostra tempora protensam & seruata. Hanc itaque tenemus, & pro hac vitam nullies in die, si fieri posset, & necessitas exigeret, profunderi parati sumus. cum certo sciamus extra hanc salutem non dari. Licet igitur Angelus de caelo aliter nobis euangelizaret, quam ipsa his ferme nulle annis de Gregorio nos docuit: nequaquam tamen ab eo, quod ipsa approbauit, recedendum esse ducimus: Neque enim est alia domus, in qua liceat agnum comedere, quam haec ipsa Ecclesia Romana.]

Audisti, Lector, quo altitudinis & eminentiae prouexerit iste Ioannis diaconi scripta de sancto Gregorio Papa: vt eius sententia ab illis recedere nefas sit, etiam si Angelus de caelo aliter annuntiauerit: ac si fidei decreta essent cuncta quae ille scripsit, quae non liceat cuiquam non credere, non tenere; vt iam eius sententia, nouum Euangelium secundum Ioannem diaconum appareat ab Ecclesia receptum. Quis ista crederet à viro Catholico asseri potuisse, nisi ipsa eius verba scriptis consignata docerent? sed adhuc, Lector, audi, quam fixus persistat, figatq. pedes in ista sententia. subiicit inferius haec: ^b Ecclesia comprobauit quod conscripsit Ioannes: & certe credi debet, non quia illud scribit Ioannes, sed quia id comprobanit Ecclesia. At videri nolle credere, quod fide dignum decreuit Ecclesia, immo contrarium asserere, quid illud sit, me tacente, pij auditores intelligunt.] Perspicias ne, Lector, quid sentiat Constantinus? nempe non recte credere quod credit Ecclesia; qui non credit, quod scribit Ioannis.

a pag. 39.
vers. 27. C.
vlt pag. 40.

b pag. 44.
vers. 13.

Ioannes ipse in vita S. Gregorij, quam dicit ab Ecclesia comprobata[m]. Vt plane, licet præ verecundia non expreſſerit, veritus in Baronio amplissimam Cardinalatus dignitatem, pro conscientia tamen sua ex deductis in consequentiam, demonstrare quidem voluerit hæreticum esse ob eam causam, quod non receperit omnia, quæ a Ioanne scripta sunt in vita Gregorij, quam dicit ab Ecclesia comprobata[m]. Quid ad ista Baronius? dices. Risit, hominis inscitiam admiratus, qui in ipso disputationis ingressu sic grauitè lapsus sit. Vt ex his, qualia esse possent, quæ ab ipso subduntur toto ipso suorum dialogorum cursu, haud falsus coniector extiterit.

Sed adhuc tu, Lector, audi, quæ paulo inferius, persilites in sententia, dicat; nempe esse impiū recedere ab eiusdē Ioannis sententia, in his quæ de S. Gregorio scripsit. ait enim de Ioanne & alijs, qui sunt eum secuti: * Tantorū *a pag. 45. vers. 5.* vero virorum sententiam damnaſſe, immo Ecclesiæ, quam impium videri possit, nemo nisi qui sensu caret, ignorat.] & inferius persilans solidius in stulticia huius erroris, subiicit ista verba: *b pag. 46. vers. 28.* Si non admittis quæ scilicet Ioannes diaconus scripsit: liquido constat, te non probare quæ comprobauit Ecclesia: & sic certi sumus, quo pede claudices, cum te adeo obſcurum in tua suspitione ostendas, vt ea te liberari penitus nolle videaris. Quo fit, vt nec Ecclesiæ credere te velle innuas, quam tamen tanti facere existimaris.] En tu ipse vides, Lector, quam non Baronio probe noto, sed sibi potius irroget ignominia[m] monachus iste, curandus helleboro, seu potius virga vel alapa * Benedicti, & qualē inuret nota[m] Congregationi Cassinensi, quæ credatur doctiorem elegiſſe monachum ad refellendas Baronij de S. Gregorij monachatu sententiam. Siccine, venerandi patres, librum haud *c Greg. dial. lib. 2. c. 16. & 30.* diligentius cognitum, in omnium vestrum dedecus prodire fuisse?

At docendus tu, Constantine (ad te in primis scribimus ista) docēdus inquam fuisses, qua distinctione ipsa dicatur sancta Romana Ecclesia probare libros. Non enim (vt putas) omnes, quos Ecclesia probat libros, eos firmissimæ esse vult auctoritatis, vt sunt Hagiographa, ipsa videlicet sacra Scriptura, quæ ex libris constat, quos Canonicos appellamus; quorum dumtaxat illud est priuilegium, vt salua Fide Catholica, nihil ex ijs, quæ ibi sunt scripta, in dubitationem liceat reuocare; ceterorum autem receptorum ab Ecclesia librorum secus, etiam si ipsorum sint præcipuorum Ecclesiæ magistrorum, quos præ dignitate nominamus Doctores Ecclesiæ, vt Augustini, Hieronymi, Ambrosij, atque Gregorij. nam audi quod de se ipso S. Augustinus *d c. 3. diff. 9.* scribat in prologo tertij libri de Trinitate: Noli meis litteris, quasi Canonicis Scripturis, inferuire; sed in illis & quod non credebas, cum inueneris, incunctanter crede. In nostris autem quod certum non habeas, nisi certum intellexeris: noli firmum tenere.] & ad S. Hieronymum epistola: * Ego solis eis Scriptorum, qui iam Canonici appellantur, didici hunc timorem honoremq. deferre, vt nullum eorum scribendo errasse audeam credere; alios autem ita lego, vt quantalibet sanctitate & doctrina polleant; non ideo verū putem, quia ipsi ita senserūt, sed quia mihi per alios auctores, vel canonicas, vel probabiles rationes, quod *e c. 5. diff. ead.* vero non abhorreant, persuadere potuerunt.] eadem quoque habet in

a c. 9. diff. 9. epistola ^a ad Vincentium quadragesima octaua. Sed & ad Fortunatianum
b c. 10. diff. epistola centesima vndecima istis verbis : ^b Neque quorumlibet disputa-
ead. tiones, quamuis Catholicorum, & laudatorum hominum, veluti scriptu-
 ras canonicas habere debemus; vt nobis non liceat, salua honorificen-
 tia, quæ illis debetur hominibus, aliquid in eorum scriptis improbare,
 atque respuere, si forte inuenerimus, quod aliter senserint, quam veritas
 habet.] hæc Augustinus, quæ omnia Gratianus intulit in Decretorum li-
 brū. Disce igitur Constātinē, quibus scriptis eiusmodi prærogatiua debea-
 tur, nempe tantum Canonicis, vt nihil ex eis debeat in controuersiam re-
 uocari. de reliquis minime; vt caueas, ne rursus in eiusmodi monstrosos
 errores impingas; sed scias sic probari ab Ecclesia Romana cuiuscum-
 que scripta ab ipsa recognita, vt nihil in eis contra Fidem Catholicam, vel
 bonos mores conscriptū habeatur: ceterum si quid minus verū insit in eis,
 cuiusque volēti redarguere liberum esse finit. sicut tibi disputare aduer-
 sus Baronij Eccles. Annales non negatur, quos ab eadē probatos liquet Ec-
 clesia, vt apparet ex diplomatibus Pontificijs de his datis: quod tu non po-
 teris ostendere factum in eiusdem Ioannis diaconi libris. vt intelligas, quā
 etiam ex hac parte potior sit conditio eorūdem Annalium, quā 1 Ioannis
 diaconi scriptorū. Adeo vt si verum esset, quod dicis, probata semel ab Ec-
 clesia non licere amplius, vera ne sint, in dubitationem reuocare, & aduer-
 sus ea sentire: grauius tu peccasses aduersus posita in Annalibus scribēs,
 quam ipse aduersus Ioannem diaconum. At non hoc sibi Baronius vendi-
 cat priuilegium, qui lucubrationes suas omnibus qui contradicere velint,
 libenter exponit, vt veritas controuersa magis eluceat.

Ceterum si Baronius scriptis ipsius Gregorij Papæ magis detulit quam
 Ioanni diacono, quid peccauit? quis adeo amens, qui non asserat Gre-
 gorio Papæ magis, de rebus præsertim suis, quam Ioanni, vel mille simili-
 bus esse credendum? Quæ iniuria irrogatur Ioanni diacono, si ipsi Gre-
 gorius præferatur? Honori habenda eius scripta quis neget? sed numquā
 profecto, vt in matriculam transeant scriptorum Canonicorum, vt nihil
 ex eis possit in dubitationem reuocari, & erroris argui. At nonne satis
 donatum Ioanni ab ipso Baronio, dum non vocatur in suspicionem frau-
 dis, quod prætermisso Abbate illo Valentio iam tertium ab ipso S. Grego-
 rio suo Abbate nominato, supponit loco ipsius quemdam confectum Hila-
 rionem: cum sciret per Abbatem illum a Gregorio ita sepe nominatum,
 ipsum a Benedictinis omnino seiungi, sicq. ex eo frustrari penitus quod co-
 naretur asserere, S. Gregorium fuisse S. Benedicti Regulæ professorem?

Tu vero in his quæ inferis, quotupliciter peccaueris, vt te corrigas, ostē-
 demus. Quod enim dicis, ^c ex Ioanne acceptas esse lectiones, easq. in Bre-
 uiarium Romanum illatas: inde scilicet arguis, non licere amplius Ioannis
 eiusdem scripta in controuersiam reuocare. At neque Breuiarium ipsum,
 præter lectiones ex scripturis Canonicis excerptas Romana Ecclesia re-
 citandum ita tradit, vt omnia quæ in eo sunt, velit locum obtinere scriptu-
 rarum Canonicarum. Nam si ita esset, cur correctioni exposuit illud Pius
 Papa Quintus, cum fuerunt loca nonnulla correctā? cur nuperrime sub
 Clemen-

Clemente Papa Octauo recognoscendum iterum idem est traditum, cum loca pleraque sunt emendata? Nā inter alia illud ipsum, quod Ioannes diaconus asserit de Cardinalatu Gregorij sub Benedicto Papa, est correctū, vt fuerit Benedicti ipsius nomen sublatum, quod tandem viri docti id senserint apertum esse mendacium. Quod igitur sæpe corrigitur, mutatur, augetur, & minuitur, procul abest (quod tu putas) vt debeat inter Hagiographa numerari, & eodem cum illis priuilegio frui.

Sed & in eo corrigendus es, dum asseris, nō licere a Ioanne cōscriptas res gestas S. Gregorij reuocare in controuersia, eo quod ipse testetur accepisse se illas ex ^a Scrinio in primis Romanæ Ecclesiæ, & aliunde ex Scriptoribus veteribus, vt ipse testatur. Etenim responderi potest, ea quæ deducuntur in controuersia, non esse ex illis, quæ collegit ex Scrinio, sed quæ aliunde quæsiuit, quod & firmiter quoque possemus asseuerare. Nam quæ de S. Gregorio accepit ex Scrinio, quis non intelligat fuisse ex epistolis eiusdem sancti Pontificis, ex quibus idem Ioannes optimam partem eius vitæ contexit? Nam & hoc ipse testatur Ioannes in fine præfationis, dum ait: Si cui autē aliter visum fuerit, vt assolet, ad plenitudinem Scrinij vestri recurrens, tot chartaceos libros epistolarū eiusdem patris, quot annos probatur vixisse, reuoluat. Jsic igitur, tūc in eo verum sit quod subijcis: ^b In quo scilicet Scrinio vtique non seruantur nisi ea, quæ ipsam Apostolicā Sedem approbasse cōstare potest, & quæ in Acta publica redacta, & fide minime dubia per ministros legitimos ipsius Ecclesiæ confirmata, quæ ad eruditionē certam futurorum seruata in Tabulario eiusdem Ecclesiæ summa fide, & diligentia custodiuntur. Jsed quod paulo post in fine paginæ vniuerse ita pronuntias: Cum ergo Ecclesia approbet, quæ in suo seruantur Scrinio, & ex eo hauserit Ioānes, quæ de beato Gregorio cōscripsit: luce clarius est, ea quæ scripsit, Ecclesiam comprobasse, saltem quoad fidem historiæ spectat. J Hæc tu Constantine, cum dicis, propemodum facis, vt tui causa erubescamus, cū etiam ipsum totū Scrinium Apostolicum velis efficere Hagiographum, vt nihil ex ijs, quæ in eo reperiuntur, erroris argui posse contendas. At vbi tot surreptiones, quas nolens & inuita Sedes Apostolica iugiter pati solet? solius Dei est, qui cor intuetur, his posse carere, & in omnibus rebus, quæ deferuntur ad tribunal Ecclesiæ, cognoscere & discernere falsum à vero; homines autem, & ipsum etiam Papam in his quæ sunt facti, falli posse & decipi, quis nesciat? Et ne aliunde quam ab ipso Gregorio ^c de his testimonium petamus: audi quid de Romanis Pontificibus subreptionibus expositis dicat: Miraris Petre, quia fallimur, qui homines sumus? J & paulo post: Quid ergo mirum, si ore mentientium aliquando in aliud ducimur, qui Prophetæ non sumus? Multum vero est, quod vniuscuiusque Præfulis mentem curarum densitas vastat; cumq. animus diuiditur, sit minor ad singula; tantoq. ei in vna qualibet re surripitur, quāto latius multis occupatur. J hæc Gregorius de Romanis Pontificibus potissimum loquens. Quod vero ad Scrinium pertinet, vt locum hunc paucis concludā, minime obscurum est, per Scrinium, sumendo partem pro toto, intelligere voluisse Ioannem diaconum ipsam Bibliothecam Apostolicam, in qua (vt

^a pag. 16.
vers. 16.

^b pag. 47.
vers. 19.

^c Greg. dial.
lib. 1. cap. 4.
in fin.

ex ipso audisti (asseruarentur inter alia tot volumina epistolarum S. Gregorij, quot annis vixit in Pontificatu. Dicere autem, quod numquam auditum fuit, omnia, quæ in Bibliotheca Apostolica sunt recondita monumenta scripturarum, ipsa esse Hagiographa, vt nihil ex his in controuersiam duci possit, inauditæ dementiæ est. sed iam reliqua prosequamur.

Quod autem Baronius in Annalibus, eodem anno DLXXXI. asserat eiusdem S. Gregorij auctoritate, monachatum ipsius ante illum annum minime contingere potuisse, cum eo ipso anno, eius testificatione appareat, Vrbanam illum præfecturam gessisse; tu Constantine, summo conatu hæc impugnare laborans, quid non facis? Ipso igitur Dialogorum tuorum ingressu de tempore monachatus S. Gregorij aggrediens pertractare, quoto scilicet anno Redemptoris acciderit, longissimam disputationem texuisti, ac demum totus anceps, dubiusq. sententiæ, prætermisiss antiquioribus, Vrspergensem Abbatem, qui post quingentos & amplius annos a S. Gregorio vixit, es secutus, ^a dicentem, S. Gregorium anno salutis quingentesimo quinquagesimooctauo monachum Romæ claruisse. Ex aduerso autem pugnantem Baronij sententiam vt conuelleres, mare & aridam circuisisti, qui ex tempore Vrbanae præfecturæ Gregorij, (qua durante, certum est eum monachum non fuisse) colligit, ipsum non ante dicti anni Domini quingentesimum octogesimumprimum potuisse monachum esse, quo anno ipse probaretur eandem præfecturam gessisse. Tu vero dum ipsum redarguere conatus es, primum quidem intulisti calumniam, dum istud non nisi Anonymorum auctoritate assertum dicis. ^b Verum quod non Anonymos (vt calumniaris,) sed certos & nominatos auctores ab eo esse citatos in Annalibus, vbi de his agitur, inuenerimus, certe quidem tu ipse mendax argueris. quamobrem ad redarguendam calumniam, hic Baronij verba recitanda putamus, quæ sic se habet posita in Annalibus, dicto anno quingentesimo octogesimumprimo: ^c Cum igitur cõstet de anno quo Laurentius defunctus est, appareatq. cum sedisse annos duodecim, sedereq. cœpisse, anno Domini quingentesimo octogesimumprimo (vt omnes, qui res ecclesiæ Mediolanensis ^d prosecuti sunt, & ex eiusdem ecclesiæ monumentis seriem Episcoporum texuerunt, asserant) nihil est, vt dici possit, a Benedicto Papa Gregorium creatum esse diaconum Cardinalem, siue monasticam vitam excoluisse, cum hoc ipso Laurentij tempore, adhuc laicum præfecturam Vrbanam administrasse pateat. Porro quod hoc eodem anno initium Episcopatus Laurentij contigerit, cum Gregorius Præfectus Urbis vna cum alijs nobilissimis viris subscripsit Laurentij de communione cum Romana Ecclesia Cautioni: colligi satis potest ex veteri instituto, quod esset in more, vt simul ac quis creatus esset Episcopus, fidei professionem mitteret ad Apostolicam Sedem, prout ab eius successore Constantino in sua electione factum apparet ex eadem epistola ad eum data, ^e cum eundem tradit scripsisse similem Cautionem de Trium capitulorum damnatione, cuius causa tres Episcopi ab eius se communione diuiserant. At vero ante Laurentium Fronto, & ante Frontonem Honoratus (sic legendum loco Honorij) rexit Mediolanensem ecclesiam, qui & eo tempore fuisse

^a pag. 18.
vers. 6.

^b pag. 23.
vers. 7. &
pag. 30. vers.
17 & alijs locis.

^c Annal. tom.
7. ann. 181.

^d Pannin. &
Gallies. in
vita epist. Mediolan.

^e Greg. lib. 3.
epist. 1.

fuisse reperitur, teste * Paulo diacono, cum Alboinus inuasit Italiam, Indictione tertia, anno Domini quingentesimo septuagesimo, ut apparet, ipsum cum successore Frontone usque ad Laurentium implese decennium.] hæc in Annalibus. In quibus dum de Laurentij creationis tempore, quo Christi anno cæpit sedere, ab eo auctores nominatim non ponuntur in textu; hinc tua accusatio calumniosa prodijt, quod Baronius Anonymis idipsum probare conatus sit. Verum quos non nominauit in textu, nonne in margine constat posuisse eorum nomina, quos citauit? Quomodo ergo tu dicis, cum non nisi Anonymos ad sua probanda citasse? sed si non vidisti, arguendus tu ipse es cæcitat, qui ob oculos posita minime videris. Quin etiam in textu positam in fine certi auctoris, nempe Pauli diaconi, auctoritatem non legisse videris, dum eam de Anonymis calumniam ingeris. siccine bona fide res agitur? Ita quidem vehemens contradicendi libido, ubi semel animum alicuius inuasit, veluti fascino quodam, mentis atque oculorum lumine hominem priuat. His confutatis, videamus, an reliqua ibi posita firmiter solideq. subsistat. Quæ ut accipias, ipsius vim repetam argumenti, quo Baronijs monachatum S. Gregorij non ante annum Domini quingentesimum octogesimum primum posuit:

Cum, inquit, ille monachus esse non potuerit, nisi post absolutum præfecturæ munus; huius autem functione adhuc reperiretur, ipso ^b testante, ^b Greg. lib. 3. epist. 1. constrictus eo tempore, quo Laurentius Iunior est creatus Mediolanensis Episcopus, quod contigisse ponitur dicto anno octogesimoprimum post quingentesimum: necessario inferitur, ut ante tempus illud Gregorius esse monachus non potuerit. Quod autem eo anno & non ante, Laurentius creatus fuerit Mediolanensis Episcopus, citati sunt ab eo auctores, qui res Mediolanensis ecclesiæ exploratas habuere, Panuinus & Gallestinus; quibus magnopere fauere reperiatur antiquitate & auctoritate ceteris præferendus Paulus diaconus, qui cum ante annos decem ponat præfuisse ecclesiæ Mediolanensi Honoratum Episcopum, post quem ex recepta etiam abs te sententia Fronto successor eius decem annis sedisse dicatur: plane nullus datur locus, ut Laurentius ante dictum tempus sedisse potuerit: hæc cum ita sint tanti auctoris testificatione firmata, nempe ut anno vnde septuagesimo post quingentesimum ante Laurentium & Frontonem federit Honoratus Mediolanensis Episcopus: quomodo tu cum Vrspergenfi asserere potuisti, iam anno Redemptoris quingentesimo quinquagesimooctauo monachum claruisse Gregorij, qui de se ipso testetur, tempore adhuc sedis Laurentij, Vrbani gessisse præfecturam? Tu vero quod ea auctoritate Pauli diaconi nimis te perstringi sentires; in tota illa tua longissima disputatione, eius tamquam si non esset, nullam penitus mentionem habuisti, cum eam legisses apud Baronium, ea potissimum auctoritate nitentem. quam licet inuito hic ob oculos legendam propono, sic enim ^c ait: Alboinus igitur Liguriam introiens, Indictione ingrediente tertia, tertio Nonas Septembris, sub temporibus Honorati Archiepiscopi Mediolanensis ingressus est.] hæc Paulus, optimi historici perfunctus officio certam consignat temporis rationem die certa & Indictione certa. Quibus cum & cer-

tum annum Domini significari quingentesimum vnde septuagesimum, dubitari non possit, cum ante biennium, nempe Indictione prima, eiusdem Alboini in Italiam recenseatur ingressus: perstringeris utique eadem Pauli auctoritate, vt ante sexagesimum nonum post quingentesimum Domini annum ponere nullo modo possis S. Gregorij monachatum. Rursum vero vrgeris S. Gregorij auctoritate, vt non ante dictum Laurentij Episcopatum potuerit esse monachus, qui ipso adhuc eius ingressu reperiretur fuisse Præfectus Urbis. Sic tu inclusus duplici muro, velut ergastulo coarctaris, altero Pauli diaconi, quo prohiberis referre monachatum S. Gregorij ante annum Domini quingentesimum vnde septuagesimum; altero S. Gregorij ex præscripto tempore præfecturæ, vt neque ante illud tempus dicere possis S. Gregorium fuisse monachum: sicq. nullo modo monachatum latioribus valeas terminis definire. Cum igitur (vt dictum est) auctoritate Pauli diaconi liqueat, dicto anno Domini vnde septuagesimo post quingentesimum fuisse Mediolanensem Episcopum, Honoratum, cumq. & successorem, ipsius Frontonem explese decennium, in ea functione: iure Laurentius sedisse ponitur ab ipsdem citatis auctoribus, dicto anno octogesimoprimo post quingentesimum, quo (vt dictum est assertione Gregorij) ipsius Urbana contigit præfecturæ.

Eiusmodi igitur ex S. Gregorij Papæ, atque Pauli diaconi auctoritate, cognito certo termino temporis præfecturæ S. Gregorij dicti anni octogesimiprimi post quingentesimum, ante quod tempus esse monachum minime potuisset: quando post hæc ipsum fieri monachum contigerit, Baronius certi nihil affirmat, nisi quod octogesimotertio post quingentesimum anno ab eo ponitur eiusdem Gregorij diaconatus a Pelagio Papa collatus, cum abductum a monasterio eum misit Constantinopolim. Aduersus autem ista cum tu multum obitrepens multa congeras, nihil præterea facis, nisi vt in cachinnum soluas ora legentium. mentiar, nisi tu ipse sentiens ista (si sapias) pro conscientia esse vera profiteri cogaris. De his acturi, ea primum tibi ob oculos ponimus, quæ calumniose nimis a Baronio asserta affirmas, quæ ipsum vmquam dixisse, nullo pacto poteris reperire. Quæ sint autem ista, ex tuis ipsius verbis sic reddimus, quibus hæc dicens frequenter repetere consueuisti de Baronio: Apertissimis, ais, verbis significasti, octogesimoprimo anno supra quingentesimum præfecturam Urbanam egisse. Sequenti anno monasteria sex in Sicilia, & septimum in Vrbe Roma ædificasse, & octogesimotertio supra quingentesimum monachum effectum. Hæc tu de Baronio, quem in tuis dialogis sub Bernardi persona sugillas; quæ nec abs te semel dicta, sed vndecies repetita, & vehementius inculcata, in margine notata posuimus, vt ea Lector facile consulere possit. Sed vbi locorum, rogo te, Baronius ita (vt tu dicis) definit tam certa diuersarum actionum tempora? vbi locorum asserit, sequenti anno, nempe octogesimosecundo a S. Gregorio fuisse monasteria erecta, & octogesimotertio effectum monachum? certe quid ita exacte, vt tu ponis, ab eo fuisse distincta tempora & definita, nequaquam inuenies; neque ab eo constitui certum annum, quo S. Gregorius factus sit monachus;

pag. 47.
v. 14.
48. v. 1.
79. v. 5.
81. v. 15.
83. v. 17.
90. v. 20.
91. v. 32.
157. v. 29.
158. v. 14.
160. v. 28.
193. v. 14.

monachus; sed tantum certum firmari annum, ante quem nullo modo potuerit esse monachus. sed ista omnia tua abs te aguntur interpretatio-
ne; in qua tu ipse quantum fallaris, intelliges. Ceterum quod ad mona-
steriorum pertinet erectionem, illa ab eo excitata fuisse, cum adhuc lai-
cus esset, ex ipso Gregorio Papa cogniturus est Lector: quod & Grego-
rius * Turonensis eius æqualis, qui Romam veniens eiusdem Gregorij tem-
pore, quæ ipsius essent, potuit optime didicisse, affirmare videtur.

* Greg. Tu-
ron. lib. 10.
cap. 1.

Cum vero certum annum monachatus S. Gregorij nequaquam Baro-
nius (vt tu calumniaris) voluerit definire: tu tamen ex perperam fa-
cta interpretatione verborum eius, ita deducere velle videris. Cum
enim certum dumtaxat annum præscribat eius in Cardinalem diaconum
assumptionis, & legationis Constantinopolitanæ, qua functus est, nempe
annum quingentesimum octogesimumtertium, ibiq. dicat, statim Grego-
rium ipsum a Pelagio Papa e monasterio euulsum, ordinatumq. diaconū,
atque missum Constantinopolim: hoc, quod dixit, *statim euulsum*, tu male
interpretaris, significare voluisse, eodem die, hora, vel momento, quo fa-
ctus est monachus, inde per Pelagium Papam abductum fuisse. Sed sic ab
eo dictum esse, *statim*, quod diutius ibi ipsi morari non licuerit, ipse idem
Baronius superius demonstraui: vt non alius quispiam quam ipse suorum
verborum sit audiendus interpret, qui anno Domini quingentesimo octo-
gesimoprimum eius Vrbani tractans præfecturam, & de iisdem agens
hæc ait de ipso S. Gregorio: Qui igitur haud diu permissus est degere in
monasterio, sed inde euulsus in diaconum est assumptus.] plane decla-
rans, quod tunc dixit, *statim*, id voluisse significare quod dixerat, haud
diu ipsi concessum in monasterio commorari. & inferius vbi dixit, *statim*
post tres versus, quid per illam vocem voluerit intellexisse, sic ipse decla-
rat: Cum igitur Gregorius monasterium ingressus esset, ne ibi diu perma-
neret, oborta occasio fecit.] Ecce tibi, ipse est interpretatus quod dixe-
rat, *statim*, nempe significare voluisse, non diu. Sed & quod dixerit, *sta-
tim*, haud existimes, oscitanter prolapsum verbum illud ab eius ore; sed
scire admodum atque prudenter ea voluisse voce vtī, petita non aliunde
quam ex eiusdem ipsius S. Gregorij verbis, quibus hæc in primis de sero-
nimis suo ingressu in monasterium habet in præfatione in libro's Mora-
lium ad Leandrum, quæ idem Baronius ^b ibi recitat, tu vero non vidisse. ^b *Annal. 10. 7*
simulans, ad ea nihil respondes. sic enim ipsum Leandrum alloquitur ^c *an. 581.*
Omne tuis auribus, quod mihi de me displicebat, exposui. Quoniam diu,
longeq. conuersionis gratiam distuli. Et postquam celesti sum desiderio
afflatus, sæcularem habitum contemnere, melius putavi. Aperiebatur
mihi tunc de æternitatis amore quod quærerem, sed inolata me consuetu-
do deuinxerat, ne exteriorem cultum mutarem. Cumq. adhuc me coge-
ret animus præfenti mundo quasi specietenus deseruire: cæperunt multa
contra me ex eiusdem mundi cura succrescere, vt in eo iam non specie, sed
quod est grauius, mente retinerer. Quæ tandem cuncta sollicitè fugiens,
portam monasterij petij, & relictis quæ mundi sunt, vt frustra tunc credi-
di: ex huiusmodi naufragio nudus euasi.] hæc de se ipso non alius quam
ipse

ipse Gregorius, de dilata diu, longeq. (vt ait) sua conuersione, & in sæculo diuturna, licet cum pietate, conuersatione, sed tamen ad monasticum sumendum habitum cunctatione. quæ adamussim probe conuenire omnibus de præfinito tempore præfaturæ illius intelligis.

Rursum vero, quomodo, ubi est ingressus monasterium, illic diu manere ei non licuerit, sed per Pontificem ipsum abstractus sit: accipe consentientia mirum in modum omnibus, quæ dicta sunt à Baronio in Annalibus; quæ tu, Constantine, cum sæpe fugilles, sæpe etiam cum derisione atque contemptu repetens illa verba, *statim eunsum*, scias te fugillare & carpere ipsum S. Gregorium, à quo accepit illa Baronius. Audi tu, inquam, quæ in eadem ad Leandrum præfatione his quæ sunt dicta, ita mox subiicit: Quia enim plerumque nauim incaute religatam etiam de sinu tutissimolitoris vnda excutit, cum tempestas crescit: repente me sub prætextu ecclesiastici ordinis, in causarum sæcularium pelago reperi, & quietem monasterij, quam habendo non fortiter tenui, quam stricte tenenda fuerat, perdendo cognoui. Nam cum mihi ad percipiendum sacri altaris ministerium obedientiæ virtus opponit: hoc sub Ecclesiæ colore susceptum est, quod si inulte liceat, iterum fugiendo desectatur &c.] hæc de se Gregorius, querens se post ingressum monasterium, inde iussione Romani Pontificis repente (vt ait) fuisse subductum. porro, *statim*, & *repente*, idem significare, tu ipse (vt inferius dicendum est) es interpretatus. Sic igitur nihil penitus est, quod quisquam iure redarguere valeat, si quod S. Gregorius, *repente*, dixit, Baronius, *statim*, dixerit; non quod eodem momento (vt tu male interpretaris) inde euocatū dicere voluerit, sed vt ipsa declarauit, quod ibi manere non diu licuisset. Quantū vero tēporis in monasterio manserit, sicut affirmari non potest, ita non ante octogesimūprimum post quingentesimum annum fuisse monachum, dici debet. Cum alioqui ex ijs quæ eodem auctore Gregorio Baronius assert, constet ipsum arreptum semel monasticum institutum numquam deseruisse. Primū quidem quod ab Vrbe recedens, monachos plures, quibuscum viueret, Constantinopolim secum duxit; ac deinde quod reuersus Romam, in suum monasterium redijt. Hæc, inquam, omnia eiusdem Gregorij testificatione ipse confirmat, vt de his suboriri dubitatio nulla possit. Cohibete igitur, Constantine, neque calumniaris Baronium (quod sæpe facis) dixisse quæ non dixit, conuictus tu ipse in his calumniator & mendax.

His igitur de tardo ingressu Gregorij in monasterium, & repentina euocatione ex eodem per Romanum Pontificem facta, ipsius S. Gregorij auctoritate firmatis: reliquū modo est, vt quæ abs te sunt adducta ex eodē Gregorio de longa in eodem monasterio perseuerantia, adducamus in medium. sunt ista^b: Ipsum igitur (inquis S. Gregorium) & iudicem & patronum causæ suæ constituere decreui; vt vel doctrina & fide sua, aut etiam sanctitate illectus te dedas. certus enim sum, si ad eum confugiam, fidissimum me habiturum patronum, qui non permittet me causa cadere. Qui dum adhuc in humanis esset, hanc quæstionem, quasi diuinans futuram, plurimis locis dialogorum suorum diremissee visus est. sic enim cum

suo

^a pag. 30. V. 1.

32. V. 18.

33. V. 30.

34. V. 15.

39. V. 16. &

alij in locis.

^b pag. 48. V.

15.

suo Petro loquens, ait: Redemptum Ferentinæ ciuitatis Episcopum, vitæ
 venerabilis virum, qui antè hos fere annos septem ex hoc mundo mi-
 grauit, tua dilectio cognitum habuit. Hic, sicut nosti, mihi adhuc in
 monasterio prope posito valde familiariter iungebatur. hæc ^{a Dial. lib. 3.} Grego-
 rius. Quibus puto (subdis) satis aperte constare, & quo tempore fuerit
 in monasterio, & diu etiam in eo permanfisse, cum Redemptus ille (vt
 scribit Marianus Scotus) claruerit anno Domini quingentesimo septua-
 gesimoquarto, & eo tempore floruerit familiaritate beati Gregorij.]
 hæc tuipe. Qui certe ex S. Gregorio id non probas, sed tantum ex Ma-
 riano Scoto, qui post annos ferme quingentos post S. Gregorium vixit,
 quem omnino errasse, quæ sunt dicta superius de tempore præfecturæ
 Urbanæ S. Gregorij, satis ostendunt. Ex dictis autem Gregorij sic infe-
 rius infer: ^{b Pag. 49.} Apertissime, inquis, docet illis verbis, & diu se in mona-
 sterio positum, eius familiaritate vsum fuisse, & ante in monasterio exti-
 tisse.] hæc illatio tua. Sed quid probat? ante septennium notum fuisse
 in monasterio suo Gregorio Redemptum. Porro si computes a tempo-
 re, quo sunt scripti dialogi, in quibus ista ipse scribebat anno quarto sui
 Pontificatus, plane longe plures annos, quam septem, ex quo Gregorius
 monachus esse cœpit, inuenies: cum etiam a tempore, quo est reuersus
 Constantinopoli ad suum monasterium, cui vsque ad electionem suam in
 Romanum Pontificæ præfuit Abbas (fuit is annus eius reuersionis octo-
 gesimus sextus post quingentesimum) plusquam septē anni numerentur.
 Scias enim, ipsum, vbi Romam redijt, mox ad suū monasterium esse re-
 uersum, eidemq. summa præfectura præfuisse, nempe Abbatis, prout ipse
 Gregorius satis aperte docet, dum narrat historiā de monacho proprie-
 tario, in quem vt Abbas, censurā illam exercuit, vt sepeliretur in sterqui-
 linio. ait enim sic incipiens: ^{c Greg. dial. lib. 4. c. 55.} Neque hoc silendum puto, quod actum in
 meo monasterio ante triennium reminiscor. Quidā namque monachus,
 Iustus nomine, medicinali arte fuerat imbutus, qui mihi in eodem mona-
 sterio constituto sedulo obsequio, & in assiduīs ægri tudinibus meis excu-
 bare cōsueuerat &c.] subdit enim de pœna, quam vt Abbas irrogauit in
 eum. Sed quod ad Redemptii pertinet, quid, inquam, prohibet eum notū
 Gregorio in monasterio, etiam antequam Constantinopolim pergeret?
 Nam non ita statim inde euulsus accipiendū, vt secundum ea, quæ dicta
 sunt, non potuerit aliquo licet breui temporis spatio ibi degisse. Sed non
 est necesse illud septennium reuocare ad tempus illud, antequam profe-
 ctus esset Constantinopolim, cum inueniatur impleri posse post reditum.

Idipsum respondemus ad id quod subdit de Iuliano, de quo Gre-
 gorius ait, ^{d Greg. dial. lib. 4. c. 38.} quod eodem modo ante septem annos defunctus consue-
 nerat venire ad monasterium, vbi constitutus erat ipse Gregorius.
 Idem, inquam, respondendum, eo quod idem sit casus de his, quæ spe-
 ctant ad tempus. Facebat itaque cauillus toties repetitus de verbo, *sta-
 tim*; cuius loco (vt vidisti) ipsemet Gregorius dixit, *repente*; cuius te-
 stificatione audisti, sero factum monachum, & cito inde sublatum. Qui-
 bus sic firmiter eiusdem verbis constitutis, cetera ab ipso de se scripta,

hic accipienda omnino sunt, ne eidem ipsi Gregorio aduersentur, sed potius quoquomodo possunt (possunt quidem recte) iisdem accommodentur.

a pag. 33. v.
1. *Affer* ^a alia testimonia ex eisdem dialogis S. Gregorij petita, in quibus de tempore etiam decennali ante eorumdem dialogorum scriptio- nem mentio habetur, vt illud de Gerontio verbis istis: In monasterio etenim meo, inquit, quidam Frater ante decennium, Gerontius dicebatur &c.] ad hæc ingeris: Porro si ante decenniū hoc euenerat: absque dubio in ipsum octogesiumtertium annum supra quingentesimum (si hæc quarto sui Pontificatus anno, vel etiam nonagesimoquarto salutis scripsit) incidit: quo tempore certissimum est (prout tu vis) vel nondum monachum fuisse, vel certe Constantinopoli fuisse. At hoc quod narrat, ostendit eum & multo ante monachi vitam arripuisse &c.] hæc tu dicens, iterum a nobis arguendus eris impactæ ac sæpe repetitæ calumniz, cum ais, sentire Baronium, S. Gregorium nondum fuisse monachum ante dictum annum octogesiumtertium post quingentesimum. Quam autem ab ea sententia abhorruerit, satis dictum superius, cum aliud nihil sit conatus Baronius, quam demonstrare, S. Gregorium ante annum octogesiumprimum, quo gerebat præfecturam Urbanam, esse monachum minime potuisse: quando autem post dictum annum factus sit monachus, minime definiuit, licet dixerit, *statim*, & *non diu*. per quæ verba minime voluit definisse, eodem id factum momento.

b pag. 35. v.
pauis. *Ing* ^b ingeris ^b argumentum, adieccero de Merulo monacho monasterij S. Gregorij, de quo cum dicat Gregorius, eius sepulturam post annos quatuordecim esse refoissam, & miram suauitatem odoris spirasse: inde arguis, iam annis quatuordecim, antequam illa Gregorius scriberet, anno nonagesimotertio vel quarto post quingentesimum, S. Gregorium fuisse monachum. subijcis vero ista: ^c Quam autem hæc eius verba clarissime probent sententiam nostram esse verissimam, puto etiam a priuatis sensu perspicui posse.] ita esset quidem, vt dicis, si S. Gregorius in his duobus nouissime recitatis exemplis loqueretur de suo monachatu, sicut loquitur de suo monasterio: sed cum tantummodo de suo monasterio loquatur; nihil aliud infertur, quam ante decem, vel quatuordecim annos ab illo tempore, quo illa scriberet, iam extitisse S. Gregorij monasterium. quod & ego profiteor & affirmo, vt superius ex Gregorio Turonensi professus sum, videlicet a S. Gregorio septem illa esse erecta monasteria, antequam monachus ipse fieret. Nihil penitus ergo ex his infertur (vt vides) S. Gregorium ante decennium, vel annos quatuordecim fuisse monachum, prout tu gloriose, tamquam de obteuta ex his victoria, prædicas.

d pag. 34.
vers. 17. Inania insuper sunt & vacua prorsus, quæ ex iisdem dialogorum libris adhuc adducis de antiquiori monachatu S. Gregorij istis verbis: ^d Cla-
rissima

riſſima, inquam, adhuc ex eodem penu deprompta adducam. ſic enim ſequitur ibi: Quidam mecum in monaſterio Frater Antonius vivebat, qui multis quotidianis lachrymis ad gaudia patriæ cæleſtis anhela- bat &c.] ad iſta tu: Ex illis verbis, Mecum vivebat in monaſterio, & Qui multis quotidianis lachrymis ad gaudia patriæ cæleſtis anhela- bat, & Cumq. ſtudioſiſſime & magno ſeruoris deſiderio ſacra eloquia medita- retur, oſtenditur ſane (ſubdis) cum ad cam perfectionem non perue- niſſe, niſi longo virtutum monaſticarum exercitio. qua in re temporis diuturnitate opus eſſe quis neſciat?] ita illatio tua & argumentum de antiquitate S. Gregorij monachatus. At nonne iſta ridenda potius quæ conſutanda? Ac ſi iſtiusmodi dona Dei dentur cum temporis obſerua- tione, & non potius ſæpe contingat, abundare huiusmodi ſeruoribus ſpiritus Nouitios ipſos, & monachos veteranos egere. Huic ſimile ar- gumentum eſt, quod ad hoc ipſum probandum deducis ex eo, quod S. Siluius^a eius mater mittebat legumina inſuſa filio monacho, ergo (in-^{a pag. 10. v.} quis) antequam iret Conſtantinopolim. & quis hoc negat? ergo non,^{25.} ſtatim euulſus a monaſterio: ita ſane, ſi ſtatim ſumis pro momentaneo puncto temporis. ſed faceſſant iſthæc. Nam Baronius (quod ſæpe repe- tere cogis) voluit illud, ſtatim, intelligi eodem ſenſu, quo S. Gregorius vocem, repente, qua eſt uſus ſcribens ad Leandrum, accepit. Ita vt hac ex parte tibi non tam Baronius, quam Gregorius debeat reſpondere, qui hoc ſolum voluit voce iſta ſignificare, non licuiſſe ſibi monacho, tanto labore ac difficultate factò, diutius in monaſterio commorari.

Sed quid, Conſtantine, nos detines occupatos puerilibus concertatio- nibus iſtis? vt quod ibidem adhuc ſubijcis,^b aſſerens librum ſecundum dialogorum ſcriptum eſſe a S. Gregorio ante primum, eo tantum argu-^{b pag. 60. v.} mento uſus, quod ipſe Gregorius fateatur ſe ea accepiſſe a quatuor illis S. Benediſti diſcipulis, Conſtantino, Valentiniano, Simplicio, & Hono-^{9.} rato, qui iam obijſſent antequam priorem illum librum ſcripſiſſet. Ac ſi neceſſe ſit aſſerere, tunc illa ſcripſiſſe, cum audiuit; & ſit aliquid quod prohibeat, vt quæ ipſe antea audiuit, non potuerit poſtea ſcriptis man-^{c pag. 60. v.} dare. Vides ipſe, cuius ſint iſta, quæ ingeris, firmitatis? Sed quantum fallaris in his, quæ ſunt temporis, ipſe ſenties, cum primum hic reddam ea, quæ abs te ponuntur; qui vt iſta probare queas, hæc paulo inferius inſers:^{22.} Neceſſe eſt, inquis, (S. Gregorium ſcilicet) eas (res geſtas) S. Be-^{d apud Sup.} nedicti audiſſe ante ſexageſimum ſupra quingentimum annũ ſalutis, 10. 1. die 15.
& ſcriptis mandaſſe. Conſtātinus enim ille (vt tradunt Arnoldus & alij) Ian. in pref.
anno eodem ſexageſimo inter viuos eſſe deſijt, poſt quẽ haud diu ſuper-^{in ſine uſa} uixit Simplicius, qui ei ſucceſſerat, cui ſucceſſus fuit Vitalis &c.] hæc tu
ipſe, ſed quantum decipiaris, attende. Ex rebus enim geſtis Simplicij.
Abbatis diſcipuli S. Benediſti omnino conuinceris errare. Quomodo
enim paulo poſt quingentimum ſexageſimum ſalutis annum interiſſe
vis Simplicium, quem conſtat ex Fauſto ſcriptore vitæ S. Mauri, poſt an-
num quingentimum octogelimum ſextum adhuc fuiſſe ſuperſtitem, re-
uerſum è Gallijs cum ipſo Fauſto poſt obitum S. Mauri? ^{d Fauſtus enim}

& ipse discipulus S. Benedicti & eius alumnus, qui de rebus gestis S. Mauri, atque Simplicij, quæ vidit, scripsit, fidelissimus testis in omnibus, hic inquam, testatur de ipso collega suo Simplicio, mansisse eum cū S. Mauro in Gallijs annis quadraginta & vno, quibus vixit idē S. Maurus: insuper & sub S. Mauri successore Bertulpho duobus annis adhuc ab ipso coactum ibi mansisse; sicq. quadragintatribus annis in Gallia esse moratū. Inde vero cum ipso Paulo esse reuersum in Italiam ad suos Fratres, monachos Cassinensis Congregationis. Quod quidem contigisse anno Domini quingentesimo octogesimo sexto, ex dictis ita deducitur: Cū enim Faustū dicat, eundem S. Maurum oblatum S. Benedicto mansisse apud eum annos viginti, apparet ipsum non recessisse inde in Gallias vsque, ad annum Redemptoris quingentesimum quadagesimum tertium (si quidem anno vigesimotertio post quingentesimum contigisse oblationem Mauri S. Benedicto, etiam tu ipse affirmas post Leonem Ostiensem, & alios. Jadicce autem modo annos illos quadraginta & vnum sub Mauro, insuper & duos annos sub Bertulpho, quibus eundē Simplicium mansisse in Gallijs idem tradit Faustus, vtique quingenti & octoginta sex Domini anni fiunt, cum Simplicius redijt ad suos collegas monachos Congregationis Cassinensis, tum Romæ degentes in Laterano. Ex his igitur omnibus attente considera, quantum fallaris de tempore Simplicij Abbatis & prædecessorum ac successorum eius, coarguarisq. a Paulo auctore fidelissimo, qui præsens omnibus, omnia fidelissime scripsit, vt in controuersiam reuocari amplius a quouis auctore non debeant. fed de eodem Simplicio inferius pluribus.

a pag. 65.
vers. 12.

Post hæc autem a concertationem subiicis aliam, a quonam missus sit Constantinopolim S. Gregorius; & dum tueris ex sententia Ioannis diaconi, missum esse a Benedicto Papa, frustra laboras; cum in restitutione Breuiarij Romani sub Clemente Papa Octauo elaborata, scias iam præiudicatum esse, expuncto nomine Benedicti, quod a Ioanne sciretur errore positum: qua expunctione non solum Ioannis diaconi de his sententia aboletur; sed omnium illorum, quos tu magno fastu Scriptores enumeras, qui longe post Ioannis tempora floruerunt. Sed cum dependeat controuersia ista a priori illa de tempore præfecturæ Vrbane Gregorij; hæc autem (vt est demonstratum) contigerit anno octogesimo primo post quingentesimum: plane constat, non potuisse villo modo mitti Gregorium a Benedicto, cum ipso iam defuncto ante biennium, in locum ipsius Pelagius fuerit subrogatus.

b pag. 80.
vers. 6.

Quod autem agens inferius de S. Gregorij Papæ ætate, cum vitam monasticam agere cœpit, eius te esse sententiæ^b proferis, vt fuerit tunc iuuenilis ætatis, idq. ea ratione probare niteris, quod constet ex Ioanne diacono, ipsum tunc superstitem habuisse matrem. Addo (quod magis mireris) ipsum iam Pontificem suis litteris affirmare, adhuc tunc temporis suam nutricem fuisse superstitem. quotennis autem tunc fuerit, aliquid certe asserere, est diuinare, cum ex antiquioribus fontibus id accipere posse non detur. Nam cisternæ sunt dissipatæ monumenta illa tua, ex quibus ista deducis, vt nullius sint penitus fidei, prout quæ inferius

bus istis nimis valde detinearis; dicetq. secundum ^a Hilarij sententiam; ^a De verb. signific. intellig. gentia. ext.

Debere verba rebus, non res deseruire verbis. sicq. fieri interdum, vt istud, *statim*, plura annorum centenaria comprehendere possit, vt habes in exemplum vaticinium Malachiz, quo ait: ^b Statim veniet ad templum sanctum suum Dominator, quem vos queritis, & Angelus testamenti, quem vos vultis.] Noli ergo tu esse tam seuerus interpres, vt quod ego dixi, *repente*, & meo exemplo Baronius, *statim*, tu velis vno temporis impletum puncto atque momento. Amor vehemens me ita ex abundantia cordis loqui coegit, vt cito citius abreptus esse viderer ab eo, quod vehementi possidebam amore. amantium sunt phrascs istæ. Nam quid ait diuina ^c Scriptura de Iacob, Rachelis amore flagrante, & pro ea septennij temporis spatio durissime laborante? Videbantur illi pauci dies præ amoris magnitudine.] Disce igitur (iterum dico) verba rebus aptare, non res verbis cogere inseruire. si ista sapis, nõ desipies. Sicut cum eadem ratione, voce illa, *diu*, sum vsus ad significandum perbreue temporis spatium. nam in dialogorum præfatione ita me dixisse memini: cum afflictus valde, & diu tacitus sederem, dilectissimus filius meus Petrus diaconus affuit &c.] dixi *diu*, quod paucarum horarum tempus includitur. quin immo dixi ^d alibi & diutius, quod vel vnus aut alterius horæ termino factum scirem, idq. alibi sæpius. Quæ omnia si tu adhibita rerum gestarum discretione considerasses: haud tu diu, in voce *diu*, frustra adeo laborasses, & statim de verbi, *statim*, controuersia discessisses.

b Malac. 3.

c Gen. 29.

d Dial. lib. 1. c. 10.

Quod autem mox ^e addis, ab eodem ipso S. Gregorio definiri certum tempus, quo ingressus est monasterium, cum agit tam in vltima homilia in Euangelia, quam in dialogis ^f de obitu S. Romulæ virginis, verbis illis: Eo namque tempore, quo monasterium petij, anus quædam Redemptæ nomine in sanctimoniali habitu constituta in Vrbe hac iuxta beatæ Mariæ Virginis ecclesiam manebat.] & infra de eius discipula Romula paralytica agens: Hæc, inquit, multis annis in lectulo decubans, pene omni iacebat membrorum officio destituta.] & paulo post: Sicut vtique referentibus, & eadem res multis claruit, & ego quoque in eodem tempore agnoui.] ex his autem tu ista deducis: Perpende, inquis, diligenter illa verba: Eo namque tempore, quo monasterium petij, & illa: Multisq. annis in lectulo decubans, & illa: Et ego quoque in eodem tempore agnoui: & animaduertere poteris, an statim e monasterio auulsus fuerit, vel in eo diu permanserit. *Diu* autem (ni fallor) & *statim*, esse contraria, nemo negauerit.] falleris certe, & negat id ipse S. Gregorius, vt nuper audisti, nimirum quod respectu diuersorum non sint inter se voces istæ contrariæ, sed simul veræ pariter esse possint. Quod autem de multis annis interlapsis, toto illo tempore, quo S. Romula paralyti laborauit, tibi suppeditas argumentum: quid prohibet hæc referri ad tempus, quo ipse S. Gregorius mansit in monasterio? mansit namque vsque ad sui ad Pontificatum promotionem post reditum saltem annis quatuor: his adde totidem annos qui intercurrunt vsque ad tempus, quo illa ipse scribebat,

e pag. 86. 9. 9.

f Dial. lib. 4. c. 15.

bat, sicq. octo fient anni, iidemq. multi illi, quibus tradit, Romulam paralyti laborasse. Vt plane nihil sit, quod ijs deducere valeas, S. Gregorium; contra assertam sententiam, ante octogesimumprimum annum monasticam vitam esse professum, quibus intelligas omnia ista argumenta tua sumi instar in tenuem aerem euanescere. Ceterum quod ad germanum sensum verborum S. Gregorij pertinet: tota illa narratione significare voluisse videtur, tunc quidem, cum ipse monasterium est ingressus, contigisse quem narrat S. Romulæ ad Deum transitum: quod idem ipse inferius declarasse visus est; vbi agēs de apparitione diuinitus acta paulo ante eius obitum, mox ait: Eadem res multis claruit, & ego quoque in eodem tempore agnouī.] quoniam eodem tempore, nisi quod præmiserat ipso narrationis exordio, Quo, inquit, monasterium petij.] sicq. certum tempus eius ingressus in monasterium terminasse dicatur certum pariter tempus S. Romulæ ad Deum transitus, cum aliud tempus terminare non possit, quod est imperfectum, vt illud, manebat. Quo germano sensu verborum S. Gregorij accepto, dicendum est, multos illos annos, quibus Romula paralyti laborauit, ante eiusdem in monasterium ingressum, iam elapsos fuisse, post quos idem qui subsecutus est ad Deum transitus, tunc contigerit, cum ipse ingressus est monasterium.

Inferius etiam, dum non obseruas regulam quam audisti ex S. Hilario, *a p. 28. §. 12.* vt verba rebus, nō res verbis inseruiant, in alium errorem impingis, & existimes Gregorium diuturniori tempore quam tribus annis Constantinopoli munere Apocrisarij detentum mansisse, auctoritate eius epistolæ ad Mediolanensem Clerum datæ de electione Constantij in ipsorum Archiepiscopum, dum hæc ait de ipso: Cum in vrbe Regia responsa Sedis Apostolicæ facerem, longo mihi tempore adhæsit.] hæc ibi. ex quibus hæc tu inferis: Attende illud, longo tempore, ex quo intelligitur; multo ante octogesimumtertium annum, supra quingentesimum scilicet, eo nauigasse, & longiori tempore ibi commoratum esse. Neque enim, si ibi tres tantum annos nondum exactos egisset, eo modo loquendi vsus fuisset, & maxime illis verbis, longo tempore, ex quibus profecto verbis aperte habetur, Gregorium ante octogesimumtertium annum eo missum fuisse.] ista tu habes, pro animi arbitrio tempora mutans. Quid enim? si clericus alienæ ecclesiæ peregrinus Gregorio Constantinopoli existenti inhæsisset ad quatuor, vel quinque menses; nonne dici potuisset, longo tempore apud ipsum fuisse? Sane quidem, si de hospite quisque suo ista perpendat. Deciperis tamen, Constantine; non ait Gregorius, se longo tempore mansisse Constantinopoli, sed Constantium illum Mediolanensis ecclesiæ ibi apud se longo tempore mansisse. multum hæc enim differunt inter se, cum longe diuersos respectus habeant.

Ceterum quod ad tempus pertinet aduentus S. Gregorij Constantinopolim, non ante annum Redemptoris quingentesimum octogesimumtertium cōtingere potuisse, ex S. Leandri illuc aduentu possumus intelligere, dum non ante prædictum annū suborta ei est causa, vt a Rege Christiano Constantinopolim mitteretur, nempe bellum ciuile inter Catholicos

licos & Arianos, quod non ante præsentem annum conflatum esse, ex Gregorio Turonense demonstratum est in Annalibus. Verum præuenisse Leandrum, verba illa Gregorij in præfatione Moraliū posita in epistola ad ipsum data, significare videntur, quibus ait: Dudum te, frater beatissime, in Constantinopolitana vrbe cognoscens, cum me illic Apostolicæ Sedis responsa constringerent, & te illuc iniuncta pro causis Fidei Regis Vuisigothorum legatio perduxisset.]

Sed videamus an firmiora sint, quæ his subiungis, adducens epistolam S. Gregorij ad Eulogium Patriarcham Alexandrinum datam Indictione decimatercia, qui est annus Redemptoris quingentesimus nonagesimus quintus, in qua hæc de tempore continetur: Ante hos siquidem annos octo, sanctæ memoriæ decessoris mei Pelagij tempore, frater & Coepiscopus noster Ioannes in Constantinopolitana vrbe ex causa alia occasionem querens Synodum fecit, in qua se Vniuersalem appellare conatus est. Quod mox idem decessor meus vt agnouit, directis litteris, ex auctoritate Petri Apostoli eiusdem Synodi Acta cassauit. quorum videlicet exemplaria studui destinare. Diaconum vero, qui iuxta morem pro responsis Ecclesiæ faciendis, pijsimorum dominorum vestigijs adhærebat, cum præfato confacerdote nostro Missarum solemniam celebrare prohibuit &c.] ex his vero tu ista deducis: Quod si alius diuersus a S. Gregorio tunc eo fungebatur munere in Ecclesia Constantinopolitana, ergo ipse Gregorius iam recesserat ante dictum octauum, quem numerat annum.] ita quidem, sed quod subinfers, longe discrepat a veritate, dum subdis ex his inferri, rediisse inde Romam Gregorium, non anno quingentesimo octogesimo sexto, sed potius octogesimo quarto, vel ad summum quinto. sed vide quantum fallaris, numerum subducendo. Si enim constat ex notata in epistola Gregorij Indictione decimatercia, eam epistolam scriptam esse anno Domini quingentesimo nonagesimo quinto: plane ex octo illis annis, quos numeras ante illud tempus, inuenies illam Synodum factam esse anno Domini quingentesimo octogesimo septimo, adeo vt nihil sit quod impediatur, quin dici possit, S. Gregorium (vt habet & probat Baronius in Annalibus) rediisse ipso anno Redemptoris octogesimo sexto post quingentesimum.

Subiicis autem præcedentibus absurdiora, iterum sic argumentando: Sed ad aliud absurdum accedamus: Si statim e monasterio exire coactus fuit, & Constantinopolim soluere: vellem a te scire, quomodo adeo breui potuerit tam arctam consuetudinem, & necessitudinem, non sæculi blanditijs, sed Christi glutino copulatam contrahere, cū Fratribus sui cœnobij &c.] adhæc dicimus, quod præterquā tu illud, statim (quod sæpe inculcas & proculcas) male noueris, quantum temporis spatium comprehendat; adhuc insuper ignorare videris, ipsum S. Gregorium etiam laicum cum suis monachis, quibus construxerat monasterium, quotidianam consuetudinem habuisse, vt de his dubitatio nulla esse debeat, cum ipse maximum se cultorem fuisse seruorum Dei, in dialogis frequenter affirmet. quomodo non assidue versabatur cum

a pag. 22.
verf. 19.

b Greg. lib. 4.
epist. 26. l. 2.
23.

c pag. 29.
verf. 15.

illis, quibus erexerat monasterium, quod & contiguum esset ædibus suis? Tu vero post hæc (quod dicere erubescimus, cum tu non erubueris) ista cum sint adeo perspicua, præ ingenij forte crassitudine non percipiens, ita contumeliose iurgaris, dicens: ^a Non pudet eos hæc scribere &c.] ita in multis vnum dumtaxat, qui solus dixit, Baronium ex obliquo sugillans, e cardine mentis motus a multis argueris, qui Cardinalem S. R. E. ita ignominiose non es veritus perurgere. Sed contemnit ista Baronius tui misertus, cuius monitu & nos leniter tecum agere suademur: at non ista certe te docuit Pater tuus in Regula, cum disserit de gradibus humilitatis.

Ad postremum vero primæ dici dialogum hac claudis obiectione, impossibile ^b nimirum fuisse, vt tam breui spatio eius incolatus in monasterio potuerit tanta de diuinis litteris didicisse; adeo vt opus fuerit illic longiorem ætatem vixisse.] Ad ista respondemus eiusdem Gregorij Papæ doctrina, qua monstrat omnes illos, quos semel Spiritus sanctus inspirat, reddi mox ex imperitis doctissimos, dum ait: ^c Ecce apertis eiusdem oculis fidei, David, Amos, Daniele, Petrum, Paulum, Mattheum intueor, & sanctus ipse Spiritus, qualis sit artifex, considerare volo; sed in ipsa mea consideratione deficio. Implet namque citharædum puerum, & Psalmistam facit; implet pastorem armentarium sycomoros vellicantem, & Prophetam facit; implet abstinentem puerum, & iudicem fenum facit; implet piscatorem, & prædicatorem facit; implet persecutorem, & Doctorem Gentium facit: implet publicanum, & Euangelistam facit. O qualis est artifex iste Spiritus! nulla ad discendum mora agit ad omne quod voluerit. Mox enim vt tetigerit mentem docet; solunq. tetigisse, docuisse est &c.] hæc ipse, in se ipso expertus ista, qui & in præfatione Moralium hæc de se habet: Quid igitur mirum, si intellectum stulto homini præbeat, qui veritatem suam cum voluerit, etiam per ora iumentorum narrat?] Demonstramus & hoc ipsum exēplo in alio per insigni Ecclesiæ Doctore, in quo maius Deus miraculum, quam in Gregorio demonstrauit, in sancto nimirum Ambrosio, quem nondum plene Christianum, sed adhuc catechumenum electum Episcopum Spiritus sanctus, mox vt sui ignis flamma succendit, confluuit in admirabilem Ecclesiæ Doctorem. Ceterum Gregorium ipsum fuisse excultum scientijs liberalibus, Gregorius Turonensis eius æqualis affirmat. Sed & ab ineunte ætate assueuisse sacris litteris, idem ipse de se ita testatur, cum in præfatione librorum dialogorum de Petro diacono ista habet: Qui mihi a primæuo iuuentutis flore in amicitijs familiariter obstrictus est, atque ad sacri verbi indagationem socius.] hæc ipse, cui tu credas. Demum vero cum maiorem partem huius primæ dici frustra contriueris in ostendendo, diu ante præfixum a Baronio terminum, S. Gregorium professum esse monasticam vitam: etiam si id tibi liberaliter concederemus: nihil certe lucraberis, vt asserere ob id posses, ipsum monachum fuisse Benedictinum. At de his modo hæc ænus, ad sequentis dici tuum dialogum transeamus.

IN SECVNDVM COLLOQVIVM.

Quod in primis in tuo secundo colloquio disputandum suscepisti, vter duorum prior tempore vixerit, S. Benedictus, an S. Equitius: tractatam vberius hanc quaestionem in Responsione post Apologeticum hunc inuenies, ex qua redargueris in multis errasse.

In eo autem, quod differis de S. Benedicti ætate, cum eremum petijt: miramur vehementer, quod more tuo Baronium calumniaris, dixisse scilicet, fuisse iam ætate matura S. Benedictum, cum eremum petijt. Quod ne lapsu calami dici possit tibi contigisse, sexies minimum abs te ^{a pag. 101. 9.} repetitum demonstratur, cum tamen id ipsum ne semel quidem vsquam inuenturus sis a Baronio dictum. Siccine mendacio & calumnia rem agis, venerande S. Benedicti professor, vt impingas Baronio quæ non dixit? sed videamus an ipse percipias, quæ velis ab ipso dicta: non puto. Verum quotupliciter in his peccaueris, accipe. Nam præterquam quod calumniose asseris eum dixisse, quod non dixit, adhuc non videris vim harum vocum, *ætate matura*, affectus; cum re ipsa apud bonos auctores illa dicatur matura ætas, quæ senilis pariter dici consuevit; quo sensu te non putamus accepisse maturam ætatem, vt vuleris maiori impudentia sugillare Baronium, & tantum ei portentum affigere, vt dixerit S. Benedictum iam senē eremum petijisse. Sed & in eo grauitè peccare conuinceris, quod et si ipse adolescentem siue adolescētulum paulo pueritia grandiores S. Benedictum in eremum se contulisse Baronius testatur: ab Vrbe tamen puerum vix puberem recessisse non negat: quod tu eum dixisse negas. legat Lector Annales, ^{b Annal. 10. 6. au. 494.} & detestetur calumniā. Quod autem eius tunc quidem esset ætatis supra pueritiam, vt inuentia carnis vigore spiritus superaret, idem S. Gregorius ^{c Greg. dial. lib. 2. in praefat.} his verbis ostendit, vbi ait: Aetatem quippe moribus transiens, nulli voluptati animum dedit. Quod vero inferius ^{d Id. lib. 2. c. 1.} idem S. Gregorius eundem puerum nominat, cum primum miraculum instaurato fracto capisterio edidit: id dictum scias a S. Gregorio more suo, & assueto vsu loquendi, quo quemlibet adolescentem etiam annorum viginti consuevit puerum appellare, prout petitis ab eiusdem scriptis exemplis Baronius ibidem docuit euidenter. Demum quem rursus nisi Baronium postrema insultatio tua ferit, cum ais: ^{e pag. 111. 9. 32.} Vbi sunt ergo illi, qui cum maturiori ætate eremum petijisse fabulantur? An non ista ipsa de ætate puerili, quam sugillas, Baronius proficitur, eodem nimirum anno quo dicis, ab Vrbe recessisse, profecturum in eremum? hæc quidem in Sexto Annalium tomo habet ipso anno quadringentesimo nonagesimo quarto verbis istis: Hoc eodem anno magnus ille monachorum Patriarcha, Occidentalis Ecclesiæ decus Benedictus, Nursinus patria, ab Vrbe recedens profecturus in solitudinem, sublimioris vitæ monasticæ primæ ieiunio feliciter fundamenta. Quod vero non simul ac ab Vrbe recessit, statim illam solitudinem petijt: idcirco paulo grandiores pubertate id-

pag. 101.
p. 2.

fecisse, Baronius ex ipso S. Gregorio demonstravit. Cur igitur, cum res sic se habeat, sic exclamās in eas quas non videas, sed mente tantum concipias, leues umbras? vel cum ais, nescio quid somnians: ^a Si decimono-
nono, vel vigesimo, ut ille tuus Scriptor suspicatur, supra quingentesimum cretum petijt.] sed ubi delira ista Baronius? qui quam procul ab his fuerit, consignata in Annalibus quæque tempora certis annis ostendunt. Existimasti, puto, ista quæ scripsisti, ad examen numquam reducenda, dum adeo portentosis calumnijs ipsum ornabas. Repetis & hæc inferius summo dedecore, ubi ais: ^b Qua ætate fuerit, quando se eo contulit, & quam longe a via veritatis discesserit ille, qui scripsit, eum decimono-
nono vel ad summum vigesimo supra quingentesimum; & maturiori ætate cretum petijisse.] Potuerunt ne ista a religioso viro fingi a Baronio dicta, cum contraria his penitus asserat, cum agit de S. Benedicto tum anno Redemptoris nonagesimoquarto supra quadringentesimum; tum vigesimotertio supra quingentesimum, in quibus tractat de eiusdem sanctissimi Patris ætate? sed prosequamur reliqua.

pag. 111. p. 1.

pag. 112.
p. 15.

Cum vero agis de tempore, quo vixit S. Equitius, redarguisque contradictorem ^c tuum Bernardum, quem Baronij loco supponis, dicentem ex eo colligi, Equitium antiquiorem S. Benedicto, quod S. Gregorius primum agat de Equitio, inde vero de Benedicto; profecto si cuncta, quæ Bernardo obijcis, & dicta ab eo refellis, a Baronio asserta velis; & hæc calumnia ingens est, cum nusquam ista reperiantur a Baronio in Annalibus dicta. Quod vero negas ex Cassiodoro colligi posse, eundem esse Basilium Magnum, de quo S. Gregorius scribit in Equitio, cum eo, de quo Cassiodorus agit: inferius in Responsione satis manifeste declaratum invenies. De Valentij, siue Valentionis, vel Valentini Abbatis S. Gregorij diuersimodis in codicibus scripto nomine, superflua contentio est, cum de re constet.

pag. 113.
p. 12.

Cum vero ex verisimili ratione Baronius argumentatus esset, S. Gregorium non fuisse instituti S. Benedicti, eo quod Scriptores antiquiores, qui ante Ioannem diaconum vixerunt, ut Gregorius Turonensis, Ildefonsus, Beda, & Paulus diaconus, cum de S. Gregorio pluribus egerint, nequaquam id dixerint aliquando, tu respondens sic eludis: ^d Neque etiam eos asserere, quod fuerit discipulus S. Equitij. at non par est ratio utriusque. Nam etsi, quod ad alios pertinet, responsio ista valeret, tamen Paulum diaconum, qui eiusdem ordinis sancti Benedicti monachus erat, cum de S. Gregorio ageret, eiusdem Patris fuisse monachum, cuius & ipse esset, par erat asserere. Sed quod addis, idcirco dictos auctores absque aliqua expressione nominis S. Benedicti, Gregorium nuda voce monachum appellasse, quod ex ea statim intelligendum erat, illum S. Benedicti fuisse monachum, ob celebritatem nominis eius, & quod omnes monachi eo tempore sub vna S. Benedicti Regula conuenissent. Quam falsa ista sint, ut omnes monachi sub vna S. Benedicti Regula censerentur, atque etiam sub eiusdem S. Benedicti nomine appellarentur, multa exempla demonstrant. Nam in Italia, præcipue parte illa, in qua est Calabria

labria & Apulia, & aliz adiacentes prouinciæ, ordinis S. Basilij monachi fuisse noscuntur, iij. a S. Basilij nomine appellati, quorum monasteria vsque in præsens sæculum perseverasse, exploratissimum est. An non & tunc vigeabant monachi etiam S. Seuerini, quibus Eugipius Regulas scripsit?

At quod in his sumus, hic ostendendum est pariter, quam enormiter erraueris, dum inferius in eadem tua perstans sententia illa ^a subijs: Multiplicia illa instituta, quæ vigeabant tempore eiusdem patris S. Benedicti, eo exurgente, & formulam suam longe lateq. dilatante, adeo oblitterata sunt, vt nisi a Scriptoribus, præcipue vero ab vno Gregorio de eis mentio facta fuisset, ne fuisse quidem scire possemus, cum nullum de eis nunc extet vestigium; neque solum nunc, sed neque citra annos ab hinc mille & vltra. Odofredi enim historici non ignobilis relatione habetur, vt etiam Carolus Sigonius testatur, vsque ad annum salutis non-gentesimum, solos monachos Benedictinos (vt ille scribit) & Canonicos Augustinianos inter religiosos, quos vocant Claustrales, nominatos fuisse. Neque enim in Gallijs, aut Germanijs, seu Hispanijs, vel Britannia, aut Scotia, siue Hibernia, aut Sardinia, Italiaue, seu Sicilia, seu alibi, vllum monachorum institutum fuit; quod ex formula sanctissimi Patris aut ab origine non fuerit, vel succedentibus temporibus illius effectum non sit.] addis his, ^b In Gallia vsque ad annum millesimum sexagesimum sextum testificatione cuiusdam, cui inhæres, nulla alia fuisse monasteria nisi Benedictina, hæc tu haud semel, sed iterum atque iterum, more tuo, inculcas & exaggeras. Dicam cum Apostolo: ^c Non est bona gloriatio vestra,] quia non vera: quod si non vera, erit plane eiusdem generis, cuius idem Apostolus meminit, dicens: ^d Gloria in confusione ipsorum.]

Tantum enim abest, vt exurgente S. Benedicto (quod tu dicis) ceteræ monachorum Regulæ oblitteratæ fuerint longe lateq. in prouincijs enumeratis, vt ostendi etiam possit, eodem ipso sæculo alias recens institutas esse Regulæ in Gallijs, ab illis diuerfas, easdemq. mirifice propagatas. Fuit earum auctor & promulgator sanctus Columbanus Hibernus, qui anno Redemptoris quingentesimo nonagesimosecundo in Gallias migrans, Luxouium veniens, fuit Luxouienfium monachorum institutor. Cuius res præclare gestas scripsit eiusdem temporis scriptor eius discipulus Ionas, non autem Beda, vt apud Bedam mendax titulus habet: qui ea quæ de S. Columbano scripsit, a S. Gallo siue Eustathio & alijs eiusdem Columbanii discipulis se accepisse ^e testatur, qui de institutis ab ipso Regulis, vbi iam duo monasteria erexisset, hæc ait: ^f Ad cuius famam plebs vndique concurrere, & se cultui religionis dicare curabat, ita vt plurima monachorum multitudo adunata vix vnus cœnobij collegio confidere valeret. Ibi nobilium liberi vndique concurrere nitentantur, vt spectis phaleramentis sæculi, & præsentium pompam facultatum contempnentes, æterna præmia caperent. Quod beatus Columbanus cernens, vndique ad penitentia medicamina plebem concurrere, & vnus cœnobij septa tantam conuersantium cohortem absque difficultate non continere; & quamuis mente vna & corde vno; tamen

^a pag. 102.
^g 1.

^b Ead. pag.
^g 10.

^c 1. Cor. 5.

^d Thilip. 3.

^e Vlt. S. Columb. c. 10.
in fine.
^f Ead. vis. 6.
^g

conuersationi tantæ multitudinis incongrua : alium experimento locum elegit ; quem aquarum irriguitas adornabat , aliudq. monasterium construxit , cui , Ad fontanas , nomen indidit , deditq. gubernatores præpositos , de quorû religione nihil dubitabatur . His ergo in locis monachorum plebibus constitutis , ipse vicissim omnibus intererat ; REGVLAMQ. quam tenerent , Spiritu sancto repletus condidit . In qua autem qualis & quantæ disciplinæ vir sanctus fuerit , prudens Lector , vel auditor agnoscat .] hæc de Regula a S. Columbano conscripta , viro quidem , sicut sanctitate eminentissimo , ita doctrina haud impare . de quo ista Sigebertus scribat : * Tanto sapientiæ thesauro est ditatus , vt adhuc adolescens librum Psalmorum elimato sermone scriberet , & alia multa ederet , vel ad canendum digna , vel ad docendum vtilia .] Vides ne Constantine , quantum ex his tu mendacij arguaris , & vanæ iactantiæ , dicam ne & inuidentiæ ? qui nolis nisi S. Benedicti celebrari nomen , illustrari gloriam , reliquorum vero Sanctorum , qui eodem vitæ genere claruerunt , (quantum in te est) penitus obscurari ; & constitutus Deum inopem , qui post collata S. Benedicto diuina charismata , exhausto penu , non habuerit quæ alijs elargiri posset dona cælestia . An dices , longe impar Columbanus , qui cum Benedicto conferri possit ? Non de his disputo , quæ diuinorum sunt secretorum , vt temerarius arguatur qui ista definienda suscepit ; sed illud tantum ago , vt ad comprimendum tantæ arrogantiae fastum , ostendam non solum falsum esse quod asseris , promulgatis Regulis S. Benedicti reliquas defecisse , sed alias etiam adhuc creuisse , longe lateq. secundo germine propagatas S. Columbani Regulas esse , eandem in Concilio Matisconensi examinatas atque probatas , diuinis miraculis confirmatas , cum aduersus earundem impugnatores intonuit de cælo Dominus , perdiditq. omnes miserando interitu refractarios . Quas & constat percognitas paulo post ab e. Honorio Romano Pontifice , & approbatas , eiusdemq. diplomate monachos ipsarum professores communitos . Quibus etiam repleta fuisse multiplicia monasteria Galliarum tam monachorum quam virginum seminarum , idem auctor testatur tum in Columbano ; tum etiam in alijs sanctis Attala , Bertulpho , Eustathio , & Burgundophora , quorum res gestas omni fide conscripsit ipse eius ordinis tunc viuens monachus obseruantissimus Ionas : quæ si legeris , plane intelliges quantum peccaueris , cum stylo tuo ita perfunctorie nullius præter S. Benedicti Regulas post earum promulgationem viguisse es conatus asserere . Scies pariter , S. Columbanum S. Benedicto non imparem , in aliquibus apparere præstantiorem , dum grauiores est passus a Regibus persecutiones : fuisse pariter in sanctitate discipulorum æque felicem , in miraculorum editione æque præstantem . vt si alter magnitudine superet , alter numero vincat . His vero magis persuadeberis , si perlegas insignia facta S. Galli eiusdem S. Columbani discipuli , quæ Vualfridus Strabo ^d summa diligentia perquisita , accurate conscripta , posteritati digna memoria tradidit duobus libris elucubratis . Ista dixerim & prædicauerim , non (vt fortasse tu senties) in S. Benedicti , eiusq. ordinis detractionem ,

* Sigeb. de ill.
lustr. eccl.
Script. c. 60.

b Ionas in
Eustathio .

c Idem in
Bertulpho .

d Apud Sur.
10. 5. die 16.
Octobr.

tionem, immo in maioris gloriæ argumentum (etenim charitas con-
gaudet veritati: cum & in beata illa communione Sanctorum, alter a 1. Cor. 13.
alterius meritis gloriatur vt proprijs:) sed vt ita styli nostri acumi-
ne, veluti chirurgi ferro, turgens sanie apostema pungens, contractum
intus arrogantiæ virus foras erumpat, & ita ingenti morbo cureris. Ad-
diderim adhuc insuper, ne quoquo modo aduersus adeo patentem testi-
ficationem Ionæ, de sancitis a Columbano Regulis monachorum, dicere
possis (quod tibi in more est) easdem acceptas fuisse ex S. Benedicti Re-
gulis: ex ijs vnam recitabo, vt omnem prorsus mentiendi tibi auferam oc-
casionem. Ionas igitur in S. Burgundophoræ vita, quam scripsit, hæc ha-
bet: Erat enim consuetudinis monasterij & Regulæ, vt ter in die per
confessionem vnaquæque earum mentem purgaret, & qualemcumque
rugam mens per fragilitatem attraxisset, pia proditio ablueret.] hæc ip-
se. Porro Regulam istam inter S. Benedicti Regulas nequaquam inue-
nies, vt scias Regulas Columbani diuersas fuisse a Regulis Benedicti, si-
cut & alias, de quibus actum est in dicto Concilio Matifconensi; cum,
tamen in ijs, quæ sunt præcipua ordinis, omnes Patrum Regulæ siue
Orientalium, siue Occidentalium, in vnum simul conueniant. Ad quod si-
gnificandum Benedictus quidam his temporibus proximus Abbas, com-
mentarium eodem argumento conscripsit, de quo ista Sigebertus ha-
bet: Benedictus Abbas scripsit ad monachos librum, quem vocauit,
Concordiam Regularum, multorum Patrum Regulas Regulæ S. Benedi-
cti conferens, vt nulla Patrum Regula a Benedicti Regula discordet, im-
mo Benedicti Regula Regulis omnium Patrum concordet, ostendit.] Ar-
guendus vero fur & expilator Trithemius, qui Columbanum cum suis
inter Benedictinos annumerat.

Post hæc autem quo negare posses, Valentionem ex Valeria prouincia
monachum institutorem fuisse S. Gregorij (quod idem ipse in dialogis
sæpe testatur) eo confugis, vt absque auctore aliquo, sed tua coniectura
tantum asseras, dialogorum S. Gregorij textum a Græcis monasterium
postea incolentibus esse corruptum, & loco Hilariõis ab eis positum;
Valentionem, vt legitur hodie in antiquis codicibus, ista adeo delira
suade deliris. Sed demus a Græcis factum esse, quod dicis, vt loco Hila-
riõis, eo ab eis abraso nomine, sit subinductum nomen Valentionis: vbi
locorum id factum asseris? In ipso, dicis, monasterio S. Gregorij in Vrbe
posito ad Cluium Scauri, cum in eo habitarent Græci. Demus, inquam,
volumen illud fuisse reuera deprauatum a Græcis: cetera vero per ora-
bem Occidentalem ac etiam Orientalem sparsa dialogorum volumina;
quorum exemplaria, viuente adhuc ipso S. Gregorio cæpta sunt descri-
bi, & ad diuersos mitti, & inter alios ad Theodolindam Reginam Lon-
gobardorum: num illa omnia dixeris deprauata, cum in omnibus illis
exemplaribus siue originarijs, siue ab illis descriptis, quæ hætenus repe-
riuntur, non nisi Valentio legatur, Hilario vero in nullo eorum? Doce,
si potes, Græcos illos monachos vniuersum perlustrasse orbem, omniaq.
exemplaria nactos esse, eademq. singula corruptisse. sed nec tamen ad-
huc

b Sigeb. de
illust. Script.
eccl. 6.6a.

c pag. 143. B.
30.

d Paul. dia-
lib. 4. c. 5.

buc satis ista, nisi in ipsis antiquioribus codicibus ostendisses membrana lationem in ablatione Hilarionis nominis factam. Sed quod incon-
 sulte ista abs te, veluti accepta somnio ingeruntur: dicas quæso, quæ-
 nam causa ad codicum omnium deprauationem Græcos potuit impu-
 lisse, ut nomine Hilarionis expuncto, & Valentionis subrogato, vendica-
 rent sibi Gregorium, ut suspicaris? Nonne magis ipsis opportunum,
 cessisset, legi Hilarionē, quam Valentionem? nam quis nesciat, nomen Hi-
 laronis, præsertim quoad monachos, ex magno illo Hilarione, cuius vi-
 tam S. Hieronymus scripsit, propagatum videri potuisse, quo Orienta-
 les omnes exultant? Valentionem quis ignorat nomen esse Latinum, & a
 Valente, sicuti Crescentionem a Crescente, & alia his similia deriuatū?
 Quomodo ergo non aptius & commodius Græcis ad perficiendum,
 quod eos dicis optasse, nomen fuisset Hilarionis, quam Valentionis?
 Sed tu addis, id ab eis factum, quod vulgatum esset nomen Hilarionis
 institutoris S. Gregorij, monachum fuisse ordinis S. Benedicti. sed quo
 id auctore vulgatum? nulla certe doceri potest, nisi Ioannis diaconi au-
 thoritate. at nonne ante eundem Ioannem tu ponis Græcos depraua-
 tores nominis Hilarionis? sed facessant ludicra ista, quæ sciant omnes,
 iure quidem a nobis deliria appellata. Quod vero subiecis de Italie
 monachis, eos tunc temporis non militasse sub S. Basilij Regulis: de his
 in Responsione ad alium ex tuis monachis prolixior erit sermo.

Iam vero maximi momenti aggrediar quæstionem, in qua cupio
 Lectorem attentum, eo quod disserendum sit de falsitate citatæ ab eo
 cuiusdam epistolæ a nobis hic recitandæ, quæ si abs te germana osten-
 di potuisset, tibi sine controversia cedendum fuisset. Afferens num-
 quam hæcenus vitam epistolam e nomine cuiusdam Bernardi Abba-
 tis monasterij S. Honorati ad Simplicium Abbatem monasterij Cassi-
 nensis: quam ab ipso eius titulo redarguere incipimus imposturæ. sic
 enim se habet:

Reuerendissimo monachorum patri Simplicio Bernardus Abbas Mo-
 nasterij apud Fundanam Urbem obedientiæ subiectionem.] Ita inscri-
 ptio: ex qua quidem statim subodorati sumus imposturam, quam ut in-
 uenire possemus, sagaci studio laborauimus. inuenimus tandem, Deo
 fauente, vindicæ veritatis. Quod igitur in primis ad epistolæ inscriptio-
 nem pertinet, ob ipsum nomen scribentis Abbatis, Bernardi scilicet, &
 aliud quod in ipsa epistola legitur nomen Hugonis, eam possumus re-
 darguere commenticiā, eo quod dicta nomina tempore Gregorij non-
 dum introducta noscantur. Vnde intelligi possit ipsam epistolam confi-
 ctam postea ab aliquo fuisse recentiore auctore, qui vixerit eo tempore,
 quo nomina hæc vñ recepta fuerunt. quisnam autem iste impostor fue-
 rit, non inquirō; te tamen libero, Constantine, tibi credens, inueniri
 eam in antiquo codice Cassinate. Quisquis autem ille fuerit, dignus
 plane fuisset, qui ad tribunal ecclesiasticum delatus, illud luisset de fal-
 sitate supplicium, quod tempore Pij Papæ Quinti irrogatum vidimus in
 Ciccarellum quemdam impostorem, qui cum pro animi arbitrio id ge-
 nus

nus monumentorum fingere comicus fuisset, traditus Curie seculari, laqueo luit pœnas, ipse etiam cadauere flammis absumpto. At præter hæc, quæ diximus de falsis nominibus, quænam alia grauissima suppetant argumenta ad redarguendam imposturam, iam in medium afferamus: sed primum hic ipsam, prout abs te in tuo secundo colloquio cussa legitur, reddamus epistolam, quæ sic se habet post recitatam superius inscriptionem.

Experientia compertum est multorum, Rectorum mores varias viuendi normas in monasterijs peperisse. Hinc factum est, vt iam omnia monasteria Campaniæ, Samniæ, Valeriæ, Tusciæ, Liguriæ, & aliarum prouinciæ Italiciæ certam & rectam regulam viuendi, quam sanctissimus & Deo acceptissimus Benedictus magister tuus instituit, seruare decreuerint, vt iuxta illam viuentes, nec ad dexteram, nec ad sinistram declinare præsumant. Hanc ego seruandam proposui huic Congregationi, cum nuper me in suum Abbatem elegerit indignum. Quam cupientes in hoc monasterio, sicut in Cassinensi monasterio, obseruare inuiolabiliter, decreuimus ad sanctitatem vestram destinare religiosos ex eadem Congregatione viros, Hugonem & Paulum Fratres nostros, iuxta prædictam sanctam Regulam, & obseruantiam plenius instituendos in Cassinensi sancta Congregatione. quos commendatos apud paternitatem tuam humili obsequio rogamus. Datum in monasterio prope Vrbem Fundanam VI. Kal. Aprilis.] ita descripta & recitata abs te epistola, cuius artifex subdolos (quisquis ille fuerit) id ex ea voluit posse probari, iam ipso tempore Simplicij Abbatis, ad quem data habetur epistola, prouinciæ Valeriæ monachos sub S. Benedicti Regula profiteri cœpisse, sicq. Valentionem illum primum Abbatem & institutorem S. Gregorij monachum fuisse Benedictinum. ita quidem. Si enim vera fuisse ostendi posset epistola, iam causa tota esset euicta, ac perorata, tibiq. Constantine, adiudicata; sed quoniam manifestæ conuincitur falsitatis, te eadem causa cadere, certum est.

Scias itaque, non solum ex dictis illis duobus nominibus adsciticijs, Bernardo & Hugone, reddi epistolam hanc tuam de impostura suspectam, immo conuictam; sed id ipsum a nobis demonstrandum longe euidentiori argumento, quo quidem tu ipse conuictus, atque omnino conuictus idem asserere, (nisi priuatus affectus mentem obnubilet) id ipsum, fateri cogaris, & exclamare etiam tu ipse, zelo veritatis incensus, aduersus huiusmodi nebulonem, tanti sceleris architectum, etiam si renueris, a conscientia compellaris. Nam si ostendero ante annos decem & octo excisum fuisse Cassinense monasteriũ, quam potuerit ea epistola ad Simplicium scribi: plane falsam illam esse affirmare cogaris, quæ scripta dicitur ad Simplicium in monasterio Cassinensi commorantem.

Accipe igitur certam rei demonstrationem omni testificatione maiorem, non ab alio auctore quam ab eo, qui eodem tempore vixit, eiusdem ordinis sanctissimo monacho allatam, eodemq. discipulo S. Benedicti, Fausto scilicet dico, sincerissimo S. Mauri vitæ scriptore, cuius in

primis assertione illud constat, Simplicium æque discipulum S. Benedicti, datum fuisse comitem ab eodem Patre sanctissimo ipsi Mauro in Gallias proficiscenti, vbi vna cum eo etiam iugiter permaneret: quod & præstitit vsque ad ipsius Mauri obitum, necnon Bertulphi Mauri successoris, qui duobus post Maurum superuixit annis. Inde vero vna cum eodem Fausto, (vt ipse in præfatione testatur) est reuersus ad suos, ex quibus egressus fuerat, monachos Congregationis Cassinensis tunc Romæ in Laterano commorantes. Sed quoto anno Redemptoris id acciderit, ex eiusdem Fausti supputatione in fine vitæ ipsius Mauri facta sic accipe, ab ipso rerum principio ab eodem auctore ita deducta: * Oblatus est, inquit, Maurus beato Benedicto; habitauit cum eo annos viginti.] sicq. inde ab eo recessisse oportuit anno salutis quingentesimo quadragessimotertio. nam in confesso est apud te ^b ipsum absque dubitatione, aliqua, ex Leone Ostiense & alijs, anno vigessimotertio post quingentesimum oblatus fuisse a patre suo Eutychio S. Benedicto Maurum ipsum. His itaque si addas annos illos viginti cõmorationis cum eõ, vtrique (quod dictum est) salutis anno quadragessimotertio post quingentesimum, asserere opus est, ipsum S. Maurum a S. Benedicto in Gallias esse missum. Adijce rursus huic numero annos quadraginta & vnum, quibus cum Mauro vixisse, vsque ad obitum scilicet ipsius Mauri, Simplicium, Faustus affirmat, atque his adde annos duos vitæ Bertulphi successoris Mauri, quibus retenti ab eo sunt ambo Simplicius atque Faustus, antequam recedere possent ex Gallia in Italiam: fiet omnino annorum numerus octoginta sex supra quingentos, quo scilicet anno Faustus & Simplicius sunt ex Gallia reuersi ad suos Fratres Cassinensis Congregationis monachos, non autem ad Cassinense monasterium; quia iam ante destructum fuerat anno salutis (vt tu ipse etiam constanter asseris) quingentesimo septuagesimooctauo: * quo ex tempore vsque ad reditum Simplicij atque Fausti anni numerantur decem & octo. Si ergo Simplicius toto illo tempore mansit in Gallijs, nec reuersus est inde, nisi elapsis annis decem & octo post destructum monasterium Cassinense, nempe anno octogessimosexto post quingentesimum: quomodo potuit ille Bernardus Abbas monasterij S. Honorati misisse duos illos monachos ad Cassinense monasterium ad Simplicium instruendos, si neque tunc extabat monasterium Cassinense, iam ante decem & octo annos excisum? Quid ad hæc Constantine dicis? vera sunt ne ista, quorum tantus testis est auctor, eiusdem S. Benedicti charus alumnus Faustus, cuius verba & scripta omnes vt diuinum oraculum consueuerunt accipere? Detestare igitur mecum detectam de falsa epistola imposturam, labora vt flammis vtricibus detur, quæ adeo vestram honestissimam Congregationem infamat, Fausto ipso S. Benedicti discipulo vindicem aduersus eam agente.

Sed quomodo tu ipse in alijs etiam pluribus magnopere atque multipliciter ex ijs, quæ ex Fausto sunt allata, redarguaris, quæ quidem miramur abs te non esse considerata, accipe. Ac primum dum vis Simplicium

a Apud Sur.
die 15. Ian.

b pag. 100.
8. 26.

c pag. 170.
9. 22.

plicium hunc tertium fuisse Abbatem post S. Benedictum in monasterio Cassinensi, cum tamen (vt expresse habes ex Fausto) ipse Simplicius numquam sit reuersus ad suos, nisi post annos quadraginta tres a professione in Gallias, atque post excisum monasterium Cassinense annis decem & octo: Redargueris rursus a Fausto, cuius & auctoritate conuinceris, quod male sis interpretatus verba S. Gregorij, de Simplicio, a quo de vita S. Benedicti pleraque acceperat conscribenda, sic loquentis: Simplicio, inquit, qui Congregationem illius post eum tertius rexit,] interpretatus, inquam, Simplicium post S. Benedictum fuisse tertium Abbatem monasterij Cassinensis: cum tamen ex his, quæ dicta sunt ex Fausto res oculis spectante, appareat manifeste, id quod dicit S. Gregorius; post eum tertius rexit,] relationem habere non ad S. Benedictum, sed ad Valentinianum Lateranensem Abbatem. Ac licet post Valentinianum, ponatur ab eodem Fausto in præfatione Theodorus tertius Abbas, id accidit ex diuersa ratione & ordine numerandi, nimirum quod ab ipso Valentiniano inceperit Gregorius numerare, Faustus ab eo, qui post Valentinianum primo loco successit: alias inter Faustum, & S. Gregorium magna fieret discrepantia. Tertio vero loco generatim es redarguendus a Fausto, dum in supputatione tam Abbatum Cassinensium, quam Lateranensium, in qua tantopere laboras, mirum in modum errare conuinceris idem tu ipse, qui in Baronium ex perperam facta eorumdem Abbatum supputatione petulanter adeo insultasti. fortasse dicturus es more tuo, ista nos dicentes, vniuersam conuellere antiquitatem. At nos contra dicimus, velle eam statuere, atque etiam restituere, ipsa nempe veterima veterum in lucem prodere, quæ scripta reperiantur ab antiquo S. Benedicti discipulo Fausto, eiusq. auctoritate reliquos redarguere oscitantæ, quod in peruestigandis antiquis scriptis adeo tepuerint, atque cœcutierint. Vt sic intelligant omnes, vnum nostrum hoc esse studium, ipsam antiquitatem adeo obscuratâ elucidare.

Sed accipe adhuc a Fausto correctionem quartam, qui ex eo etiam te redarguat, quod mendaciter illum citas, quasi asserat, post Valentinianum fuisse Abbatem Lateranensem Gregorium quemdam: ^b sunt enim hæc tua verba: Cui, Valentiniano, successisse Gregoriū quemdam, tradit Faustus in vita S. Mauri.] hæc tu ipse. at in vita Mauri a me sæpe perlecta nihil tale potui reperire. Siccine bona fide rem agis, vt non falsos tantum testes, sed falsas etiam testificationes adducas? Faustus igitur tuus pater, tuus corrector insurgat, teq. redarguat, quod patrem decet, amanter.

Etsi autem, redarguente Fausto, qui ea, quæ vidit (vt testatur ipse) conscripsit, errasse conuinceris tam recensendo Cassinenses Abbates, quam etiam Lateranenses: veniale tamen sit tibi, quod alijs præuijs, quos es secutus, errantibus, tu quoque in eandem erroris foueam tractus, cum ipsis errasti. ^c Siquidem Paulus diaconus primus erroris huius signifer reperitur, dum ita ante te numerauit successionem Abbatum Cassinensium, quem secutus est postea Leo Ostiensis. ^d Vixit ille, scrip-

a Lib. 2. dist. in princip.

b pag. 169. vers. 10.

c Paul. diac. lib 4 c. 6. in nou. c. 13. d Leo Ostien. Chron. Cass. lib. 5. c. 2.

sitq. temporibus Caroli Magni, annis post S. Gregorium pene ducentis; iste vero post annos quingentos ab eodem Pontifice. Hos & alios scimus esse secutos, Paulo diacono inhærentes, qui quidem deceptus esse noscitur ex ambigua sententia verborum Gregorij, relatione ab eo facta ad Benedictum, quam ad Valentinianum proxime positum esse reuocandam ex his, quæ scripsit Faustus, apparet. Qui vnus instar omnium nobis sit, vt qui oblatu S. Benedicto septennis, coaluit cum ipso, crescens cum annis pariter & sapientia, apud quem permansit vsque ad tempus profectiois S. Mauri, quando (vt dictum est) vna cum ipso, atque Simplicio, alijsq. collegis in Gallias missus est, vbi permansit vna cum eodem Simplicio vsque ad obitum S. Mauri atque Bertulphi, post quem eundem Simplicium redeuntem in Italiam dicto tempore est secutus, qui cum & eiusdem Simplicij peregrinationis, & stationis, profectiois, & reuersionis comes fuerit indiuiduus: plane de rebus Simplicij perdiscendis, nemo erit qui cum Fausto veniat comparandus: ita vt neque, si vnuerfus orbis in contrariam sententiam conspiret, aliquid Fausti fidei detrahi possit, quæ præ tanti viri dignitate, a nemine hæcenus fuerit in dubitationem, vel controuersiam deducta. Quod vero haud, vt par erat, habita ratio est a legentibus de tempore Simplicij mansionis in Gallijs, & in Italiam reditus; euenit vt de eodem Simplicio etiam grauissimi auctores errauerint.

Ad excusationem vero Pauli diaconi, & aliorum, qui cum sequuti ponunt Simplicium tertium Cassinensis monasterij Abbatem, primum dico ac repeto, Paulum ipsum, & ipsi inhærentes ex eo deceptos, quod S. Gregorius nominauerit eum tertium Abbatem, ita exstimates tertio loco successisse S. Benedicto. Inde vero iidem ex eodem Fausto in præfatione ad vitam Mauri ex ijs, quæ proxime recitabimus, decepti quidem fuisse noscuntur, cum putarint, ipsum asseruisse, eundem Simplicium reuersum ex Gallijs in Italiam ad monasterium Cassinense; sicq. cum eum S. Gregorius appellet tertium Abbatem, quem Faustus asseruerit Cassinum rediisse: absque aliqua ambiguitate visum est, esse dicendum, Simplicium tertium fuisse Cassinensem Abbatem. Excusatione, plane dignus error, vt senties, cum audieris quæ a Fausto in dicta præfatione ad vitam Mauri narrantur. Ipse enim ibidem agens de suo reditu vna cum Simplicio ex Gallijs in Italiam, hæc ait: Ego itaque cum longe post transitum egregij Confessoris Benedicti magistri nostri, operum mirabilium patratoris, sepulto iam beatissimo Mauro & duobus comitibus nostris Constantino, & Antonio, ad nostrum monasterium, vltimam iam pene agens ætatem, vna cum Simplicio, iuxta mandatum beati Mauri, fuisset regressus: compulsus ab omniibus Fratribus Congregationis Cassinensis cœnobij, de quo profecti fueramus, &c.] subdit enim, quomodo ab eiusdem monasterij monachis rogatus, scripserit vitam S. Mauri. Ista tu audiens, Lector (rogo te) nonne his suasus, firmiter animo concipis, eosdem Faustum & Simplicium rediisse vnde missi fuerant a S. Benedicto, ad monasterium Cassinense? Vtique plane, dices;

cum

cum id visus sit idem auctor asseruisse verbis illis : Ad monasterium nostrum regressus, compulsus ab omnibus Fratribus Congregationis Cassinensis cœnobij, de quo profecti fueramus.] Sentirem, fateor, hoc ipsum & ego, nisi alia euidentiora obstarent omnino : neque ab ista me sententia dimoueret, quod idem Faustus mox subdit, se etiam a Theodoro Abbate monasterij Lateranensis fuisse rogatum, vt de vita S. Mauri historiam scriberet. Nam nihil prohibet, quin a diuersis, diuersisque locis atque temporibus potuerit idem Faustus esse rogatus, vt faceret : sentirem, inquam, & ego id ipsum, atque sic errarem cum illis, nisi exacta temporis disquisitio, ne in eundem errorem impingerem, veluti in tenebris lux veritatis, tamquam admota lucerna fulsisset.

Quamam autem ista lux fuerit, superius est demonstratū, nempe certa temporis ratio, ex supputatione annorum per eundem Faustum ex notis multiplicibus comparata, qua absque vlla penitus dubitatione reperitur, eorundem Fausti & Simplicij ex Gallijs in Italiam reditum contigisse post decem & octo annos ab exciso a Longobardis Cassinensi cœnobio, ita vt non potuerint ipsi vlllo pacto in idem cœnobium ad suos Cassinum esse reuersi, sed potius Romam ad Lateranensem cœnobium, quo omnis beata Congregatio illa Cassinensis post destructum monasterium Cassinense confugerat, idq. non ante annum Redemptoris quingentesimum octogesimum sextum; sicq. tota illa descriptio Fausti, qua ait, se cum Simplicio ad suum monasterium esse reuersum, de quo profecti fuerant, sit intelligenda non de loco, sed de personis ipsius loci, nempe de Congregationis Cassinensis Fratribus. Qui autem ista haud adeo accurate considerarunt, mox in eam sententiam abeuntes putarūt omnino, cum Fausto Simplicium Cassinum esse reuersum, ibiq. Abbatis munere tertio loco post S. Benedictū esse perfunctū. Fuit horum primus (vt dictū est) auctor omnium Paulus diaconus, qui secum traxit reliquos omnes, qui eadē de Simplicio asseruerunt, nec aliunde, quam ab eodē accepta. Idipsū disertis verbis Trithemius affirmavit, eodē scilicet Faustū atque Simplicium esse reuersos a Gallijs in ipsum Cassinense cœnobium. Nam audi quid dicat primum in libro de Scriptoris ecclesiasticis, cū agit de Fausto : * Mortuo sancto Mauro, ad montem Cassinum reuersus est.] & in libro de viris illustribus de ambobus eadem istis verbis : * Mauro defuncto, Faustus & Simplicius ad cœnobium Cassinense sunt reuersi, cum iam prope vltimam agerent ætatē.] hæc ipse, sed errans.

a Trith. de
Script. ecclæs.
c. 2.
b Idem.

Qui autem primus omnium eiusmodi peruestigauit & inuenit errorē, nempe fieri non potuisse, vt iidem Faustus atque Simplicius ex Gallijs post tot annorum curricula reuersi fuerint in monasterium Cassinense, quod id ratio temporis (vt dictū est) prohiberet, vt sæpe superius demonstratum est; fuit Petrus diaconus Cassinensis, qui (vt par erat) nequaquam hos voluit reuersos esse Cassinum, sed Romam in Lateranensem cœnobium, & prudenter quidē. Sed qui non, vt debuit, quem inuenit, correxit errorē : grauius inde errauit & ipse. Qui primus post annos quingentos & amplius a tēporibus Faustī atque Simplicij absque aliquo præ-
uio

uio assertore, pro animi arbitrio, duos excogitauit fuisse Simplicios; alterum scilicet tertium Abbatem monasterij Cassinensis, alterum vero collegam Fausti ex Gallijs, reuersum Romam ad monasterium Lateranensem, sicq. vnum eundemq. secuit in duos. Sed quo auctore, quate-
a Petr. diacon. de vir. illust. Cass. c. 5. stificatione, cuius assertionem antiquioris? nullius penitus. Nemo enim toto illo decursu quingentorum annorum inueniri vsquam potest, qui duos fuisse Simplicios dixerit, eiusdem temporis monachos præclaros discipulos Benedicti: licet ipse vltimo illo compendioso volumine, quod scripsit de viris illustribus Cassinensibus, visus est correxisse errorem, cū in eo non nisi de vno Simplicio memiserit, * cum tamen in duobus tractatibus, quos antea scripserat, duos finxerat sibi Simplicios, in opusculo inquam, quod inscriptum est, Ortus & vita Iustorum cænobij Cassinensis.] atque in tractatu, cuius est inscriptio, Sermo in Octaua S. Benedicti.] quos ante librum illum de viris illustribus fuisse conscriptos, ex eo redditur manifestum, quod in fine eiusdem opusculi, dum suas lucubrationes recenset, eorundem meminit a se scriptorum voluminum. In quo cum (vt diximus) non nisi vnum Simplicium agnoscat, & non, vt ante bis fecerat, duos constituat, videri potest a sententia discesse, quam quidem haud firma ratione asseruisset, dum ex sepultura ipsius id conatus fuerit demonstrare.

Quam autem ea quæ recitat sint infirma, tu Lector, attende: ait enim in opusculo illo, cuius est titulus, De octaua S. Benedicti.] cum agit de inuentione eiusdem venerandi corporis: Eodem siquidem tempore, quo Ecclesiæ speculum Desiderius eamdem renouabat ecclesiam, cum tres non integras vlnas fodisset, die octaua eiusdem sanctissimi Patris: subito ignorantibus cunctis sepulchrum inuenit, in quo tanti Patris conditus retinebatur thesaurus. Statim vero terræmotus factus est magnus, odoris quoque extitit tanta suauitas, vt omnes simul maximo pauore stuperent: mons etiam totus ab imo vsque ad summum quatiebatur; decem namque & septem vicibus eo die a terræmotu concussus est: super sepulchro quoque in dextero latere altaris laterem reperit, nomen eiusdem Confessoris continentem.] & narratis ijs, quæ tunc accidisse ait, miraculis, ista subiicit: Aduesperascente vero die, a venerabili patre Desiderio deputati sunt quæ plurimi Fratres, qui vigilias tota nocte iuxta sanctissimi Benedicti corpus celebrarent. Cumq. omnes alij egressi fuissent, Gregorius eiusdem Ecclesiæ Paramonarius dixit: Si æquum vobis videtur, sacratas reliquias, antequam dominus Abbas veniat, inspiciamus. Quod dictum dum placuisset omnibus; accedentes ad locū, inuenerunt super sepulchri sindonem expansam candidissimam, quæ cū tangebatur, euanescebat. leuantes autem lapidem, inuenerunt duas sepulturas, in quibus hoc ordine reliquiarum posite erant. Loculus erat marmoreus in dextera parte sepulchrorum longitudinis quatuor pedum, & latitudinis pene duorum, in quo ossa patris sanctissimi Benedicti, & sororis posita erant. In sinistro autē sepulchri latere loculus erat ligneus positus, in quo caro eius posita erat. positi autem fuerant ita: capita
corum

eorum contra chorum, pedes contra altare sancti Baptistæ Ioannis habentes. Iuxta pedes vero eorum inuenerunt sepulchra, in quibus Carolus sanctus, & Constantinus, & Simplicius quiescebant. A dextro autem altaris latere Benedictum patrem sanctissimum, a sinistro beatam Scholasticam inuenerunt.] subiicit de sublato S. Benedicti dente per Gregorium. Sed & alia, quæ tunc accidisse tradit, narrat miracula: at hæc satis a nobis sint recitata de his quæ ad Simplicij corpus pertinent, de quo est disceptatio, quod ex eius sepultura Petrus arguat Simplicium Abbatem fuisse monasterij Cassinensis.

At hæc an in omnibus vera sint: appello in primis Leonem Ostiensem, qui tunc temporis vivebat, & ea quæ tunc contigerunt videbat, & quam exactissime describebat, studiosissimus Desiderij Abbatis, tunc eandem basilicam innouantis: appello, inquam, præcipuum vestrorum historicorum, ne refractarius nimis rerum vestrarum existimer. Quisnam nobis succedat, si quæ vestri dixerunt, iidemq. auctoritate præstantiores, adducam in medium, ad confutanda ea quæ Petrus scripsit, vel alius nomine eius supposuit, qui necdum eo tempore natus erat? Leo igitur Ostiensis, dum de his agit, quæ tunc contigerunt, cum veteri destructa basilica, noua est ædificata, cuncta diligenter stylo prosequens, ubi venit ad effossum S. Benedicti sepulchrum, singula quæ tunc sunt facta, recensens, hæc habet de inuentione tumuli S. Benedicti: ^a Interea dum adytum ad planitiem ecclesiæ, quæ cubitorum fere sex putabatur, con- ^{a Leo Ost. lib. 3. c. 26.} sequenter disponderet: tres vias non integras fodiens, subito Benedicti patris venerabilem tumulum reperit. Moxq. cum religiosis viris communicato consilio, ne illum omnino mutare præsumeret, ne quis aliquid posset de tanto thesauro surripere: tumulum ipsum eodem, quo situs fuerat loco, pretiosus iterum lapidibus texit, ac desuper arcam Patrio marmore in transuersum basilicæ, idest, a Septentrione in Meridiem, quinque per longum cubitis, opere præclaro construxit. Hoc itaque modo adytus in priori eminentia perstitit, ita vt a pavimento ipsius ad pavementum ecclesiæ gradibus octo descendatur sub fornice scilicet maxima, quæ eidem adytui imminet, præter illum gradum, quo ad altare subitur, &c.] ^b prosequitur enim reliqua sigillatim eodem quo facta sunt ordine, vt nihil voluisse præterire visus sit, vt prudens Lector intel- ^{b Id. lib. 3. c. 27.} liget, si consulat ipsa.

Qui & inferius, dum agit de ipsius basilicæ dedicatione, deq. consecratione S. Benedicti altaris, post alias diuersorum Apostolorum, & Sanctorum reconditas ibi reliquias hæc addit: ^c Duo etiam argenteæ, ^{c Ibid. lib. 3. c. 25. in fine.} serinia, plurimis Sanctorum resecta reliquijs intra ipsum altare honorifice sunt in marmore superiori suspensa, quæ reuerendissimus Papa Benedictus ob amorem & reuerentiam sanctissimi patris nostri Benedicti de sacrario Lateranensis palatii sumpta ad Cassinensem direxit ecclesiam, &c.] & ne quis dicere posset, iidem scrinijs contenta fuisse ossa Simplicij, quorumnam Sanctorum illæ reliquæ fuerint, sigillatim inferius narrat.

At vbi nā mentio apud eundem Leonē de adinuentis & collocatis ibidē tribus alijs sepulchris, nempe Carlomanni, Constantini, atque Simplicij? insuper vbi mētio ibi, quod non vnum ibi sed duo sint inuenta sepulchra, alterum quo S. Benedicti ossa, alterum quo caro eius (vt ait) posita erat? certe quidē non nisi de vno tumulo, eodemq. S. Benedicti, Leo qui aderat, scribit: pręsentem enim se illa omnia inspexisse testatur, cū tamen reliqua, cuncta longe minoris momenti, quę tunc sunt facta, memorię perpetuę tradere minime prętermiserit. Pręterea quomodo sub vno altari (vt est Petri assertio) inuēta sunt quinque sepulchra? Vel quomodo tantopere (vt idē Leo sępe a testatur) esse potuit dubitatū, num illic esset corpus S. Benedicti: si quoties singulorū illorum triū Beatorum corpora illuc fuerunt illata, toties oportuerit ipsum altare detegi, & tumulum ipsius S. Benedicti perspicuum reddi omnibus intuentibus? Vel quoniam pacto paulo post Vrbani Papa successor ipsius Desiderij in Pontificatu, potuit adhuc dubitasse, (quod ipse Petrus diaconus scripsit: b) cum Cassinum petijt, an illic corpus S. Benedicti reconditum esset, vt oportuerit eum diuinitus facta apparitione reddi certum si adeo patens nuper facta fuerat tot miraculis ipsius detectio sepulturę? Vel quomodo tot tāta signa illa coram edita ab ipso Leone Ostiensi potuerūt prętermitti, vt nec nutu saltem eorundem vilo pacto meminerit, qui longe minora de eodem S. Benedicto facta miracula scribere non prętermisit? Sed & quam ratione, qui nouę ecclesię singula altaria dedicata recenset, & singulas in eis singulis Sanctorum reliquias collocatas enumerat, trium illorum corporum, quę tunc cum S. Benedicto essent inuenta, nullā penitus habuerit mentionem? Rursum quod ad terrę motum pertinet: potuit id nescisse qui aderat Leo Ostiensis, vel silentio rē tantam pręterijisse, qui inferius, quando reuera contigerit terrę motus ille longe post eandem extructam & dedicatā basilicam, cum domus extrueretur, meminist hęc c verbis, quibus idem Petrus manifesti mendacij arguatur? Tantam vero, dum ista foderentur, fundamenta donius scilicet, experti sumus terrę motus vim, vt vna die decem & septem vicibus, alijs vero diebus bis, ter, quaterq. ac sępius etiam per singulos dies sentiremus. Quod certe propter innumeras eiusdem loci sepulturas, necessario tunc violatas, quę sanctorum forte hominum fuerant, multis tunc contigisse putauimus: nam raro alias hoc loco contingere solent terrę motus. Hęc Leo, quibus mendacissimus conuincitur Petrus.

Hęc igitur tibi, Lector, considerāda proponimus, quibus intelligas ista a Petro omnino fuisse conficta, vel si non ab ipso, ab alio tamen fuerit potius assumentū eiusdē scriptis appositū, quo probaretur Simplicius Abbas fuisse Cassinensis, cū tamen neque ex corpore ipsius inuento, si verū fuisset, id necessario inferri possit, illic ipsum esse defunctū. Nā & corpus Carlomanni, quod dicitur ibidē repertū, liquet eiusdē Leonis assertione ex Gallijs translātum d fuisse Cassinum. potuit namque accidisse, si vera essent quę apud Petrum inuenimus enarrata, vt monachi Cassinenses ad pristinum monasterium instauratū redeuntes, attulerint secū corpus eiusdem

a Leo lib. 2.
c. 44.

b Chron. Cas
sin. lib. 4. c. 5.

c Leo lib. 3.
c. 31.

d Leo lib. 2.
c. 7. in fin.

eiusdem beati Simplicij. Ceterum nec hoc puto verum, quoniam non dum canonizatus, & inter Sanctos relatus reperitur fuisse Simplicius, vt corpus eius subtus altare poni potuisset. Nam si canonizatus, & inter Sanctos relatus fuit, vt eo honore Sanctis tantum debito dignus habere-
tur: quare non a Cassinensibus, vel ab alijs eius memoria aliquando in-
uenitur celebrata fuisse? In Benedictionum enim Martyrologio nusquam
de Simplicio mentio, nisi in recentiore Arnoldi, cum agitur de inuentione
eorundem trium nuper nominatorum, auctoritate non alicuius, nisi Petri
diaconi, cuius fides, quam vacillet, audisti. Euanesce itaque, vt tu vides,
quæ post quingentos annos & amplius ab vno duntaxat Petro de duobus
Simplicijs adinuenta fuit assertio, a qua idem visus est recessisse, cum vl-
timo suo scripto non nisi vnus meminerit, cum tam antiquiores, vt Pau-
lus diaconus, & alij post eum; quam recentiores, vt Trithemius, non nisi
vnum suis scriptis Simplicium nouerint; licet in eo omnes errauerint, ad
putarunt, eundem vna cum Fausto ex Gallia reuersum esse Cassinum?
Hæc aduersus Petrum, vel Petri nomine scripta dicta sunt; non autem
aduersum te, qui non nisi vnum, vt reliqui omnes, tuis scriptis profiteris
nosse Simplicium, errans tamen cum alijs, dum eundem constituis Ab-
batem tertium Cassinensem.

Post hæc autem tua prosequens scripta, inuenimus te fugillasse Baro-
nium eo, a quod numerans Abbates monasterij S. Gregorij, aliquot præ-
ternislerit. quid tum? Non eam suscepit provinciam, vt Chronicon
Abbatum monasterij sancti Gregorij compilaret; sed obierit ea at-
tingens, quantum institutum ferret, ad alia tractanda se ex more con-
uertit. Inferius vero dum arguis eum, quod Abbatem vocet, quem
Præpositum monasterij S. Gregorij, quod ita S. Benedicti Regula trade-
ret, appellaret: hoc est quod disputatur, num eiusdem Regulæ S. Bene-
dicti S. Gregorius esset, vt dici possit, eadem fuisse nomina præfectorum.
Sed leuia prætermittamus ista, quod nec in his Baronius immoretur.
Iam vero ad sequentis diei, idemque tertium atque nouissimum Collo-
quium, quo absoluisisti opus, conuertamus orationem, cum prolixum se
eundem istud Colloquium tuum iam paucis intelligas confutatum.

IN TERTIVM COLLOQVIVM.

Nvgaris primum in eo, seu potius calumniaris, quod affirmas ipso
ferme tertij Colloquij exordio, a Baronio auctorem neminem
afferri, qui asserat, quod probare conatur de S. Gregorio, eum non a S.
Benedicto, sed a monachis prouinciæ Valeriæ ducere sui monachatus
originem: cum sibi stipulantem citet ipsum S. Gregorium, id in dialo-
gis iterum ac tertio protestentem, quo vno solo gaudet, vt confutet om-
nes tuos. Cumque his alia rursus subijs, declamans in eundem, quasi
id non recipiat, quod in hanc diem ab omnibus fuerit traditione recep-
tum: rursus ad tuam hac in re inscitiam prouocas detegendam, cum
ex his arguaris nescire, quid nomen ipsum traditionis ab Ecclesia usur-

patum importet; quod nempe illud dumtaxat vere traditum, & obseruatione dignum existimetur, quod ab omnibus vbique & semper sit in Ecclesia custoditum, vt, quod in exemplum ducimus, ipsum sacrum signum Crucis, quod licet nulla scriptura constet promulgatum fuisse, tamen traditum vere dici potest, & omni obseruatione dignissimum: cetera autem, quæ non sunt huiusmodi, secus, etiam si mille habeant testes, cum ex veritate certa conuinci possunt mendacij. Sit exemplo, quod ad finem colloquij dici secundæ a nobis est de Simplicio dictum, qui cum auctoritate Pauli diaconi longe ante Ioannem diaconum asseruus fuerit Abbas tertius cœnobij Cassinensis, hancq. sententiam ita mox secuti sint omnes, vt ne vnus quidem possit inueniri sensisse contrarium: tamen rei veritate comperta ex eius temporis Scriptore, qui eam cuncta vidit & scripsit, quis insaniens dixerit, tenendum esse, quod traditum; & veritatis compertæ nullam rationem habendam? Sic, cum tu ipse veritatem non ex certitudinis dignitate, momentisq. probationum expendis, sed ex numero testium, qui omnes quod ab vno esse dictum reppererunt, turmatim absque aliqua discussione sequentes asseruerunt, adeo vt idem sint omnes ac vnus, cum ab vno in omnes idem fluxisse error inueniatur: perterrere fortasse poteris (quod præfati sumus) quempiam similem famulo Elisæi, a numerum immensum hostium pertimescenti; at non eos, qui ingenuitate polleant ex veritate, dicente Domino: b Cognoscetis Veritatem, & Veritas liberabit vos.] Ad hanc te incudem prouoco, in qua crebrioribus ictibus probetur, quod sit aurum vel argentum adulterinum, quodve purum atque germanum.

At quid facis, cum aggredieris enumerare testes, qui faueant tuæ causæ, dum asseris S. Gregorium fuisse professorem Regulæ S. Benedicti? statuis ante primam aciem quem omnium fortissimum militem te habere existimas, c Bernardum videlicet Abbatem monasterij Fundani. Probe quidem, cum in tuam, tuorumq. erubescantiam (quod maxime doleo) rursus turpissimam eam imposturam spectandam adducis in scenam, rursus spectatorum sibilis explodendam. en qualem habes tuæ militiæ antesignanum. Hunc mox (ita abs te ordine isto rebus dispositis) sequuntur diplomata d eiusdem generis de donationibus factis a S. Gregorio, seu potius confictis monasterio Cassinensi. At de his nos copiose egimus in Responfione, quam post Apologeticum edituri sumus ad finem operis, vbi prouocati iisdem commenticijs scriptis, falcem & ignem immisimus in spineta illa falforum documentorum, quo amando Lectorem.

At quid me occupas in refutandis reliquis futilissimis argumētis, & illo inter alia, quod subijcis, & deducis ex eo, quod scripsisse reperiatur S. Gregorius res gestas S. Benedicti, eiusq. instituta adamasse? Vnde huiuscemodi deducis argumentum, vt dicas: a Si post cognita & laudata illa S. Benedicti instituta renuntiavit, & nuntium remisit sæculo: mirum valde esset, Gregorium aliud laudasse institutum, aliud professum fuisse. certe nouerat ipse vt iuris consultissimus illud ex eodē iure sumptū: Quod

semel

a 4. Reg. 6.

b Ioan. 8.

c pag. 184. 9.

d 187. 9. 3.

e pag. 184.

f. 21.

g pag. 186.

vers. 20.

semel placuit, amplius displicere non debet.] Quod si Gregorius non fuit ex instituto sanctissimi patris Benedicti, illud aut nesciuit, aut non. obseruauit, nempe quod iuris regula est dictum. Quod illud nescierit, non conceditur, cum ex epistola eius optime comprobetur, iuris scientissimum fuisse. & si sciuit, utique & illud obseruauit. Nam ab eo, quod ei semel placuerat, numquam discesse credam. Nisi forte rationem aliquam tu ipse attuleris, qua factum fuerit, ut tantus vir a tanto decreto discedere voluerit. Quod cum facere non possis: necessario dicendum est, Gregorium institutum quod ipse verbis laudauit, re ipsa professum fuisse, &c.] hæc tua sunt verba, quæ cum mirari iure possint omnes, qui legunt; totos oporteat eosdem in risum solui & dissolui, cum te videant monachum agentem iuris interpretem, qui velis ea lege teneri quolibet, ut quod semel laudarit, illud amplecti debeat; & non potius sit illud, quod regula iuris habet, ad contractus referendum, vel ad alia legalia placita, quibus aliquis sponte consenserit. Sed & illud quo dignum risu, dum a S. Gregorio exigit obseruationem eius legis, quam post annos ferme septingentos constat fuisse a Bonifacio Papa Octauo sancitam? En vides Constantine quanto periculo monachus agat Iureconsultum, & quid sit, præsumere ultra credidam. Ceterum quod ad S. Gregorium laudantem instituta S. Benedicti pertinet: nonne idem Gregorius aliorum Sanctorum virorum monachorum scripsit atque laudauit vitæ institutum, & sanctitatem, ut Equitij, Honorati, & aliorum? potuit ne omnium, quos probasset, Patrum sequi simul singulorum vestigia, & vitæ formam profiteri? Sunt enim ista vocationis Dei, & non hominum electionis, ut diuersi diuersa regularis vitæ instituta sectentur.

Post hæc autem reprehendens Baronium de eo, quod scripserat in Responsione ad alium Cassinensem Congregationis monachum, quæ es tu ipse fecutus, ista subiicis: ^bScriptor ille tuus nouissimus deridet quemdam (Arnoldum scilicet Belgam, quem tu errantem nominare crubescis) quod dixerit beatum Benedictum nobilibus ortum natalibus; ac si grande peccatum esset hoc scribere.] Calumniose rursum more tuo res agis. Non negat ipse nobilitatem illam S. Benedicto tribuendam, quam S. Gregorius tribuit, immo laudat, & recitat ex verbis eius, quod scilicet dicat, eum ingenuum ex liberioribus parentibus ortum. Risit quidem, quod Arnoldus ille tuus addiderit, ex Aniciano stemmate generatum, ex quo & genus Austriacum originem duxerit, ut sic ex eodem principio S. Benedicti genus, Philippiq. Regis Hispaniarum (ut ait) linea deducatur. Desinite ludicra ista miscere, & sic cohibebitis risum legentium. sed de questione hac, eiusq. confutatione agetur inferius in dicta Responsione. Hic vero tantum id attingam, quod subiicis verbis istis: Quare nescio, quo spiritu ductus ille tuus, qui ausus fuerit ostendere, beatum patrem Benedictum inferiorem nobilitate fuisse illo Defensoris filio, &c.] dicam ego, quo spiritu ductus; proculdubio a spiritu non vanitatis, sed veritatis, ut qui non nisi S. Gregorij testimonio rem agens, eadem totidem descripserit verbis; & ut veritatis amator, haud æquo

a Reg. 21. de
reg. iur. in
Sexa.

b pag. 107. 9.
20.

c pag. 188.
vers. 7.

a Pag. 188.
vers. 15.

b Gal. 4.

c Annal. rom.
6. anno 494.

d Annal. rom.
7. anno 529.

animo tulerit, ita huiusmodi ineprijs lancinari veritatem. Subijcis autem ista idem in fugillationem Baronij: Quod idcirco dixerim, ais, vt disceres, quo animo erga nos sint illi tui Scriptores, qui ex qualibet re minima occasionem quarunt, vt quam affectu sint erga institutum nostrum ostendant.] hæc tu malus intèrpres candidissimi hac in re animi Cardinalis Baronij. Porro tu cū alias sæpe superius conuictus fueris rem hanc totā calumnijs agere: modo certe calunniosissimus (pace tua dixerim) arguaris, vt de te ipse iure Baronius verbis Apostoli possit expostulare, dicentis ad Galatas: Ergo inimicus vobis factus sum veritatem dicens?] Vt autem hac pessima suspitione concepta, & prodita scriptis te liberem; aliosq. simul ista legentes reddam de his omnino securos: hic ex Annalibus eiusdem Auctoris loca aliqua reddam, quibus Baronij animus explicetur. Sicut enim voces sunt earum, quæ in animo latent, passionum notæ, ita & scripta cuiuscumque id abundantius præstant. Accipe igitur sparsa per Annales elogia de sancto Benedicto, eiusq. sacra sobole ab eodem Baronio scripta; quo nomine vestri omnes eidem plurimum debeant, tu vero facti prænitens percutere pectus debeas in detestationem concepti abs te, atque asserti mendacij: ac illud primum: Quod, inquit, admiratione dignum est. Sane quidem in S. Benedicti vocatione summa Dei in consulendo suæ Ecclesiæ innotuit providentia. Etenim tempore, quo (vt diximus) Italia, Gallia, Hispania, atque Africa a Gothis, & Vandalis hæreticis Arrianis possidebantur, Oriensq. pene totus esset infectus hæreticis: in tam tetræ noctis obscuritate densaq. caligine eiusmodi claritudo lucis effulsi; sanctus videlicet Benedictus, qua vniuersus Catholicis orbis illustraretur. Quantum autem splendor ex viro Dei Benedicto ad Ecclesiam illustrandam diuinitus emicuerit: inferius suis locis ordine temporum enarrabimus.] & rursus de Benedictinis monachis: Illud gloriose prædicare liceat, coalescente nobili planta maioribus incrementis, in dies magis magisque dilatatum esse eundem ordinem monachorum S. Benedicti, progressuq. temporis complures alios extitisse monachorum ordines sub eiusdē sancti Regulis militantes.] & post multa de eisdē Benedictinis: At quis Dei consiliū nō magnopere admiretur, dum considerat, eodem ferme tempore, quo in Oriente monachismus magna esset ex parte collapsus, compluribus ex eisdem a Fide Catholica in diuersos hæresum errores deficientibus, alijs vero ab illo veteri instituto rigido in delicias prolabantibus: eodem, inquam, tempore in Occidente instaurari, longe lateq. diffundi obseruantiam monasticæ disciplinæ, eandemq. adeo secundo germine propagari, cum veluti ex tenui surculo prægrandium exortæ sint frugiferarum arborum siluæ, quæ vniuersam repleuerint Occidentalem Ecclesiam: extiteritq. locuples seminarium, ex quo plurimi progressi sint sanctissimi diuersarum ecclesiarum Episcopi, nec defuerint ex eis, qui in Throno Apostolico confidentes vniuersam Catholicam Ecclesiam, cum vehementiores vrgerent fluctus, constantissime gubernarint: progressuq. ex eodem monachorum ordine

ordine sint, qui Apostolico munere complures barbaras nationes Christi iugum ferre impatientes, tandem ad Christianam Fidem sponte capessendam conuerterint: prodierintq. alij, qui ob suscepta grandia pro religione certamina sint victores consecuti coronam martyrij. Præterimus modo illos, qui sacrarum litterarum scientia nobiles, inter Scriptores ecclesiasticos floruerunt. Nec numeramus, quæ numerari vix possint sacrarum examina virginum. sicut nec facile sit recensere, quot ex hoc vno vere dicendo sui humilitate fonticulo immensa flumina sint deriuata. Quot, inquam, ex Benedicto diuersorū ordinum sint progressa agmina monachorum, qui licet diuerso nomine in Dei Ecclesia circumamicta varietate censeantur; instituti tamen esse S. Benedicti, & ab ipso progressi gloriantur. Hæc tanta tibi vno intuitu, tamquam immensum cælum in paruo globo descriptū inspicienda modo obiter proponimus &c.] & inferius eodem anno in hæreticos detractores S. Benedicti & suorum, vbi de diabolo meminit, qui S. Benedictum, Maledictum nominabat, ista subinfert: Intelligis ex his puto, Lector, cuiusnam lingua loquantur, cuiusve spiritu agitentur infelicissimi Nouatores, qui in eundem sanctissimum virum, aliosq. a Deo benedictos monachos maledicta & contumelias iaculari nō cessant.] hæc Baronius, quem nisi scire fuisse presbyterū nostræ Congregationis, assererem fuisse Benedictinū, cum his & alijs præclaris elogijs Benedictinos, cū datur occasio, prædicet, & in eos obloquens seuerè cohibeat. vnde sane, si res in controuersia duceretur, vter vestrū, tu ipse, an Baronius magis S. Benedictū atque Benedictinos monachos diligat: & ipse vt iudex interpellatus sententiam ferrem: procul dubio primas Baronio deferrem, hæc potissimum ratione, quod statera, qua expendendus est amor, vt sit verus, est reſtitutio. vnde & illud Cantici: * Reſti diligunt te.] a qua quidem si quis deuiet reſtitutione veritatis, non recte amare conuincitur, sed carnali affectu spiritualia prosequi, quæ inficiant potius quam decorent. siquidem caro & spiritus sibi inuicem aduersentur. Cessa igitur talia in Baronium effundere; & in tui ordinis amoris reſtitutione, si sapias, potius imitare ipsum, qui veri amoris integritate longe te superet.

Subijcis ^b post hæc argumentum ex Regula, quā a S. Gregorio seruandam vis susceptā, eo quod eam laudasse inueniatur illis verbis de Benedicto agens: Scripsit monachorū Regulam, discretionē præcipuam, sermone luculentam. Quam autem, inquis, tantū laudasse cōstat, quis eam non professum fuisse iure dicere poterit?] & vnde tibi, vt quoscumque laudatores inuenis, eisdem facias professores? laudatos ab eodem habes alios etiam monachorum patres, Equitium & Honoratum, siue alios; & quomodo potuit non laudasse omnes, eorumq. instituta commendasse, quos miraculorum signis quæ scripsit, esse Dei charos amicos intellexisset? sed quod ad Regulam spectat, audi quo modo ipse Gregorius cum de sui monasterij Regula meminit, nequaquam eam S. Benedicti fuisse tradat. * ait enim, cum agit de monacho proprietario: Eiusdē mei monasterij semper regula fuerat, vt cuncti Fratres ita communiter

a Cant. 1.

b pag. 190.
verf. 25.c Greg. dial.
lib. 4. c. 33.

viuerent,

viuerent, quatenus eis singulis nulla habere propria liceret.] hæc ipse, cui certe peropportuna patuisset occasio, vt si professor ipse fuisset Regulæ S. Benedicti, eiusdem tunc meminisset: sicut & alibi cum contigit meminisse Regulæ sancti Benedicti, agens de Specioso atque Gregorio monachis, ait: ^a Eius se Regulæ in sancta conuersatione tradiderunt.] Quod si vna communis omnibus Regula cum Gregorio fuisset, Regulæ nostræ conuenientius dixisse, videri poterat.

^a Greg. dial.
lib. 4. c. 8.

^b pag. 190.
v. 32.

Quod vero subiicis, ^b cum dixit S. Gregorius, loquens de Regula S. Benedicti: Scripsit monachorum Regulam. sic accipiendum, quod cum & ipse Gregorius monachus esset, sibi etiam scriptam fuisse innuat. Non enim, inquis, dixit: Monachorum suorum Regulam, sed vniuerse dixit monachorum Regulam.] Tuum istud argumentum tollitur ex textu ipso Gregorij proxime citato, quo ipse peculiariter suæ, & seorsum Regulæ S. Benedicti mentionem fecit, & redarguit quod subdis: quo vsu loquendi vtitur in epistolis. Ex quo intelligitur, illum semper intelligere Regulam sanctissimi patris Benedicti &c.] At longe postea contigit istud, cum toto scilicet orbe Occidentali, fuit communiori vsu recepta eiusdæ S. Benedicti Regula, vt per Antonomasiæ simpliciter dicendo, Regulam monachorum, Benedictina significaretur, secus autem temporibus S. Gregorij, cuius perperam tu citas epistolas.

^c pag. 192.
v. 9.

Quod vero persians in argumento de laudata a S. Gregorio Regula S. Benedicti, subiicis istud Dilemma: ^c Aut enim monachus erat, quando res gestas sanctissimi patris Benedicti conscripsit, aut non. Si erat, vt expertus vtique credendum est, & merito eum laudasse quod profitebatur.] ad hanc priorem Dilemmatis partem primo dixerim, vtique fuisse monachum, cum illa scripsit, immo & Pontificem, agentem in Pontificatu iam quartum annum, vt est demonstratum: sed quomodo sequitur quod dicis, vt expertus laudaret eam? quasi ex tua sententia non alia, quam quæ sit expertus, laudare quisquæ possit, & non quod laude dignum putarit, liceat laudibus prosequi? subiicis vero: Si non erat, monachus Gregorius scilicet, cum illa scripsit, sed postea monachus effectus est: & aliud institutum elegit, audacter dico, stultissimū fuisse aliud verbis probasse, & laudasse, aliud factis exhibuisse: esset enim hominis inconstantis, quod de S. Gregorio dici nō debet, nec potest.] hæc tu. Sed quid si fecisset, quod & factum ostendimus, num abs te propterea huiusmodi factū stultitiæ arguendū adeo animose fuisset? Patienter tibi ferendus, sancte Gregori, monachus iste, cum tanta audacia profitemur, si hoc abs te factum esset, stultissimum dici debuisse, si, inquam, sectatus non fuisses quam laudas Regulam Benedicti. Compello te, Constantine, si tibi loquendum esset de Regula Carthusianorum, vel S. Francisci, & aliarum austeriorum, quas sancta Ecclesia Romana probauit: laudares ne illas, an non? vtique laudaturum te eas, dices recta sententia: quidni enim laudares, quas laudatas ac probatas ab Ecclesia scires? si adderem: Quare ergo non profiteris easdem, quas laudas, transiens ad arctiorem, quod licet? quid diceres? vtique illud: Non sic eas laudauī, vt nisi profitear illas, stultitiæ

stultitiæ sim mox arguendus, cum diuersi sint hominum gustus, & non in idipsum vocati sint omnes. hæc tu ita prudenter. At quomodo ausus es, idipsum si egisset Gregorius, sanctissimum Patrem tam audacter summæ stultitiæ redarguere? An non dignus haberis, qui ob tam grauē culpam leuiori saltem subiiciaris virgæ monasticæ? tu ducito. Grande certe piaculum, audax facinus, dictum arrogans id asseruisse, atque in illud discrimen Gregoriū adduxisse, vt si manifestissimis rationibus probaretur, alterius instituti quam S. Benedicti fuisse: mox stultitiæ immensæ & inconstantis notam incurreret. sed parcat tibi ipse Gregorius, cuius admirandam sanctitatem adeo tenui eodemq. marcido tui Dilemmatis filo suspensis.

Post ista autem rursus repetis * eandem disputationem de tempore, quo S. Gregorius scripsit librum secundum dialogorum, contendens probare si posses, ab eo illum scriptum ante annum Redemptoris quingentesimum & sexagesimum. Sed quia ista confutauimus ex ijs, quæ superius dicta sunt de Simplicio, a quo partem rerum gestarum S. Benedicti idem Gregorius se accepisse testatur, qui non ante quadragintatres annos est reuersus in Italiā, anno scilicet Redemptoris octogesimo sexto post quingentesimum: omnes illæ tuæ argumentationes euanescent, vt sit tibi contra Faustum omnino silendum. His vero subiicis de propagata religione ordinis S. Benedicti in exteris nationes, quibus assentimur. quis hoc neget, quod idem Faustus per S. Maurum factum in Gallijs docet? sed de propagata tam cito in Angliā, non possumus consentire, illis obstantibus, quæ diximus in Responsione, quæ post Apologeticū in fine ponetur. Nec persuadet quod Polydorus Virgilius, qui nuper res gestas Anglorum scripsit, hoc dicat nulla antiquorum auctoritate, sed suæ mentis arbitrio: non enim recentioribus de antiquioribus testantibus fidem adhibemus, nisi quæ dicunt, vel ratione, vel antiquiorum testimonio fulciantur. Alioqui si via ista aperitur, vt nouissimo cuique quælibet asserenti absque auctoritate, vel ratione probata credatur, in potestate cuiuslibet erit, quod velit asserere, & antiquitus tradita dissipare. At sic est Baronius comparatus, vt scriptis suis nullā fidem adhiberi velit, nisi antiquiorum testificatione quæ scribit, affirmet ac comprobet.

Post hæc autem longa frustra niteris oratione, vt ostendas plurima, priuilegia concessa a Romanis Pontificibus monasterio atque Congregationi Cassinensi. Quis negat? quis inuidet? An non Baronius, cum datur occasio, eorumdem cum laude meminit? Numquid quia confutat falsa, vera negat? vel quia detestatus est imposturam aliquorum, condemnat quæ comperit & certo nouit esse germana? minime gentium. Vnde ergo sibi, vt eum sugillans, in ista, more tuo, amara verba amarus ipse prorumpas, vt dicas: ^b Quare exeat hunc nescio quis male affectus erga nostram Congregationem & prædictum sacrum cœnobium, & irrideat; dicatq. illa ipsa tot & tanta priuilegia opus esse monachi otiosi: nam illico, prolatis archetypis, mendacio conuincetur &c.] hæc tua & alia his consentientia. Ad quæ in primis, quod pertinet ad dijudican-

dum

* pag. 193.
p. 3.

b pag. 209.
p. 19.

dum animi affectum, iam superius, cum istam notam inureres, tu primū inustus ab ipsa, certa assertionē monstrauimus, præstare etiā hac ex parte Baronium tibi ipsi, qui in eo quod spectat ad cultum sancti Benedicti, eiusq. ordinis monachorum, nolit cuiquam primas deferre, & ipse numerari secundus. Quod si ab ipso quædam contigit asserta priuilegia, siue donationum instrumenta redargui imposturæ: id non insultans, sed dolens fecit; dolens, inquam, quod florentissima monachorum institutio sanctissimi patris Benedicti istiusmodi sordium aspergatur inquinamenti, quæ (quod deterius est) non expurgentur a suis; immo intacta sinantur, amentur, & conseruentur; & si quis veritatis scopam euertere aggrediatur, prohibeatur omnino. siccine colitur sancta religio? Ita etiam profecto mali parentes amant malos filios proprijs affectibus indulgentes, odio prosequentes reprehenses eorum, qui eos ad meliorem frugem reuocare laborent. Iste ne amor dicendus, an odium, diligere siue in rebus, siue in personis vitia? Si ergo vere sunt vitiosa atque omnino falsa & commenticia diplomata illa: cur adeo ægro animo feritis, confutari ipsa, & manifesti erroris conuinci? si non sunt, seu non putantur a vobis talia esse, cur argumenta singula aduersus ea plane infolubilia non soluuntur illata? sed vna tantum illa responsione gaudetis, qua vtinini, cum ista rursus animo acriori subiungitis: Dicat, & hæc a tantis Imperatoribus emanata priuilegia esse monachi otiosi opus, & tot Imperatorū maiestatem, dignitatem, & existimationē conuellat, & nihili faciat. Et quia scio quendam recentissime admodum scripsisse aduersus hæc diplomata & donationes, quæ omnia vocat deliria, & ficta quondam fuisse, nullamq. fidem eis præstandam scriptitat, cum sola nuda verba, & non facta consideret, sannisq. nos prosequitur, qui rebus magis quam verbis credimus, cum quæ patent sensibus, sciamus non egere probatione &c.] ex his nimirum, Constantine, deducis, quod cum monachi ea possideant quæ dictis diplomatibus continentur, ipsa reuocari non possint in dubium, nec erroris argui & confutari. perbella tergiuersatio, qua sic te putas eludere simul omnia argumenta. Non hoc agit, qui ea redarguit falsitatis, vt bonorum illorum vos iniustos arguat possessores, neque quod bona illa eorundem falsorum documentorum auctoritate possideatis, aliquando dixit; sed hoc potius, quod pluribus eiusdem monasterij naufragijs, deperditis germanis earūdem donationum scriptis, aliquis ex vestris, sed non de vestris, impostor illa cuncta finxerit, quæ sunt confutata, diplomata.

At vero quid egisti, ita carpens & sugillans illum, qui hoc non, vt tu putas, liuido, sed candidissimo animo præstitit? hoc vtique, quod cum omnia illa, quæ scripsi in Responsione ad religiosum monachum vestrum, nequaquam edere statuissem, ne viderer voluisse vestræ sanctissimæ religioni ignominiam irrogare, sed continuissem hætenus intra domesticos parietes, ostendens ea aliquibus ex vestris, vt sic res sub silentio absque vulgari strepitu ageretur, ac ita consuleretur existimationi vestri ordinis, dum pariter consulitur veritati: tu nunc hæc

ex par-

ex parte (dicam libere) de tui ordinis Congregatione pessime quidem meritis, cum secretam illam vobis ostensam Responsionem publicis scriptis abs te cufis nifus sis confutare, coegeris nolentem, & haftenus velle existimationi parentem, illam edere, quam tuipse confutando ita manifestasti; sicq. maximo tuo, tuorumq. dedecore huiusmodi editis scriptis insulsiſſimis, extorſeris de manu nostra illam ad Cassinatis Congregationis alium monachum Responsionem, in qua diplomata illa, quae tu dicis, redarguuntur manifestissimae imposturae: vnde in te vnum culpam conijciant omnes tui veritatis amantes. Quia tantum abest, vt his tuis scriptis confutaueris ea quae in contrarium a nobis allata fuerunt, vt magis magisq. ita frigide respondendo, vestro ordini notam inuſſeris indelebilem. Nos autem Deum, & homines contestamur, ad huc inuitos & renitentes pertractos, abs te quodammodo necessitate coactos; ne si taceremus, redargueremur improbi re vera calumniatores, prout notati istiusmodi tuis scriptionibus inuenimur; sicq. tacendo, culpa, quae nulla inest, videri potuisset nobis inesse. Quam praestitisset, Constantine, vt ipsum quidem prudentius rem agentem imitatus esses Cassinensis item Congregationis monachum tuum, qui antequam sua cuderet, nobis ostendit: liberasses quidem te, tuosq. a multis angustiis: nam inter nos sic res transacta esset sub silentio, absque strepitu concurrentium ad spectaculum, quos tu, parata scena, magna pompa ad dialogorum colloquia, tamquam ad actus comediae conuocasti. sed reliqua prosequamur.

Ad confirmationem falsorum diplomatum, S. Thomam inuitum ac reluctantem conaris adducere testem, vt in alijs saepe facere consueuisti, cum subdis: ^{a pag. 110} Liber hic ad coarguendam eius ignoracione afferre, quod S. Thomas respondens aiebat: Quod vero secundo proponitur, quod beatus Benedictus in vita sua amplas possessiones recepit, hoc sufficit ad ostendendum, quod communes possessiones non tot aliter excludunt monasticam perfectionem. & haec D. Thomas, quibus vbique confirmat quod dicebant illi de possessionibus receptis a beato Benedicto; quas vtique recepit vel a Tertullo, vel ab Equitio, seu a Gordiano, prout praedictae tabellae donationum probant & factum ipsum: nam monachi nunc vsque sunt in bonis ipsis. Quod si a praedictis donatae non fuerint, vt ingeminatis, & propterea falsas illas donationes esse asseritis: alium producite vos donatorem, & alias tabellas, quae haec eadem bona narrent, quia velimus, nolimus, cogemur fateri, nos in errore esse, vos vero vera dicere. Quod cum non feceritis, nos factis credemus, vos pro libito vestro verba deridete, cum res ipsa probet nos vera dicere, vos nugae texere.] hucusque tu Constantine, quem totum anxium intueor ex tuis scriptis; vereris nimirum, ne ex conuictis falsitate diplomatibus, mox rei vendicatione latifundia illa, omnes insuper villas, & oppida a vobis auferre laborem, cum tu non ex diplomatibus, quae aperta luce falsa, comprobantur, tueri conaris bona illa vestra esse; sed ex eorum possessione probare diplomata esse vera. Non hoc agimus (vt nuper diximus)

cum certum exploratumq. sit apud nos, vos eorum omnium esse legitimos possessores, sed non plane ex diplomatibus illis, quæ falsa omnino esse conuincimus, sed ex alijs quæ non extant, in quorum locum supposita fuerint falsa illa, quæ tu tuiq. rerum inscij pro veris ostentant. Quod si coneris ex illis probare eorum legitimam possessionem: vide in quam grande periculum conijcias ipse tuos; cum ex illis hoc tantum lucri vobis accedat, vt conuincamini omnino, ea omnia falso vos titulo possidere. Vide rogo (te modo appello Lectorem) cum quo homine sit mihi negotium, qui contra propria commoda adeo impense laboret. quodq. magis displicet, sanctum Thomam S. Ecclesie Doctorem cogere velit falsitati astipulari, cum nec verbum quidem de illis diplomatibus apud eum extet, sed tantum de possessione bonorum, quæ non ex illis commenticijs, sed legitimis scriptis, titulo iusto possederint. sed ad reliqua.

Quod autem aduersus ea, quæ dicta sunt in Responsione de tempore promulgationis Regulæ S. Benedicti, paulo post frustra tergiversaris, vt effugias Petri diaconi atque Sigeberti de promulgata Regula S. Benedicti post eius obitum assertionem: iam vnde ipsi id acceperint, nuper inuenimus testificationem quidem omni fide maiorem. Extat in Vaticana bibliotheca veterrimus codex, in quo ipsa S. Benedicti Regula descripta habetur, & post eam Martyrologium Vsuardi eiusdè antiquitatis. Ante ipsam autè Regulam brevis præfatio præposita legitur his ipsis verbis:

Incipit Prologus de Regula sancti Benedicti Abbatis.

Qui leni iugo Christi colla submittere cupis, Regulæ sponte da mentem, dulcia vt capias mella. Hic Testamenti veteris, nouiq. cuncta, mandata. Hic ordo diuinus. Hicq. castissimæ vita. Hoc Benedictus patet constituit sacrum volumen, suisq. mandauit hæc seruanda alumnis.

Simplicius Christi minister magistri latens opus* propagauit* vt omnes. Vna tamen merces utrosque manet in æternum.

Incipit Regula. Ausculta fili &c.] Ad istam plane præfationem visus est alluisse, quem diximus, Petrus diaconus, dum ait: Simplicius Regulam, quam suus magister condiderat, idest occultauerat, publice legendam omnibus monachis tradidit.] & Sigebertus eadè ipsa recitata superius verba habet dū ait: Simplicius discipulus eius latens magistri opus publicauit.] ex qua lectione Sigeberti mendum in codice illapsum corrigi potest, vt vbi legitur, propagauit, dicendum sit, publicauit. Quamuis nec inepte legitur, propagauit, vt sit sensus: Regulam in Italia propagauit, quam in Gallia, vsque ad finem Mauri & successoris, suis monachis seruandam tradiderat. Sed & ex eadem lectione præfationis ad Regulam, in eo quod ait, Magistri latens opus publicauit, siue propagauit,] nosce in Petro diacono legitimam lectionem & germanum sentum verborum illorum: Simplicius Regulam, quam suus magister condiderat, publice legendam omnibus monachis tradidit.] vt sit sensus secundum dictam præfationem ad Regulam, quod Simplicius Regulam, quam sanctus Benedictus occultauerat, publicauit. Sicq. vox illa, condidit, non ibi significat quod, composuit, sed quod, occultauit. At quid ex hac

veritate

* pag. 214.
p. 1.

* Al. publi-
cauit.

b Sigeb. de il-
lustr. Script.
eccles. c. 31.

veritate triplici testificatione probata deducimus? Equidem conclusio-
nem illam, qua pro Baronio quaestio omnis absoluitur. Etenim cum su-
perius ex Fausto S. Benedicti discipulo sit demonstratum, Simplicium
ex Gallijs in Italiam minime rediisse ante annum Redemptoris quingē-
tesimum octogesimum sextum, ante quod tempus nec Regulam potue-
rit in Italia publicasse: necessario sequitur, vt S. Gregorius, qui ante
Simplicij reditum ingressus est monasterium, nullo pacto potuerit esse
professus eiusdem sancti Benedicti Regulam, quae lateret adhuc, nec vs-
que ad Simplicij ex Gallia reditum fuerit publicata. Simplicius enim
e Gallijs rediens, illam, quam a S. Benedicto acceperat experiendam
Regulam, iam annis quadraginta tribus vsu probatam, saluberrimamq.
inuentam, promulgari curauit pariter in Italia, cum ex Gallia sero
rediisset.

Quod autem post hanc parallelas congeris instituti S. Gregorij cum
Regulis S. Benedicti: quis negare poterit, omnes Regulas religionum
aliqua habere inter se communia, & aliquibus peculiaribus legibus ab
inuicem separari? Quod ex omnibus Regulis ostendisse Benedictum quē-
dam Abbatem, a Sigeberto affirmat.

Addis post hanc ex sancto Gregorio argumentum, quod dicat in dia-
logis, ^a S. Benedictum admonuisse Marcium Anachoretam, vitam
solitariam agentem in monte Marsico, vt si seruus Dei esset, non
catena ferrea ad stabilitatem tenendam comparata, sed vteretur ca-
tena Christi: deducis, inquam, in argumentum quod sanctus Benedi-
ctus ex officio curam gerebat omnium monachorum. At quod id
S. Benedictus vt Abbas faciendum praeceperit, non autem vt amicus
admonuerit, nihil est quo probare possis; immo plane contrarium in-
ducitur. Siquidem si is fuisset sub S. Benedicti disciplina monachus con-
stitutus, nequaquam aggredi permixtus esset illud vitæ institutum, quod
ipse S. Benedictus non probaret, nedum vt tamdiu in eo perseuerare si-
neretur. sed esto, sub Benedicto etiā fuerint (vt vis) Anachoretæ: quid
est quod inferis: Monachus iste erat in monte Marsico: Marci a Paulo dia-
cono ponuntur intra Valeriam: ergo S. Benedictus curabat monachos,
qui erant in prouincia Valeria? redargueris enim primū ab ipso S. Gre-
gorio, qui ait ipso eius narrationis initio, montem illum fuisse in parte
Campaniæ: ergo non in Valeria. distinctam enim fuisse Campaniam a
Valeria, satis aperte idem Paulus ^c diaconus docet. Nec est quod argu-
mentari possis a nomine, montem Marsicum in Marsia fuisse prouincia,
cum dicat S. Gregorius expresse fuisse in Campania; sicut nequaquam di-
xeris aliquando montem Atticum (hactenus ita nominatum) qui est non
longe a Cassino prope Atinum, esse in Græcia prope Athenas, ex nomi-
nis similitudine. Sed quid tu ex his demum conaris efficere? nempe vt
ex montis nomine prouinciam, ex prouincia monasterium in ea sita lucre-
ris, & cum monasterijs S. Equitium cum suis S. Benedicti præfecturæ
subijcias; ac sic vt tandem Gregorium capias, retia iuuat dilataste. sed
frustra, vt qui non nisi tenuem acrem his incluseris, cum procul absit,

^a Sigeb. de it
lup. Scrip. Ec
clesiæ. 6. 6. 2.
^b Greg. dial.
lib. 3. c. 16.

^c Paul. diacon.
lib. 2. c. 20.

ut sit tibi adiumento epistola Bernardi Abbatis Fundani; quam citas, quæ superius ut spuria & notha conuicta est. Frustra enim iacitur rete ante oculos pennatorum.

a pag. 223.
v. 6.

Addis ad hæc alia longe magis a proposito * aliena, nimirum appare-
re ex Imperatorum diplomatibus multa loca possessa in prouincia Vale-
ria a monachis Cassinensibus: ergo, inferis, monachi in ea prouincia po-
siti spectabant ad S. Benedictum: nempe S. Equitium atque socios intel-
ligis; perinde ac si Equitius, & eius discipuli illorum agrorum coloni ad-
scripticij fuissent, ut dominus, qui esset fundi, colonorum pariter do-
minus censeretur? Sed quod timeres citata abs te diplomata, ut alia, re-
uocanda in dubium fore, hæc subijcis amarulenta: ^b Quis adeo perfrica-
ta fronte erit, ut audeat dicere, hæc diplomata esse hominis otiosi?] &
paulo post: Si vero aliquis morosus, vel nasutus deliria hæc esse (ut moris
est illis) dicere ausus fuerit, si prædicta priuilegia a me citata in forma (ut
aiunt causidici) probanti, non inueniuntur in Tabulario prædicti sacri coe-
nobij: nolo vel allata, vel nominata fuisse.] parce tibi monache; nec te
impellat furor in verba eiusmodi contumeliosa monacho indecètia & in-
considerata. Quid ais? Citas Tabularium Cassinense? Num bibliotheca
Cassinensis siue aliud Tabularium eius est Arca fœderis, ut in ea non nisi
tabulæ sacræ legis includantur, & sacrosanctum esse affirmare neces-
sit, quidquid in ea reperiatur esse reconditum? cum certum sit ibi repe-
riri cuncta quæ sunt a Baronio vel a nobis confutata diplomata? Nam de
reliquis, quæ non vidimus, litem non mouemus; quæ si prodantur in lu-
cem, luci adinoueimus ea, & ad lapidem Lydiû, ut cetera, reuocabimus.
sed non curamus ista disquirere, quæ non pertinent ad institutû. At tu, qui
ita nasutos sugillas, eos nimirû qui emunctis naribus, odoratu acuto ve-
stra perlegût; velles (ut video) Lectores omnes obstructis naribus, odoratu
acuto sterrentes. Verum sæculum præsens omnium eruditissimum haud huius-
modi consuevit habere Lectores, sed longe dissimiles, censores seuerissi-
mos, quos iure timeant etiam illi, qui te scientia multipliciter antecel-
lunt, quorum iudicio tu magno periculo tua legenda cum offers, fore
puto, ut te poeniteat instituti; cum in plures nasutos, quos vocas, te sen-
seris incidisse. Nam nec deerunt, qui etiam (quod nos consulto omisi-
mus, ne repuerascere videremur) ob solœcismos ac barbarismos Orbiliij
serulæ te subijcient.

a pag. 232.
vers. 10. 232.
vers. 22.

Subijcis inferius, * probari sanctum Gregorium fuisse monachum san-
cti Benedicti ex consuetudine & amicitia vsu, quam cum S. Benedicti
Abbatibus habuit. Sed quid mirum, cum præsertim loci vicinitas sua-
deret? etenim Lateranense monasterium haud procul positum, sed pau-
cis passibus distans a monasterio sancti Gregorij in eodem Calio mon-
te situm quis ignorat? Tu vero tenuissimam huiusmodi coniecturam,
veluti robustissimû Enthymema istis verbis amplificas: Ex quibus omni-
bus habetur perspicue, quod antea dicebamus, Gregorium videlicet
vsu fuisse consuetudine, familiaritate, & quotidiana cōuersatione mo-
nachorum instituti sanctissimi patris Benedicti, tam in monasterio suo,
quam

quam alibi, vti & tamquam monachum eiusdem instituti. sequitur ergo necessario fatendum esse, eum ex eodem instituto extitisse.] scilicet, quasi non sit peculiare etiam laicorum Deum timentium cum Sanctis religiosus habere amicitiae arctissimum vinculum, eosdemq. assidue frequentare.

Descendis ad zonam pelliceam, ^a quam inuentam esse in eiusdem S. Gregorij sepulchro, cum venerandum corpus ipsius est eleuatum, scribit Ioannes diaconus, quæ cum esset pollicis vnus mensura in latitudinem coarctata, hinc monastica S. Benedicti obseruantia fuisse S. Gregorium, ipsius Ioannis testificatione expressum esse demonstras. Sed quomodo ex zona mensuræ latitudinis vnus pollicis potuit Ioannes diaconus intellexisse S. Gregorium fuisse instituti S. Benedicti monachum, cum ipse S. Benedictus in Regula nequaquam zonæ latitudinem definisse, nec an instar balthei, pellicea esse deberet, vllatenus statuisse sciatur, sed dixerit hæc tantum: Cincti singuli cingulis, aut funibus.] Sed nihil est quod dicere possis, ex zona monachorum sui temporis eius materiz atque mensuræ Ioannem diaconum id esse interpretatum. Nam post trecentos ferme annos a tempore S. Gregorij asserere eiusdem generis zona vsos tunc fuisse Benedictinos, hoc est diuinare, cum ex eiusdem S. Benedicti Regula præscripto certum est, eos vti potuisse ad præcinctum etiā fene. Sicq. appareat, vel minimum quidem curasse S. Benedictum, hoc vel illo cingulo sui monachi vterentur, cum e contra tam Orientalium, quæ Occidentalium Africanorum monachorum cingulū constet fuisse tantum pelliceum, quod ex S. ^b Basilio, ^c Cassiano, ^d Fulgentio est facile demonstrare. ^e Quinimmo ex eiusdem S. Gregorij arcto cingulo possumus interpretari, magis S. Basilij Regulam esse secutum, cum ipse S. Basilius in vestitu monachorum suorum humilitatem, exilitatem, tenuitatem ad ipsam necessitatē tantum, mirum in modum commendat. nam audi quale ipse genus omnium indumentorum suis vsui esse velit: Quod, inquit, ne quidquam minimum præferat curiositatis, minimoque sumptu parari possit, & ad necessarium vitæ vsum modo sit satis. Hic canon perpetuo tenore seruetur.] Vide igitur, an cingulū S. Basilij monachorum latioris mensuræ, quam pollicis esse potuerit, quod S. Basilij officina, nonnisi ad mensuram necessitatis, humilitatis, & paupertatis conficere suis monachis consuevit. Ex colore autem vestium dum argumentaris, ^f S. Gregorium fuisse instituti S. Benedicti, quod nigris, vt illius monachi, ipse sit vsus: de his etiam inferius pluribus agitur & in Responsione, vbi inter alia ex antiquis picturis monasterij S. Andreæ est demonstratum, monachos illius monasterij vsos esse indumentis castanei coloris. sic & de monachis suis a S. Gregorio missis in Angliam, san fuerint Benedictini, inferius pariter dicendum erit.

Cum autem ^h hinc descendis ad defensionem diplomatis, quod fingitur a S. Gregorio datum Bonito Abbati Cassinensis Congregationis; quam frigide agas, Lectores iudicent, qui ea, quæ de illo habentur in Responsione, legentes, cum hisce tuis conferent; in quibus cum te inextricabili-

^a pag. 238.
^{vers.} 27.

^b Basil. Reg.
^{fus. disp. In-}
^{terrog. 23.}

^c Cass. lib. 1.
^{c. vlt.}

^d In vita ip-

^{sius Sur. rom.}
^{1. die 1 Ian.}

^e Eod lib. In-

^{terrog. 22.}

^f pag. 238.
^{§. 7.}

^g pag. 234.
^{§. 11. 246.}

^h pag. 239.
^{vers. 7.}

tricabilibus sentias demonstrationibus ex tuis etiam verbis constringi; hoc tibi parās effugium miserorum, vt ex eo legitimū esse probes, quod in Cassinensi bibliotheca Longobardicis scriptum litteris habeatur: a^o si quidquid eo charactere exaratum inuenitur, tamquam sigillo Apocalypsis sit consignatum, in dubitationem non liceat reuocare, & desint hodie quoque Scriptores, qui eorundem formam elementorum valeant imitari, vt plus apud te probet genus characteris, quam veritas manifestis rationibus confirmata. Sed calumnia agis, dum calumniose nos dicis impostorem accusare Laurentium, qui diplomata hec cudenda, curauit, quasi illum dixerimus fuisse eorum auctorem. Non ista diximus, sed potius ab ipso primum edita, non adinuenta, quæ scimus haberi in, Cassinensi bibliotheca, quam ab his sordibus expurgandam monuimus.

a pag. 241.

§. 29.

Idipsum dixerimus de ^a diplomate Zachariæ Papæ, quod frustra munire labores auctoritatibus successorum Pontificum, nisi contra illud obiecta diluas; nam sic successores illud confirmasse dicendi erunt, si verum illud & legitimum esse constitisset, non autem si subrepticium, multo minus si falsum omnino esse conuinceretur. Id quoque dixerimus de recentioribus nostri sæculi Scriptoribus, qui nulla de eo habita diligentiori discussione, quod legerant, germanum esse existimantes, eiusdem meminerunt.

Sed quod iam deuenimus ad id, quod ab exordio Apologetici huius polliciti sumus, vt ostendamus nimirum, Zachariæ Papæ nomine priuilegium collatum monasterio Cassinensi esse adulterinum, sicut reliqua, a Laurentio monacho cusa post Chronicon Cassinense: cum tu de ipso acturus es ista præmittis: ^b Quia enim nouissimus ille tuus Scriptor deridet priuilegium Zachariæ; a me, vt dixi, consultus antefatus Bibliothecarius, Cassinensis, præcedentibus hæc infra dicenda subiicit, &c. Attigit plane Baronius in ^a Annalibus ista quam breuissime, sed obiter de ipso agens, quod tunc occurrebat, absque aliqua derisione (quā tu calumniose more tuo obijcis) vt ex falsis notis temporis sibi inuicē aduersantibus, & diuerso Zachariæ in his conscribendis vsu, idem priuilegij diploma in suspicionem tantum adduceret falsitatis. Ita Baronius paucis transiliens, attigisse rem potius videri voluit, quam tractasse; ne si absque leui saltem censura illud præterijisset, oscitantæ nomine iure quidem redargui posset; si vero in eo confutando immoratus esset præter institutū, inuidiam vestrorum, & odium (quod nec sic vitare potuit) incurreret.

b pag. 241.

§. 29.

c Ann. 10.9.

an. 748. in fi.

Sed quod iam tu amariuscule rem tractas, impellis sane, vt copiosius de his agam: & quæ tunc modestiæ causa apud se, vobis parcens, continuit Baronius, hic aperiam. vnde tibi, Constantine, non mihi, tui succenseant, qui ad detegenda indecora ista, me plane coegeris, tum ex eo, quod ad tua falsa probanda, e falso illo scripto elicis argumenta, tum etiam, vt calumnia tua Baronium liberem. In re autem adeo seria pertractanda hoc nobis ordine incedendum, vt primum a tuis argumenta illa petamus, quibus idem priuilegium in vehementem suspicionem falsitatis adducatur; inde reliqua subiiciamus, quibus imposturæ manifestissimæ

stissimæ conuincatur. Quod igitur ad primum attinet, Leo Ostiensis ipso ferme exordio Chronici Cassinensis de legitimo priuilegio Zachariæ Papæ concessio eidem monasterio agens, eiusdem sic referat argumentum: ^a Ab hoc etiam Papa sanctissimo prædictus Abbas priuilegium primum accepit, vt hoc monasterium cum cellis omnibus ad se pertinentibus, vbicumque terrarum constructis ob honorem, & reuerentiam sanctissimi patris Benedicti, ab omni Episcoporum ditione sit liberum, ita, vt nullius iuri subiaceat, nisi Romani Pontificis.] hæc Leo de his, quæ legitimo Zachariæ priuilegio continerentur. quæ minima censetur pars eorum, quæ nunc dicto priuilegio adsciticio continentur, eademq. ad finē ipsius posita, cum ista præcedant longe maiora, quorum Leo in primis meminisse debuisset. Et quænam ista? audi verba ipsa ibi descripta: Præterea corroboramus, & in perpetuum confirmamus eidem dilecto filio, eiusq. successoribus in omni conuentu Episcoporum, & Principum superiorem vniuersis Abbatibus sedem, & in Concilijs priorem sui ordinis omnibus sententiam proferre.] & paulo post: Pro quo Cassinense cenobium exaltantes, decernimus, atque in perpetuum confirmamus, vt supradictus locus dignitate, vigore, & honorificentia, præcellat omnia monasteria, quæ constructa, & construenda sunt in toto orbe terrarum, &c.] sunt ne ista eiusmodi, vt eorum mentio minime, habenda fuerit a Leone, dum veri diplomatis collegit argumentum,?

Sed & cū in hoc eodē adsciticio priuilegio adeo indubitata & expressa mentio fiat de venerandis corporibus S. Benedicti, & S. Scholasticæ in eodem monasterio quiescentibus: ^b cur idem Leo, cum acerrime disputat aduersus eos, qui assererent eadem translata in Gallias, non citauit, quod nosset, Zachariæ diploma, id firmiter asseuerans? An non sunt hæc talia, quibus diploma merito debeat induci in suspensionem falsitatis? adde his maiora. ^c Petrus diaconus, idemq. Cassinensis Bibliothecarius, qui quartum addidit librum ad Chronicon Cassinense, agens de disputatione habita coram Lothario Imperatore cum Gerardo S. R. E. Cardinali sub Innocentio Papa Secundo, de iuribus & priuilegijs Cassinensium monachorum, cum citata ab ipso contra aduersarium asserat plurima de nobilitate, dignitate, & priuilegijs monasterij Cassinensis, hincinde non sine labore quæsitā, de eiusmodi tamen priuilegio Zachariæ Papæ mentionem nullam penitus habuit, quod certe primo loco citandum fuerat ob tot tamq. insignia in eo posita de eiusdem monasterij dignitate & priuilegijs: ex quo in eam persuasionem omnino adducimur, vt existimemus, eo tempore nondum illud commenticiū, priuilegium fabricatum, sed postea excogitatum, atque confictum. Nam si extitisset, tunc necessitas maior, quam vniquam fuerit, vrgebat, vt citaretur, atque ostendendum aduersantibus adduceretur in medium. Quis neget, ista ex vestris deducta vehementem de falsitate suspicionem inducere?

At quæ sint illa, quæ id ipsum priuilegiū manifeste redarguant falsitatis, & imposturæ certæ conuincant, sic accipe. Extant eiusdē Zachariæ Papæ complu-

*a Chron. cass.
lib. i. c. 4. in
fine.*

*b Leo Ostien.
chron. cass.
lib. 2. c. 44. &
45.*

*c Chron. cass.
lib. 4. c. 110.
111. 112. 113
& 114.*

complura Scriptorum monumenta, immo & eiusdem generis privilegiū ab eo cōcessum nobilissimo Fuldensi monasterio tunc erecto, in quorum omniū fine ad significandum tempus, quo ipsa data noscitur, præter Indictionē, poni semper cōsuevit certus annus tūc regnantis Imperatoris, sicut inter alia expressum ^a habes in privilegio concesso Fuldensi monasterio, in cuius fine leguntur ista: Dat. pridie Non. Nouembris, Imperante domino Augusto Constantino, anno trigesimo secundo Imperij eius, Indictione quinta.] Sic ibi, sicut & in ceteris eiusdem Pontificis diplomatibus, alijsq. publicis monimentis recitatis in Annalibus ^b per singulos annos, quibus ipse vixit. At cum hæc nota desideretur in isto diplomate commenticio Zachariæ, vbi nulla prorsus mentio Imperatoris: quis non intelligat imposturam? præter diuersam in nomine Notarij, & muneris eius nomenclaturam, quæ diuersa ponitur in vtrisque.

Insuper, ne ab his recedamus, cum idem privilegiū datum Cassinensibus habeatur Indictione prima anno primo eiusdē Pontificis: quomodo ista sibi cohærent, cū primus annus eiusdē Pontificis incidat in decimam Indictionem? Rursus quomodo fieri potuit (vt iā ad res in eodem privilegio contentas veniamus) vt Zacharias Papa muniat privilegio illo, anno, vt asserit, primo sui Pontificatus dato, cuncta quæ concessa fuissent ab ^c Agilulpho, siue Agilulpho Duce Beneuentano, qui nondum eo tempore a Luitprando Rege fuerat institutus Dux Beneuentanus, occupante adhuc illum Ducatum Godeschalco? qui cum extremo tempore Luitprandi a Beneuentanis fuisset occisus, tum demum ab eodem Regē Agilulphus ipsdē præfectus est Dux: quæ quidem accidisse ^d noscuntur paulo ante obitum eiusdē Luitpradi, quē incidisse liquet anno Redemptionis septingentesimo quadagesimo quarto, cum Zacharias ageret in Pontificatu annum tertium. Certe quidem post dictum Zachariæ privilegium, ea præstita ab Agilulpho, Leo quoque Ostiensis cōmemorat.

^e Præterea quomodo ibi ponitur, post Cassinense monasteriū munitum, fuisse eodem privilegio nobile monasterium sancti Ioannis in Venere dictum cum pertinentijs suis (sic enim loquitur) si nondum id monasteriū fuisse erectum, constare possit ex matriculā, seu inuentario (vt vocant) eiusdē monasterij Cassinensis, scripto a sancto Abbate Bertario de rebus positis sub diocesi Theatina, in qua idem monasterium, & bona eius essent? in quo nulla prorsus de eo mentio habetur. quod tamen si extitisset, pro insigni nobilitate sua primo loco recensendum fuisset. Recitat idem Bertarij documentum ^f Leo Ostiensis, quod tu consulere poteris. Quin si huius monasterij scriptorum fuissent etiam deperdita monimenta; tamen quæ extarent solo fixa ipsius bona, eius nomine fuissent omnino recensenda. quæ cum sub alienis titulis ibi posita esse legantur: plane satis euidenter apparet, nondum fuisse erectum tempore Zachariæ Papæ dictum celebre monasterium S. Ioannis in Venere. Ex his accipe & intellige, Constantine, cuius sint ponderis illa, quæ ibidem quoque scripta leguntur, quod Deus S. Benedictum patrem omnium constituit monachorum, quæ abs te, nulla de veritate diplomatis habita diligentiori peruesti-

^a *Annal. eo.*
9. ann. 451.
prope finem.

^b *Annal. eo.*
9. ann. 741.
v. q. 751.

^c *Paul. diac.*
lib. 6. c. 56.
57. 58. edit.
Plantin.

^d *Idem lib. 6.*
c. 58.

^e *Leo Ostien.*
chron. cass.
lib. 1. c. 5.

^f *Idem lib. 1.*
c. 47.

peruestigatione, sunt affixa tamquam gemma pretiosissima in epistola nuncupatoria ad Clementem Papam, nesciente vitru reiectaneum esse, quod putasti smaragdum.

Quid dicam de epistola eiusdem Zachariæ Papæ nomine ibi posita ad Petronacem Abbatem? Eiusdem plane farina cum priuilegio illo esse cognoscitur, in qua & eadē ex parte dicantur, quæ in illo habentur; addatur vero illud absurdissimū, quod cum memoriam Sanctis conuenienter plenariam & solemnē fieri ipse iubeat; post sanctos Benedictum atque Scholasticam, Tertullum etiā atque Placidum, & simili modo Gregorium Papam prædecessorē, de sua pariter agenda memoria mox ista subiiciat: Ac nostræ paruitati anniuersario depositionis die solemnem atque festiuam commemorationem faciant.] pari modo scilicet (quod præmisit) vt nominatis Sanctis dixerat faciendā. At quis Romanorum Pontificum vnamquam, siue prædecessorum, siue successorum, sibi statuit post mortem reddendos honores debitos Sanctis, vt sic seipsum suo diplomate retulerit inter Sanctos, vt eorumdem cultum sibi reddendum præceperit sub anthemate? Facebant spuria ista stomachum ad nauseam permouentia.

Quid ad ista tu singula, Constantine? An satisfactum putas, si testificatione eius, quem citas Bibliothecarium Cassinensem, idē Zachariæ nomine priuilegium asseratur reperiri plumbatum in Archiuo Cassinensi, ac si id efficere impostori fuerit difficile, quod sibi, vt fidem aliquam mereretur, necessario sciret esse præstandum? Vel putas subsistere ex eo posse, quod reperiat ab aliquibus esse citatum ex Scriptoribus vestris? Vel mihi persuadeam esse verum, quod asseris, confirmatum a tribus Romanis Pontificibus, Gregorio Nono, Urbano Quinto, & Bonifacio Nono? Non enim spurium, & falsum, quod nullum penitus est, dicendi sunt iidem confirmasse, sed legitimum illud potius priuilegium, quod ab eodem Pontifice Zacharia Leo Ostiensis (vt diximus) affirmat eidem monasterio fuisse concessum, quod etsi non extaret; tamen quid ipso contineretur, satis ab ipso expressum fuisset. Quod si adhuc contendis, non illud legitimum, sed istud spurium ab iisdem confirmatum: tunc præter primam falsitatem a nescio quo impostore patrata adijce alias perpetratas ab eis, qui per surreptionem falsi diplomatis, eas quas dicis confirmationes, surripuerunt. Tu vero, Constantine, si potiora foves iura, age, singula argumenta superius recitata conuelle, vt sic tibi tuisq. illud ipsum integrum vendices priuilegium; alias te sentias frustra aerem verberare, & dum non eas euerrendo, sed ita miscendo agitas sordes istas, scito te semper maiore multiplicare luti congeriem, quæ iam ipsum aerem fetore exhalante possit inficere.

Subdis de Mariniano Archiepiscopo Rauennate, quod fuerit & ipse eiusdē S. Benedicti Regulæ monachus; sed cū constet fuisse ipsum S. Gregorij monasterij monachū, ad principium quæstio reuocanda est, an S. Gregorius fuerit monachus ordinis S. Benedicti, de quo dissertur. At quod subiicis de Cassiodoro Senatore ex Trithemio, quod & ipse monachus fuerit ordinis S. Benedicti: haud patiar tantū mendacium ferri, illiq. a te

pag. 242.
verf. 2.

pag. 249.
verf. 2.

pag. 250. 9.
39.

coniungi, quo asseris ab eodem Cassiodoro Classense iuxta Ravennam ædificatum esse monasterium, illudq. Benedictinis monachis ab eodem traditum incolendum. Quisquis ista ex recentioribus nostri temporis Scriptoribus obiter dixerit absque accuratiori habita examinatione, non curo, cum idem ipse Cassiodorus, ubi locorum a se ædificatum monasterium fuerit, & quibus Regulis, & sub quibus Abbatibus institutum, suo stylo reliquerit aperte testatum: ut mirandum sit, te ista sicut & alia multa adeo secure profiteri, antequam eiusdem Cassiodori legeris commentarios, ad quos legendos, vel sero saltem, ut ista intelligas, prouocamus. Sed quot simul congesta mendacia? * Cassiodorum asseris ex auctore, quem citas, & probas, post necē Boetij Classense monasteriū ex S. Benedicti instituto fundasse, eidemq. se dedicasse. Quod autem nonnisi vnum a Cassiodoro constet omnium testificatione erectum fuisse monasterium: quodnam illud ipsum fuerit, & ubi erectum, accuratius peruestigandum est. in quibus omnibus astruendis nemo negarit, maiorem fidem adhibendam esse ipsi Cassiodoro, quam ceteris omnibus. At quam diuersum a Classensi monasterio fuerit illud, quod Cassiodorus crexit, ex eius scriptis poteris intelligere; scies vero enucleatius, si Annales consulas, ubi de ipso agitur, anno Redemptoris quingentesimo sexagesimosecundo. Quam insuper longe post Boetij necem Cassiodorus monasticam vitam sit professus, ex eius scriptis quis non intelligat? cum constet perseuerasse post necem eius in obsequio Regum Gothorum ad plures annos. sed quod ipse sit amplexus Regulam S. Benedicti, ubi vel leue vestigium in ipsius scriptis, quæ ad suos monachos edidit de Institutione diuinarum lectionum? quis impressum poterit inuenire? Qui cum de se ipso testetur^b fuisse annorum ætatis nonagintatrium anno Redemptoris quingentesimo sexagesimosecundo, iam viginti annis post obitum S. Benedicti, ne verbum quidem de Regulis S. Benedicti in eodem commentario habet, cum agit de plurimis libris; quos legendos suis monachis tradidit. Quod quidem flauet illi sententiæ vestrorum, qui dixerunt post obitum S. Benedicti a Simplicio in Italia easdem Regulas promulgatas: sed reditum Simplicij ex Gallijs non ante quingentesimum octogesimum sextum annum contingere potuisse, ex Fausto in vita S. Mauri manifestissime est demonstratum. Sic igitur non solum ex Romanis S. Gregorius, sed & Cassiodorus perfunctus magistratibus nobilissimis, professione monachus in sua senectute, alterius tamen instituti fuisse reperitur, quam S. Benedicti. ut longe sit diuersum ab eo, quod asseris, omnes monachos eius temporis necessario ordinis S. Benedicti professores fuisse.

Inferius vero cum agis de monachis a S. Gregorio missis in Angliam, ad probandum eos fuisse ex institutione S. Benedicti, recentiores colligis auctores, etiam hæreticos id asserentes. Sicq. nos^c acriter pungis, qui quod non negant etiam hæretici, negare ipsi ausi fuerimus. Ad hæc primum dicimus, non diuidendam hanc quæstionem a primaria, de qua agitur, sed eandem esse cum illa, nempe, An S. Gregorius fuerit monachus

a pag. 251.
p. 5.

b Cassiod. de
orthogr. in
præf. & de
Comput. Pas-
chali.

c pag. 255.
p. 6.

chus ordinis S. Benedicti, cum satis constet ex monasterio S. Gregorij Augustinum, & alios collegas in Angliam missos esse progressos. quamobrem si S. Benedicti Gregorius monachus fuit, certum est; eiusdem ordinis suos misisse in Angliam monachos: si non fuit, stultum est dicere, missos suos monachos fuisse alterius ordinis cuius ipse non erat. Cum ergo a priori quæstione ista omnino dependeat, ea cuius, de ista non fuerit amplius disputandum, quod omni dubitatione penitus careat.

Sed præter hæc, quæ sufficere potuissent, adhuc ex ipso S. Gregorio atque Beda inferamus alia, quibus possimus perspicue intelligere, nequaquam S. Benedicti Regula vsos tunc temporis esse monachos Anglicanos. Atque primum ex Augustini consultatione de his ad S. Gregorium scribentis, & Gregorij ad eum respondentis argumentum accipiamus. Est ista Interrogatio Augustini: Quæro, Pater beatissime, de Episcopis, qualiter cum suis clericis conseruentur? J. respondit ita inter alia ad ista Gregorius: In ecclesia Anglorum, quæ auctore Deo, nuper ad Fidem perducta est, hæc debet instituere conuersationem, quæ in initio nascentis Ecclesiæ fuit Patribus nostris, in quibus nullus eorum, ex his, quæ possidebant, aliquid suū esse dicebat, sed erant illis omnia cōmunia. J. hæc ad Interrogationem Augustini Gregorius, præter hæc nihil amplius. Cui, si fuisset ipse S. Benedicti monachus, ut tu vis, & eiusdē Patris Regulā Anglicanis clericis præscribendā (quod tu asseris) in Angliā intulisset; eanq. ab eisdem obseruari S. Gregorius voluisset: haud satis sufficienter ab eodem Gregorio responsum videri potuisset, ut tantū seruaretur ab eis, quæ in Ecclesia primitiua Apostolorum tempore seruabatur, nimirum, ut omnia inter eos cōmunia essent, sed addi necesse fuisset, ut præter hæc S. Benedicti Regulam eisdem seruandam proponeret.

At quomodo ea, quæ rescripsit sanctus Gregorius ad Augustinum, per ipsum & alios fuerint in praxim deducta: ex Beda, qui aderat, videbat, atque scribebat, accipiamus, qui de sancto Aidano primum, agens hæc ait: A temporibus antiquis ibidem Episcopus cum Clero & Abbas solebat manere cum monachis, qui tamen & ipsi ad curam Episcopi familiariter pertinerent. Quia nimirum Aidan, qui primus eius loci Episcopus fuit, cum monachis illuc & ipse monachus adueniens, monachicam in eo conuersationem instituit, quomodo & prius beatus pater Augustinus in Cantia fecisse noscitur, scribente ei reuerendissimo Papa Gregorio, quod & supra posuimus, & c. J. Recitat eandem de his S. Gregorij responsionē ad Augustinum, superius a nobis descriptam. Idemq. Beda de iisdem in S. Cuthberto agēs hæc ait de successore Aidani: Vnde ab illo omnes loci ipsius Antistites vsque hodie sic Episcopale exercent officium, ut regente monasteriū Abbate, quem ipsi cum consilio Fratrum elegerint, omnes presbyteri, diaconi cantores, lectores, & ceteri gradus ecclesiastici, monachicā per omnia cū ipso Episcopo Regulā seruent. J. Sed quā Regulā? non Benedicti nominat, sed quā idē mox subiicit ista dicēs: Quā viuendi normam multū se diligere, probauit beatus Papa Gregorius, cū sciscitātī per litteras Augustino, quem

a Bed. de hist. Angl. lib. 4. c. 27.

b Bed in vita S. Cuthberti. c. 16.

primum genti Anglorum Episcopum miserat, qualiter Episcopi cū suis clericis conuersari debeant, respondit inter alia: Sed quia tua fraternitas monasticis regulis erudita &c.] vt supra. hætenus Beda de Regula per S. Gregorium præscripta Augustino seruanda. At quantum abhorreant ista ab ipsa S. Benedicti Regula, vt Abbates vna simul cum Episcopis degerent; sciunt omnes qui legerunt ipsam. cum præter hæc & in vestitu disparem fuisse Regulam monachorum Anglorum a Regula S. Benedicti, ex eodem Beda dicturi sumus inferius, quibus plane intelligas Regulam primitiuorum monachorum Angliæ, a S. Gregorio Augustino (vt audisti) præscriptam, fuisse omnino diuersam a Regula patris sanctissimi Benedicti.

Quod vero tu his omisiss, ad tuam sententiam comprobendam veteris recentioribus Scriptoribus testibus, multorum sæculorum intercapedine separatis: diuimus quod alias diximus, & ratio semper dicere cogit, recentioribus de antiquioribus haud simplici assertione credendum, nisi antiquiorum adminiculo adiuuentur. Quod & tu ipse, Constantine, cum sapis, ingenue profiteris, cum statim subdis: ^a Non reijcio in his, quæ conuenientia, & congruentia ceteris Scriptoribus, & maxime antiquis, litteris mandarunt, sed eos summa veneratione suscipio & obseruo. At in his, in quibus ab antiquis eos discrepare video, & a communi sententia, nullo præuio solido veritatis fundamento discedere conspicio: in ipsorum suspicionem abire non possum &c. Jita tu, & quidem sapienter. Vnde tuis te verbis adstringam, quotiescumque recentiorum adducis testimonia (quod frequentissime facis) qui aliquid testentur simpliciter arbitrati suo: cum tales tua sententia non sint admittendi; vt autem admittantur, his debeant conditionibus recipi, si ab antiquis non discrepent, alias nullus locus sit quidpiam nitentibus affirmare suspicionibus suis. At huiusmodi esse vt plurimum testes tuos quis non intelligat? Qui dum de antiquioribus aliquid asserunt, nullis id antiquiorum testimonijs, quod dicunt, astringunt, sed velut obiter dictum transiliunt, nulla mora interposita, vel consideratione, aut disquisitione adhibita, sint ne vera, vel falsa quæ dicunt. Sic igitur tua sententia transilire liceat nubem tuorum testimonium, qui iisdem, quæ requiris, non polleant signis. Quod ad quæstionem vero propositam spectat de monachis; eos ferme omnes amplexatos postea esse S. Benedicti Regulam, quis negabit? vt plane in his frustra labores, cum id ipsum de his sentiam quod tu sentis, & attestatio Alcuini nequaquam a nobis reuocetur in dubium, quam veneramur, & amplectimur, qui tamen id non dicit, quod tu ipsum asserere dicis, cum Bedam ab eo laudatū fuisse, vt S. Benedicti monachū affirmas. sed ad alia.

Inter hæc autem differenda in vno ex tuis interlocutoribus hæc ingeris: ^b Certe ingenti admiratione obstupescit, obstupescunt etiam posterij, & mirabuntur nouitatem tantæ rei. multo vero magis mirabuntur propositi illius, qui primus huius controuersie auctor fuit.] sed vnde admiratio ista? si ex rerum ignorantia, vtique dimouenda est rerum cognitione & peritia. quæ cum asseritur, admiratione ac plane stupore in-

re as-

^a pag. 355. y.
23.

^b pag. 357. y.
27.

re afficiat homines, quomodo haftenus de his falsa crediderint offusi caligine ex ignorantia inualefcantis erroris; at hoc nomine non indigentur admoventi lucernam veritatis errantibus, sed gratias agant.

Cum vero illud omnino sit in Ecclesia Catholica exploratum, errorē aduerfus veritatem præscribi nulla quavis longitudine temporis posse, vt pluribus disputat Tertullianus libro de Præscriptione: tu tamen quā perperam, dicam & erronee, mox subdis: Mendacium quod non oblit, esse in Ecclesia retinendum? sunt ista verba tua: * Cum etiam (inquis) si verum non esset, Gregorium professum esse institutum nostrum: nullum tamen detrimentum, nullius rei iacturam ex tam antiqua traditione Ecclesie Dei vel Fidei Catholice consequeretur.] Quid ais, Constantine? compello te, conuenio verbis tuis. Vis in primis illis asserere, S. Gregorium haberi monachum Benedictinum, esse traditionis Ecclesie, vel Fidei Catholice? Sed vnde hoc tibi, & quæ auctoritas tanta tua, vt credenda Fidelibus augeas, & ingeras pro arbitrio Christianis? Quid in his tantopere abuteris nomine traditionis & Catholice Fidei? Cū enim Fideles teneantur ex præcepto recipere traditiones ecclesiasticas, & cetera quæ sunt Fidei; dum asseris esse traditionis ecclesiasticæ, asserere S. Gregorium fuisse ordinis S. Benedicti: quid aliud agis, quam (quod haftenus inauditū in Ecclesia Dei) vt sit de necessitate salutis asserere, S. Gregorium fuisse ordinis Benedictini? Appello aduerfus te nouū Symbolum Fidei in Ecclesia inferentem, supremum Tribunal eiusdem Ecclesie.

Sed & his quoque, eadem tua sententia, deteriora miscuisse videris, dum etiam quæ non vera sint, contendis in traditionibus & ijs quæ sunt Fidei Catholice, absque detrimento, vel iactura aliqua esse recipienda. repetam verba ipsa tua ab exordio, & ob oculos ponam, vt quæ contineant ambiguum valde sententiam, quæ Fidei Catholice contradicat. ais enim: Et certe ingenti admiratione obstupesco, obstupescunt etiam posterī, & mirabuntur nouitatem tantæ rei; multo vero magis mirabuntur propositi illius, qui primus huius controuersie auctor fuit: cum etiam si verum non esset, Gregorium professum esse institutum nostrum; nullum tamen detrimentum, nullius rei iacturam ex tam antiqua traditione Ecclesie Dei, vel Fidei Catholice consequeretur.] fateor, ad hoc auditum expaui, & vitiatam esse sententiam errore Typographi ad excusationem tui ipsius interdum exislimauī: vt germana textus lectio hæc esset: Nullam iacturam ex tam antiqua traditione Ecclesia Dei vel Fides Catholica consequeretur.] sed errata consului ad calcem posita, in quibus cum sint plurimæ mendorum correctiones, & hanc non reperiā, quid dicere possum, nisi volentem errasse? Corrigendus igitur, detestandusq. in vna sententia duplex error, quo dupliciter Catholice Fidei regulam lædis, vel cum inter Ecclesie traditiones & quæ sunt Fidei, & quæ non sunt vere traditiones, nec sunt Fidei, inferuntur, & mendacium in Fide Catholica absque detrimento vel iactura aliqua tollerandum aliquo modo videaris asserere. Quæ plane eiusmodi esse noscuntur, quibus omnes simul nerui Catholice Fidei succidantur. Verum

puto,

puto, te non sentire ista, sed quæ sunt pia & orthodoxa; at vitiosa oratione te ipsum his nexibus implicuisse, vt absque dubio, quid de his sentias, sis serio interrogandus.

a pag. 219.
vers. 30.

b 16. q. 1. c.
sunt nonnulli.

* In eo autem quod inferius * affers auctoritatē Bonifacij Papæ Quarti, ad significandum S. Gregorium fuisse monachum ordinis S. Benedicti; eandemq. apud b Gratianum in libro Decreti positam, ista præmittis: Cuius rei argumentum alia etiam ratione, ante oculos tam mentis quàm corporis tibi exhibere posse, citra omnem dubitationem confido. cui nisi prorsus obfirmata fronte fueris, quod haud credere possum, tuam possit penitus retundere, immo radicitus euellere suspicionem.] ita tu. o vtinam quod polliceris, præstare possis. Non inuideo (testis est Deus) nam quæ inuidentiæ causa esse possit, vt ægro feram animo, S. Gregorium dici monachum Benedictinum? nulla penitus: quin magis certe gauderem. At ne faciam, veritas, quæ in primis audienda est, vetat, cuius imperio omnes cedant, cum & ipse dicat Apostolus: Non enim possumus aliquid aduersus veritatem; sed pro veritate.] Ceterum non desunt innumera loca, quibus eadem sacrosancta Congregatio Cassinensis, ex qua tamquam e fonte lucidissimo vniuersus Benedictinus ordo manauit, atque alix plures sanctorum monachorum Congregationes sunt deriuatæ, gloriosissimis laudibus possit extolli, ipsædemq. verissimis: vt non opus sit pulcherrimam Christi sponsam, iam matronali grauitate decoram, huiuscemodi pigmentis & fucis, fictis ac mentitis coloribus comparatis delinitam reddi deformem: prout tu facere niteris; cum ego e vultu veneranda maiestate micante superinductas eiusmodi sordes abstergere, digne, iusteq. laborem.

c 2. Cor. 13.

d Job 38.

Quid igitur dicam de Bonifacij Papæ Quarti decreto abs te citato, ac recitato, quod tãti facis, tumescēs ex eo, vt secure iam dicas, ipsum omnem dirimere controuersiam, vt de his nõ relinquatur locus amplius dubitandi? Illud sane & apposite (cui detumescere fecero tumore istum) ex diuino oraculo comparatū: *⁊* Hic confringes in te tumentes fluctus tuos.] quos iam in tenuē spumā videris resolutos. Ita magnificere, Constatine, consueuisti res tuas, vt incutere timorem possis etiam animi fortitudine præditis; verum risum moueas, cum eadē propius cognita, quam inanes sint, deteguntur. Ad vtinam inanes tantum inuenirentur; & non subdola, commenticiæ, adulterinæ, ac penitus falsæ in summum tuæ existimationis præiudicium ostendi possent! Accedit autem hoc loco, non quod superius de epistola Abbatis Fundani abs te recitata, & a nobis manifestæ imposturæ conuicta vidisse contigit: sed quod explorando sollicitius veritatem textus Bonifacij decreti, abs te citati, & collatis pluribus diuersorum veterum codicum lectionibus, inuenerimus recitatum ipsum Bonifacij decretum decurtatum clausula vna; quæ cum omne tuum euacuet argumentum, certe haud fiet, vt negligentia Librariorum id effectum exillimare possimus, sed callide potius sic redditum, vt ex eo absque obice probari posset, quod tu inducis & asseris, ipsum S. Gregorium fuisse monachum ordinis S. Benedicti. Doleo (Deus scit) me necessitate

cessitate compulsum istam detegere fraudulentiam in textu corrumpendo patratam. Aperiam tamen, quod id extorqueat a nobis inuitis tanta tua de victoria ex eo iam consecuta iactantia. reddamus igitur primum verba textus, quem citas. sunt ista.

Sunt nonnulli, * nullo dogmate fulti, stulti magis zelo amaritudinis, a pag. 160. vers. 17. quam dilectionis inflammati, asserentes, monachos, quia mundo mortui sunt & Deo viuunt, sacerdotali officio indignos, neque penitentiam, neque Christianitatem, seu absolutionem largiri posse per sacerdotalis officij iunctam gratiam. sed omnino falluntur. Nam si ex hac causa veteres & multi vera predicarent, Apostolicæ Sedis compar beatus Gregorius monastico cultu pollens ad summum apicem nullatenus conscenderet, cui soluendi & ligandi potestas concessa est. Augustinus quoque eiusdem sanctissimi Gregorij discipulus Anglorum predicator egregius, aliq. quamplurimi sanctissimi viri, pretiosorum monachorum habitu fulgentes, nequaquam a quoquam pontificali officio subarrarentur. Neque enim Benedictus monachorum pater & preceptor almificus huius rei aliquo modo fuit interdictor.] hæc Bonifacius. Quo certe decreto (subiicis mox tu ipse) luce solari clarius redditur, & Gregorium & Augustinum fuisse monachos instituti sanctissimi patris Benedicti. dicat quidquid velit quidam Constantinomastix. Nam cum Gregorius & Augustinus monachi fuerint, & ad solium Pontificale tracti: illud obtinere potuerunt utique, quia hoc a patre & preceptore eorum Benedicto prohibitum non fuit, cum S. Benedictus absolute dicatur monachorum pater & preceptor almificus. quod & glossa in eodem loco & sensit & notauit cum dixit: Quidquid ergo non prohibuit S. Benedictus, hoc monachis licet. non enim suis dixit, sed tantum monachis, intelligens monachos omnes militare sub Regula S. Benedicti. ex quo quid sequatur, stultis etiam patet &c.] hæc tu. Sed quam male inducere possis ex recitato textu S. Gregorium fuisse discipulum S. Benedicti, satis illud declarat. Quia sicut certum est, cum dicitur in textu S. Benedictus monachorum pater, includi eos minime potuisse, qui semper militarunt & militant vsque hodie sub Regula S. Basilij, sed tantum monachos illos qui sub ipsius Regula vivebant; ita neque Gregorium vel Augustinum qui alterius Regule fuisse probantur, contineri: adeo ut suum ad principium questio reuocetur, num scilicet S. Gregorius fuerit monachus instituti S. Benedicti, nec ne. Ex glossa autem quod arguis, ad S. Gregorium utique male deducis. Nam cum textus a Gratiano recitetur mutilus, & prætendantur illa omnia de sanctis Gregorio atque Augustino exempla, non potuit glossæ auctor diuinasse de eisdem Gregorio, & Augustino, quod ex verbis illis comprehensi sint sub Regula Benedicti. hæc itaque satis, esse possent ad eludendum, & ad nihilum redigendum Enthymema tuum, quod dicis fortissimum esse.

Sed iam patratum scelus in textus deprauatione aperiamus. Quænam autem maximi momenti a textu per Constantinum recitato, sint dolo malo subdusta, Lector attendat, Antiquiores Collectores canonum, qui longe

longe ante Gratianum floruerunt, præstantissimi habentur Iuo Episcopus Carnotensis, & Anselmus Episcopus Lucensis, ambo doctrina, ac pietate clarissimi. Hi quidem intulerunt in suum ipsorum volumen illud ipsum integrum, idemq. prolixum Bonifacij Papæ Quarti decretum. præter hos autem auctor Collectionis, quæ inscribitur, Polycarpus, eundem quoque textum, ut se habet, prolixè descripsit. In quo quidem, quod spectat ad rem nostram, singulorum ipsorum singula accipe verba.

a Iuo. par. 7.

c. 22.

ac primum, * sic Iuo: Nam si hac ex causa veteres æmuli vera prædicarent, Apostolicæ Sedis compar beatus Gregorius monastico cultu polleus, ad summum nullatenus apicem conscenderet, cui quidem ostiatim fungendi, ligandi, soluendiq. officio potestas summa conceditur. Augustinus quoque eiusdem sanctissimi Gregorij discipulus Anglorum prædicator egregius, & PANNONIENSIS BEATVS MARTINVS, alijq. quamplurimi viri sanctissimi pretiosorum monachorum habitu fulgentes, nequaquam annulo Pontificali subarrarentur. neque enim Benedictus monachorum præceptor huiuscemodi rei aliquo modo fuit interdictor, sed eos sæcularium negotiorum edixit expertos fore solummodo, &c.] ita apud Iuonem, cuius codex Decretorum iam præ

b Ansel. lib. 5.

post. c. 95.

manibus omnium cusus habetur. sic & Anselmi b Decretum, cuius exemplar scriptum Vaticana bibliotheca possidet, in quo pariter post Augustinum S. Martini nomen, ut in Iuone vidisti, eum huiusmodi additamento sic exprimitur: Augustinus eiusdem sanctissimi Gregorij discipulus Anglorum prædicator egregius, ac PANNONIENSIS MARTINVS BEATISSIMVS, CVIVS SANCTITATIS FAMAM, LONGE LATEQ. DIFFVSAM, TOTVS PERSONAT MVNDVS, alijq. quamplurimi sanctissimi pretiosissimo monachorum habitu fulgentes nequaquam annulo Pontificali subarrarentur, sed quia monachi fuere, prædictis uti prohiberentur. Neque enim Benedictus monachorum præceptor almificus huiuscemodi rei aliquo modo fuit interdictor, &c. ut supra.] Ita pariter legitur & in Polycarpo, c quæ Collectio habetur in Vaticana bibliotheca numero MDCCCLII,

c Polyc. lib. 4.

tit. 34.

iisdem verbis, quæ iterum hic reddere non piget: Augustinus etiam eiusdem sanctissimi Gregorij discipulus prædicator egregius, ac PANNONIENSIS MARTINVS BEATISSIMVS, CVIVS SANCTITATEM LONGE LATEQ. DIFFVSAM TOTVS PERSONAT MVNDVS, alijq. quamplurimi, &c.] ut supra.

Ecce tibi, Lector, ipsa germana lectio ex tribus antiquis auctoribus restituta. ex quibus vides, qua versutia in lectione, quam recitat Constantinus, fuerit subductum nomen S. Martini, quo stante, relatio illa ipsius de Benedicto ad S. Gregorium fieri nullo modo potuisset, ut S. Benedictus superius nominatorum Gregorij, Augustini, atque Martini pater atque magister assereretur, cum S. Martinum longe ante S. Benedictum vixisse constet. Quod igitur nomen ipsius S. Martini esset omnino impedimento, ne illa fieri posset inductio, expuncto illo, atque sublato,

ea lectio, quam audisti, est edita a Constantino: Sed sint ista, Lector, obsecro, apud te, nec diuulgentur apud alios: semper enim monachorum exstimationi est pro viribus consulendum: nam satis ad penam fuerit erubescencia eius, quia iuxta Comicum, Si erubuit, salua res est: siquidem non nisi de valde improbis illud est sacrum oraculum: * Prostratulis meretricis facta est tibi, noluisti erubescere.] in quem statum, absit, ut quisquam sancti ordinis monastici homo deficiat. Quod autem citat ipse codicem bibliothecae Columensis, cuius sit titulus (ut ait) Varriorum sermonum, ipsum perquisitum hactenus inuenire non potui, nec puto requirendum in libro Sermonum eiusmodi Bonifacii Quarti Papae decretum, quod non nisi in Collectionibus canonum consuevit esse receptum. Sed quid faciam, cum obruar falsitatibus, si quod monachus sis, non timeas legis Corneliae fasces? nam audi quid paulo post dicas: ^b Quod autem Augustinus edificasset monasterium Benedictinum in Anglia ipsa, testis est etiam Beda ipse, qui sua historia de Ecclesia Anglicana huc habet: Fecit autem & monasterium non longe ab ipsa ciuitate ad Orientem, in quo eius hortatu Edilbertus ecclesiam beatorum Apostolorum Petri & Pauli extruxit a fundamentis, ac diuersis donis ditauit.] huc ille. & hucusque tu. Vbi ergo in his mentio, quod illud monasterium fuerit Benedictinum, ut propteris, a Beda dictum? & sequenti pagina sic habes: ^c Cuthbertum autem illum cum Aidano fuisse ex instituto sanctissimi patris Benedicti, liquet clarissime tum ex illis verbis: Ut regente monasterium Abbate, quem ipsi cum consilio Fratrum elegerint. quibus expresse ostendit, Regulam in ordinando Abbate ipsius sanctissimi Patris seruata fuisse &c.] At quid tam commune omnibus monachorum ordinibus tum Orientalium, tum etiam Occidentalium, quam ut per monachos Abbatis electio fieret? sunt haec istiusmodi tua argumenta, quibus paginas multiplicas, ut vel hoc vno excedas aduersarium, si grandiori cum superes libro, in quo tibi cedimus, quod veritatem tuemur, quae non indiget verborum ambitu, ut mendacium. In eo autem quod Beda sanctum Benedictum patrem nominet, nihil est quod arguere possis, eius se fuisse discipulum, cum ibidem & S. Antonium eodem titulo, & maiori praefatione appellet, dicens: ^d Reuerendissimi & sanctissimi patris Antonij sequebatur exemplum. At vis discere, eosdem monachos Anglicanos alterius fuisse instituti, quam sancti Benedicti? hoc saltem vno accipe signo a te ipso ex Ioanne diacono: in argumentum deducto, nempe quod monachi S. Benedicti praerigerentur zona pellicea latitudinis pollicis vnus: at vero S. Cuthbertum linea, vsum zona, idem Beda eius ^e vitae auctor affirmat. sed adde adhuc aliud. Tu constanter affirmas, monachos Benedictinos ab ipso principio Regulae vti consueuisse vestimentis nigri coloris, quod & testatur Petrus diaconus in disputatione sub Innocentio Papa Secundo & Lorchario Imp. & tamen S. Cuthbertum cum suis vti consueuisse vestimentis ex lana nulla tinctura infecta, sed naturalis coloris qualiscumque esset, idem ipse testatur ^f Beda.

^a Jer. 3.
et. 91. 10. 11.

^b pag. 262.
vers. 12.

^c pag. 263.
v. 22.

^d Bed. in Cuthbert. c. 19. in fine.

^e Idem ibid. c. 23.

^f Id. ibid. c. 26. in fine.

a pag. 268.
verf. 18.

b Paul. dia.
lib. 4. c. 19. in
mona edit.

c pag. 269.
verf. 3.

Post hæc potentissima (vt tibi visum) insurgis ^a coniectura , nempe S. Gregorium scripsisse ad Arrigem Ducem Beneuentanum de restauratione cœnobij Cassinensis, idq. constare dicis ex epistolis ipsius Gregorij ad eumde datis, quas, ais, non inueniri impressas, sed asseri id ipsum a Sabellico. Primum ad hæc respondemus, quod cum Paulus diaconus ^b de consuetudine eiusdē Gregorij cum ipso, & epistola ad eum scripta agat, nec meminerit de alia epistola pro restauratione Cassinensis monasterij ad eum data ipse monachus Cassinensis: an sic verum quod Sabellicus tradit, magnopere in dubium reuocatur. Deinde esto quod scripserit: plane ex Pōtificio munere id fecisse potest intelligi, vtpote cui inerat cura omnium Ecclesiarum, vt apparet ex omnibus eius epistolis positis in Registro. At tu tanti facis eiusmodi leuissimam coniecturam, & intertissimam assertionem, vt dicas de Blondo & Sabellico ^c hæc afferentibus: Auctoritas autem horum duorum grauissimorum virorum ea est, vt nisi fronte perfricata reijci non possit, & ita refellit ea, quæ nouissimus ille tuus Scriptor exarasse dicitur, vt penitus non scripsisse, sed somniasse videatur.] ita tu derisionibus rem agis, appetens S. R. E. Cardinalem, qui tibi ita deliranti parcit, tui commiseratione commotus, quod monasticos mores sic exueris. Sed illud ridiculum, quod subijcis de S. Gregorio, quod (vt ais) non inueniatur scripsisse pro restauratione monasterij S. Equitij, sicut S. Benedicti, ex eo conuinci, non ex S. Equitij, sed ex S. Benedicti ordine fuisse. At quis scit, an omnino Equitij monasterium repARATIONE indiguerit, vel quod destructum, vel quod non fuerit ante hæc tempora restauratum? Vel quomodo tu scis, non scripsisse? dices, quia, litteræ non extant. atqui nec datæ de restauratione Cassinensi extare dicuntur.

d pag. 269.

Inferius autem post derisiones narras ^a tuam diligentiam, Romæ dum esses, exhibitam in peruestigandis antiquis monumentis monasterij S. Gregorij in Clivio Scauri, quibus totus intentus non vidisti præsentia ob oculis posita, nempe monachos ibi degentes non esse montis Oliuetij, vt scribis, sed Camaldulenses; nec vidisti, seu non vidisse dissimulas, in Oratorio S. Andreæ, loco primario, habitum monachorum S. Gregorij in antiquis picturis non esse nigri coloris, vt tu contendis fuisse Benedictinorum, sed castanei; quos vel saltem signo discere potuisses, ipsum a Benedictinis fuisse distinctum.

Addis post hæc, te nactum codicem prægrandem membranaceum, in quo essent descripta antiqua atque recentia eiusdem monasterij diplomata: & inter alia diploma Bonifacij Papæ Octauī abs te citatum in margine, non (vt abs te signatur) pagina ducentesima prima, sed trecentesima quinquagesima secunda, in quo ista leguntur, quæ ita a te recitantur: Bonifacius Episcopus seruus seruorum Dei dilectis filiis Abbati & Conuentui sancti Gregorij in Clivio Scauri de Vrbe, ordinis sancti Benedicti &c.] in his autem litteris, inquis, renouat priuilegium Innocentij alias concessum eidem monasterio, quod incipit: Innocentius Episcopus seruus seruorum Dei &c. & infra: Ea propter,

propter, dilecti in Domino filij, vestris iustis postulationibus clementer annuimus, & monasterium S. Gregorij in Clivio Scauri de Vrbe, in quo diuino estis obsequio mancipati, sub beati Petri & nostro protectione suscipimus, & presentis scripti priuilegio communimus. In primis siquidem statuentes, vt ordo monasticus, qui secundum Deum, & beati Benedicti Regulam in eodem monasterio institutus esse dignoscitur, perpetuis ibidem temporibus inuolabiliter seruetur &c.] Datum Anagninæ anno quinto Pontificatus.] subijcis alia diplomata ibi scripta reperiri, in quibus asserantur monachi ibi degentes esse ordinis S. Benedicti. post hæc autem longissimam subdisputationem, An, & quando verba enuntiatiua fidem faciant ad probationem. sed incassum laboras. Etenim concedimus tibi (si id cupis) verba illa etiam esse dispositiua, (vt appellant) siue etiam sententiæ definitiua, nempe vt Innocentius, & Bonifacius ea repetens, aut etiam alij, definierint decreto Pontificio, monachos in eodem monasterio degentes esse ordinis S. Benedicti, & in eo institutum esse ordinem monasticum secundum ordinem S. Benedicti.

Vide Constantine, quam liberaliter tecum agam, vt liberem te ab illa difficultate probandi enuntiatiuas propositiones fidem facere, cum velimus, fidem facere omnino, perinde ac si essent sententiæ definitiua, ibiq. degentes monachos esse ordinis S. Benedicti, illicq. institutum ordinem monasticum secundum Regulam S. Benedicti, cum constet post expullos inde Græcos monachos (vt tradit Ioannes diaconus) S. Benedicti Regulæ monachis illud monasterium esse traditum. at quid ad rem? Nam quid ad Gregorium, de quo est disputatio, asserere quod in idē monasterium introducti sint monachi ordinis S. Benedicti? ergo sequitur S. Gregorium eiusdem ordinis fuisse? cum teste etiam te ipso liqueat, quā plurima monasteria diuerforum ordinum suscepisse postea seruandam Regulam S. Benedicti. Quid enim, (vt hoc exempli causa ponatur) cum in diplomate Gregorij Papæ Decimitertij, quo est facta concessio eiusdem monasterij monachis Camaldulensibus, dicatur, vt ibi degentes monachi obseruent eas omnes constitutiones, quas obseruare consueverunt cœnobitæ Camaldulenses: numquid aliquis ex his inferre poterit, S. Gregorium fuisse monachum Camaldulensem? At nec considerasti, Constantine, non dici ab Innocentio Papa monasterium illud erectū esse secundum Regulam S. Benedicti, sed in eo institutum esse ordinem monasticum secundum Regulam S. Benedicti: sicut cum dicit Gregorius Decimustertius Papa, in eodem institutū esse monachorum ordinem secundū Regulas Camaldulensium cœnobitarum, vt eas ibi obseruent. Nihil ex his igitur refert lucri, sed damnum potius, cum id factum scribat Ioannes post eiectionis inde monachos Græcos, quando id monasterium datum est Benedictinis.

Attamen tu ipse more tuo tunc amplius victoria velut adepta exultans, cum magis causæ succumbis, ista subijcis: ^{a pag. 278.} Quare nescio quomodo ^{verf. 27.} iure recentissimus ille tuus Scriptor scribere potuerit, se valde mirari, cur quidam e nostris scribere ausus fuerit, & auctoritatibus probare, S.

Gregorium monachum fuisse Benedictinum, nihil ducens tantam antiquitatem, quam aliter tradidisse, asserere conatur, cum ex iam allatis manifeste constare perspicue appareat, eum valde hallucinari, cum nemine ex antiquis asserre possit, qui tradiderit, Gregorium alterius fuisse instituti, quam ante nos tot testibus prolatis probauimus.] hinc tu. ad quæ breuissime; Recētissimus iste auctor antiquissimorum nritur probatione, contra communem errorem, quem perperam (vt demonstratum est), tu nominas traditionem; Gregorij nimirum ipsius fultus auctoritate, eos hallucinatos ostendit, qui contrarium asseruerunt.

pag. 279.
vers. 24.

Ita pariter & inferius de victoria tamquam ex verbis Gregorij vendicata glorians, ista subiicis ex Concilio Lateranense sub Gregorio Papa: Gregorius Papa exorsus est: Quam sit necessarium monachorum quieti prospicere, & de eorum perpetua securitate tractare, antea tum nos officium informat, quod in regimine monasterij exhibuimus, & c.] pergis: Sed & ipse in sermone quodam habito ad monachos Cassinenses, satis aperte se ex eorum numero extitisse ostendit, cum inquit: Nos enim, qui monachi nuncupamur, inter Martyres computamur, si professionem nostram factis implemus. & infra: Clausuralis enim inclusio, regularis restrictio, vestium abiectio, Prælatorum inuectio, iuge silentium, alienum imperium. & paulo post. Nos vero iugo obedientie subditi, & regularium præceptorum loris constricti, non nos, sed alium sequimur imperantem, &c. ex quibus certe verbis, certius, quam vt probatione egeat, constare posse puto, nos vera asserere, cum dicat; se cum ipsis regularium præceptorum loris constrictum, nempe eiusdem Regulæ præceptis addictum. Quo quid clarius dici possit, videre nequaquam possum.] hucusque tu ex verbis (vt tibi vendicas) ipsius S. Gregorij. quibus abs te causam euitam ostentas. Bene actum, quod cum de tanta victoria, exultas, non pariter aliquo scommate, vel dictio insultaueris more tuo. sed iam quantopere decipiaris, attende.

Etenim nihil præterea ex recitatis verbis consequi poteris, quæ probari ex eis, S. Gregorium fuisse monachum, & eo modo monachos allocutum, siue in Concilio, siue per sermonem illum, quem citas, hæcenus in Romana Ecclesia inauditum, quem habitum esse dicis ad monachos Cassinenses, cum tamen nec Cassinense tunc extaret monasterium, iamdiu ante a Longobardis excisum. quod si non ad eos, sed ad Lateranenses monachos vis habitum esse: vtique dicendum erat, habitum esse non ad monachos Cassinenses, sed Congregationis Cassinensis. Sed absit, vt tua tantummodo assertionem nufquam Romæ cognitum sermonem S. Gregorij nomine accipias, absque habita de eo diligentissima peruestigatione, cum non nisi in sancta quatuor Euangelia, & super Ezechielem ab ipso siue scriptas, siue dictas homilias fuisse, eiusdem Gregorij testificatione habeatur exploratum. Sed concederemus (tibi in his etiam indulgentes) sermonem, abs te citatum esse legitimum ipsius Gregorij, nisi obstar, quod auctorem sermonis illius longe alium a Romano Pontifice fuisse, necesse sit affirmare, dum in recitatis illis paucis abs te verbis, sæpe tamen profertur auctor, se sub alterius iugo obedientie constitutum. At id dici a
Gre-

Gregorio Papa pōuisse, vt sub Prælati sui fuerit obedientia, quam absurdum est? & Abbatem aliquem, super Pontificem præfectum assere, quā penitus inauditum? At dicere, ipsum Gregorium illa respectu aliorum, ad quos sermo esset, locutum esse: hæc si tu vera esse contendis, profecto ex verbis illis non elicies, quod prætendis, cum Gregorium ab illis velis exemptū, si quæcumque de monachis ibi dicit, non ad ipsum dicentem, sed ad auditores monachos sint referenda. Vides igitur, Constantine, qualia sint arma tua, ex quorum vsu adeo securum polliceris tibi triumphum? & quam oporteat graui veritatis lance suspendere, quæ ex abditis consueuisti in lucem proferre?

Quid tandem? Ad testimonia confugis recentiorum, quorum ta-
men inuenis neminem, qui de hac differuerit quæstione, sed quod quiscunque putauit esse verum, hoc obiter scripsit. Etenim quod ipsi omnes in S. Gregorij monasterio viderent monachos esse Benedictinos, quodque apud Ioannem diaconum id quoque peritiores legere potuissent, & sparsum in vulgus audirent, S. Gregorium fuisse eius ordinis monachorum, qui in eius monasterio habitarent: absque alia ea de re diligentiori peruestigatione, inter scribendum, cum se occasio dedit, dixerunt & ipsi, S. Gregorium fuisse monachum ordinis Benedictini. Quorum ex numero in primis citatus abs te fuit S. Thomas, qui hæc dixerit: Beatus Gregorius de facultatibus suis intra Urbis mœnia vnum monasteriū, in Sicilia vero sex legitur construxisse. Ita, legitur, apposite dixit, vt fides remaneret apud auctorem: & sic iuxta ea, quæ legi sciret, subdit, quæ sequuntur. Eadem ratio est de beato Gregorio, qui construxit monasteria secundum Regulam a beato Benedicto institutam. Hæc ex S. Thoma in opusculis, quem citas. Cui tanto Doctori cum in more positum fuerit, si quid vellet vt verum accipi, illud formato articulo subtilissime disputaret, obiectiones contrarias afferret, easdemque refelleret, vt sic conclusio examinata subsisteret: si quid interdum (vt accidit) obiter ab eo dici contigerit, haud perinde sane accipi voluit, vt sancti Euangelij verba; cum præsertim, quæ tradit (vt hic fecisse cognoscitur) ex aliena, se potius relatione referre fateatur. Accedit quod non hic versamur in scientijs speculatiuis, sed practicis, & in his, quæ sunt facti, in quibus quisque etiam sapientissimus possit errare, eoque magis cum de ijs agitur quæ ante plurima sæcula acciderunt. Quod intelligens ipse S. Thomas, qui ea narrabat, quæ iā olim ante annos sexcentos & quinquaginta contingerant, magna cautela illud, legitur, apposuit, quo significaret, se potius referre, quod legerat, quam affirmare, quod certo scire ipse non potuisset. hæc ipsa plane de ceteris omnibus Scriptoribus, quos eadem scripsisse narras, dicta sunt; vt nō sit opus referre singulos, quos absque firmitate testificatione loquentes eadem asserta ratio respuit.

Ad postremum recitatis auctoribus recentioribus, qui videntur fauuisse tuæ sententiæ, posita Arnoldi vestri monachi huius temporis scriptoris auctoritate, subiicis ista: Quem etiam sannis prosequuntur, quod vocauerit Gregoriū ipsum Archidiaconum, quo nomine etiam a multis,

a pag. 289
vers. 7.

b pag. 289.
9. vis.

qui

a pag. 280.
p. 7.

qui ante eum de eo egerunt, vocatus fuit.] & paulo post: ^a Sed ego quorū sum hæc? Ac si ipse Arnoldus is esset, qui perstreptentes muscas abigere flabello veritatis non posset.] eo vsque, Constantine frater, progressus es contumelijs, vt non verearis tibi contradicentes, muscas perstreptentes nominare! Sed falleris admodum: scies, vbi ista nostra perlegeris, ex infixis aculeis eas quas existimasti muscas, fuisse crabrones, quos te pœniteat irritasse, cum vnde euadas, quo effugias, non inuenies, vbique eorum aculeis confixus, atque perfoffus, nec erit, vt leui flabello eos expellere valeas. Dimoue, vita, si potes, eum, qui tibi modo infigitur obtutum Arnoldum aculeus. Dixit ille S. Gregorium fuisse S. R. E. Archidiaconum, cuiusdam (vt tu excusas) recentioris Scriptoris auctoritate. Anne potuit non risisse Baronius, audiens Archidiaconum asseri S. Gregorium, quem certo sciret vltimum diaconorum fuisse? Qui hoc testatur, fuit æqualis nostri Gregorij Gregorius Turonensis, qui non solum eodem vixit cum ipso tempore, sed (vt ipse tradit) Romam venit, & quæ scripsit, oculis vidit. hic ergo de S. Gregorij diaconatu agens, hæc habet: ^b Qui ante serico contextu, & gemmis micantibus solitus erat per Urbem procedere trabeatus: nunc vili contentus vestitu, ad altaris Domini ministerium consecratur, septimusq. Leuita in adiutorium Papæ adsciscitur.] hæc ipse. plane his significans, eum vltimum omnium creatum diaconum, vltimum locum nactum, vt septimus diaconus dictus sit in numero illo septeno diaconorum Cardinalium, quorum primus Archidiaconus esset. Sed deceptus est numerando imprudens Lector, dum inuerso ordine numerauit, atque primum diaconum putauit infimum, septimum vero summum. At vero primum diaconum eundem fuisse, Archidiaconum, accipe ex his, quæ habentur in exordio libri secundi epistolarum S. Gregorij istis verbis: Temporibus Gregorij Papæ, Consulatus Mauritiij Augusti anno septimo, depositus est Laurétius, qui primus fuerat in ordine diaconij Sedis Apostolicæ, propter superbiam, & mala sua, quæ tacenda duximus, & factus est Archidiaconus Honoratus coram omnibus presbyteris, & diaconibus, Notarijsque, subdiaconibus, vel cuncto Clero in basilica Aurea.] hæc ibi. Ex quibus vides primum diaconum, eundem fuisse Archidiaconum, quo titulo auctus, qui in locum ipsius est subrogatus, ita vt Gregorium, qui septimus ordine diaconus asseritur, eundem diaconorum fuisse nouissimum, necesse sit affirmare. En, Constantine, tuo nunc flabello eijce muscam istam, quam pateris perstreptentem, tuis auribus permolestam.

b Greg. Tur.
lib. 10. c. 11.

At num hic finis derisionum tuarum atque calumniarum, cum ad muscam vsque perueneris? minime gentium. Pauca ista tibi adhuc visa sunt, Constantine (quo impulsore spiritu, dicat alius) qui quidem eo licentius rem agis, quod sub velamento dialogi, mutatis nominibus velut imposita larua tegaris; tantoq. securius agas, quod cum Baronius modestiæ se causa e campo subduxerit, factus videri possit tamquam homo non audiens, nec habens in ore suo redargutiones. Sic igitur post tot tantaq. calumniose in ipsum allata; ad postremū prioribus deterio-

ra compingis. Cum enim iure redarguis auctorem illum, qui stulte admodum negauit S. Gregorium fuisse monachum: mox subijcis: ^{a pag. 289.} Quæ scilicet sententia, quod Gregorius non fuerit monachus, ex parte a te, & a tuis symmystis fuscitata est, nullo licet fundamento veritatis nixa.] ^{vers. 32.}
 At quid illud est, quod ex parte dicis? Quanam ex parte cum illo negauit Baronijs S. Gregorium monachum fuisse? Numquid vis omnes monachos, præter Benedictinos, non fuisse dicendos monachos, sed seminonachos, ex parte tantum? non puto te adeo delirare, licet hoc ipsum ex necessaria inductione dictum oportuerit; cum tamen Baronijs constantissimus monachus S. Gregorij fuerit semper assertor. Vides Lector, an alia maior in Baronium potuisset consulari calumpnia, quam hæc fuit, quod scilicet ex parte negauerit, S. Gregorium fuisse monachum. Esto tu iudex, & tantæ calumpniæ propulsator, non aliunde quam ex sexcentis locis Annalium, quibus plenissime S. Gregorius asseritur fuisse monachus. O si non me Baronijs cohiberet, qualia experiri iacula cogereris!

Post hæc te conuertis ad ludicra, dum ex monacho graui atque seueriore agere te delectat ^b mimum in scena, qui verbis his carpas aduersarium tuum: Ad argumentum vero, quod recentissimus ille tuus Scriptor fecit ab Ecclesia Romana, quæ, ut ait, numquam Gregorium depingere solita fuit monastico habitu,] ista tu reddis haud fideliter, aliqua mutilans. Nam dixerat, non consueuisse Romanam Ecclesiam S. Gregorium Papam pingere monastico habitu indutum, sed Pontificio, ut audiet Lector in Responsione. Tu vero vniuersæ negans, mox ista garris: Responsum esse velim, illum aut captum esse oculis, aut eius caligasse oculos, vel specilla, seu orbicula illa vitrea oculis non adhibuisse, quibus uti solent hi, qui minus clare vident. quæ si adhibuisset, profecto vidisset in plurimis ecclesijs, vbi solent quatuor Doctores Ecclesiæ depingi, an Gregorius ipse habitu monachi subtus vestimenta Pontificia depingatur. Sed quid ego in re vniuerso orbi notissima laborare contendo?] hæc tu, mox ad alia diuertens. Sed siste gradum, licet inuitus, detineberis tamen, mecum annitente Lectore, qui arbiter sedeat iudicans, vter nostrum visu præset. Facetum spectaculum! Dicas tu, Constantine, aduersarium tuum, vel cæcum fuisse, vel oculis certe caligasse, quod depictum S. Gregorium habitu Pontificio cum alijs tribus Latinis Ecclesiæ Doctoribus intus indutum monastico habitu non viderit; arguis vero amplius, quod ad id videndum specilla non admouerit oculis suis. Sed excuso, quod non putauerit inueniri specilla, quæ faciant videre, quæ pictor subtus talem lineam vestem prolixam valde, eius habitu Pontificio occultauit; cum quæ foris apparent tantum viderit, pluuiatile, pallium, stolam, atque laciniosam lineam tunicam, quæ sinuosis rugis ea omnino occultaret, quæ subtus laterent, vt videri non posset, qualis intus sit ille tuus, quem dicis, monasticus habitus. Rogo te, detege, vt sic videat. Quod si facere renuas, quod non possis; credam tibi nihilominus asserenti intus latere monasticum habitum; sed cum illum dicis nigri coloris esse; te vt putem hallucinatum, facit, quod dictum est se-

pe, monachos S. Gregorij adhuc apparere in antiquis picturis Oratorij sancti Andreae coloris fuisse castanei, quæ etsi non adeo antiquæ, vt sancti Gregorij tempore coloribus expressæ doceri possint: ex antiquioribus eas deductas, nemo puto, iure negarit. En vides, Lector, quam iuste Constantinus ipse nos subsannet; & velit omnino ipsis intueri oculis corporis, quæ ipse tantum imaginetur oculis mentis. At omittimus cetera friuola, & ridenda potius, quam confutanda, vt inter alia illa de S. Equitio, a quem tu non magis inuidiose, quàm calumniose exueris monastico habitu, non solum cum scenum secaret in agro, sed (vt ^b ais) alias etiam cum vel foras procederet, vel domi maneret.] & quod tunc penitus Benedictinis caruerit vestimentis. Sed ex ijs etiam Benedictinum monachum non fuisse, satis intelligere potuisti, quem fingis postea pro animi leuitate non veritate trāsisse ad tuos, quos postea exortos esse, in Respon- sione docuimus. In qua, si quæ reliqua sint, quæ toto hoc tractatu desiderari posse contingat, copiose disputata, Lector, inuenies.

Hic vero Apologetici commentarij finis esto: ex quo abs te ante, tempus Epinicium decantatum conuertatur in nāniam, cum per illum tuus dialogus sit eodem plane tempore, quo est natus, extinctus; vt ad eius inuitandi sint funus, quos conuocaueras ad triumphum, ne penitus sepeliatur inglorius. Hæc nos cursim, his paucis diebus (quod tu mireris) aduersus ea, quæ tu pluribus frustra conatus es annis; ne queri posses, tui libri editionem esse dilatare. Expecta vero locupletio- rem, fortio-remq. tractatum, si his te, tuosq. non acquieuisse senserimus, cuius comparatione nos hic modo lusisse, cognoscas. Vale.

Finis Apologetici in Constantinum Bellottum monachum Cassinatem.



AD LECTOREM ADMONITIO
 QVA OCCASIONE AVCTOR
 scripserit ad alium Cassinatem monachum
 hanc, quæ subijcitur, Responſionem.



VM innotuiſſet Annales legentibus, quæ de monachatu ſancti Gregorij Cardinalis Baronius conſcripſiſſet, dum eiufdem Pontificis auctoritate ſuaſus, alterius porius quam ſancti Benedicti ordinis cum fuiſſe monachum demonſtrauit: viſa eſt ſententia iſta duriuſcula Benedictinis, qui Ioannis diaconi auctoritate ipſum vt ſuum ſibi hætenus vendicaſſent. Quamobrem vnus ex eiſdem Congregationis Caſſinenſis venerandus monachus, zelo iuſtitie motus, qua quiſque auitam hereditatem tueri laborat, commentarium ſcripſit aduerſus eam, quæ in Annalibus idem Baronius confirmaveat. Cuius nomen ſilentio honorifico inuolutum idcirco relinquimus, ne videamur in certamen ruſum reuocare nolentem, cumq. orationis aculeatæ ſtimulis ſubijcere, qui non cudendo ſua, viſus ſit ſe a certamine ſubduxiſſe. Abſtinuimus, inquam, ab eius nominatione conſulto, ne vel nominando videremur eum quaſi in triumphum ducere voluiſſe captivum.

Hic, inquam, librum a ſe contra eam Baronij ſententiam conſcriptum antequam ederet, prudenter quidem modeſtiſſimi religioſi numeros explens, Romã miſit ad dignæ memoriæ virum Camillum Illuſtriſſimum Patriarcham Alexandrinum, per eum eidem Cardinali Baronio oſtendendum, vt ſi quid haberet neruoſius, quo rationes a ſe allatas infringeret, proderet; & ſic ipſe quieſceret: ſin minus (quod æquiſſimum eſſet) quidquid ea ſentiendo, vt homo peccaſſet, vt veri amantiſſimus ipſe corrigeret. Cognouit ipſum accurate Baronius, examinauit diligenter, atque exacte diſcuſſit; ſed haud talem inuenit, vt diſcedere a ſententia cogeretur. Verum vt eidem, qui cognoscendum obtulerat, ſatisſaceret, Reſponſionem hanc elaborandam curauit, quam per eundem Alexandrinum Patriarcham eidem venerando patri oſtendi voluit. Qua ipſe co-

gnita, ab edendi operis sui cupidine protinus destitit prudens volensque; atque illud intra domesticos parietes continendum putauit. Quod tamen cum apud suos notius factum fuisset: ex eo Constantinus ille Bellottus eiusdem ordinis monachus suam scripturam confarcinasse cognoscitur; adeo ut perspicue appareat intuentibus, nihil fere amplius suo prestitisse labore, quam ut illas multiplicaret, quas legisti, calumnias, & petitas a diuersis falsitates hinc inde congereret, quas oportuit palam fecisse, atque ut audisti, pariter confutasse. Quod vero idem Bellottus & Responsionem hanc a nobis elaboratam, per amicum acceptam, comperitam habuerit, & confutare totis viribus laborarit: ut intelligat Lector, quam vane, quam frigide & insulse, quam denique falso & calumniose id conatus sit: necessarium duximus præter illa quæ superius dicta sunt, eandem ipsam hic quoque, ut in Apologetico polliciti sumus, edere Responsionem. Cui ea præmittere, quæ in Annalibus Baronius habet; quibus scilicet inductus sit, ut S. Gregorium a Benedictino ordine dirimendum putarit, & qua in primis occasione ad hanc deueniret edisserendam quæstionem, opus esse existimauimus.

Cum enim tomo Annalium Septimo, anno Redemptoris quingentesimo octogesimo primo, præfecturæ Urbanæ sancti Gregorij ratione, qua eo anno perfunctus est, deuentum esset ad eius monachatum, quem ante inisse non potuit, quam eo vinculo solutus esset: eorū in primis discussionem habendam putauit, quæ in eo argumēto de se ipso S. Gregorius scriberet, cui aduersari, summæ dementiæ videretur; cum iam triplex reperiretur eius assertio vnius eiusdemque sententiæ, ipsæ ferme verbis expressæ, quibus ita habetur a Baronio recitata ex eiusdem Gregorij dialogorū libris: ^a Vitæ venerabilis Valentius, siue Valentio, qui post in hac Romana Vrbe mihi, sicut nosti, meoq. monasterio præfuit, prius in Valeria prouincia suum monasterium rexit &c.] Hunc itaque, quem suum fuisse Abbatem, sibi, suoq. monasterio præfectum tertio dicit, cū petatum constaret ex Valeria prouincia, vbi eadē muneris functione præfuerat monasterio, & eiusdem prouinciæ monasteriorū præcipuus omnium Abbas S. Equitius fuisse sciretur,

^b Lib. 1. c. 4. ut idem ipse S. Gregorius testatur: ^b iurē deducendum Baronius

^a Greg. dial.
lib. 4. cap. 21.
supra lib. 1. c.
4. & lib. 3. c.
22.

nus existimauit, ex illo S. Equitij germine suum in Vrbe
monasterium a S. Gregorio institutum & propagatum; idq.
(vt audisti) ex ipsa eius assertione tertium repetita.

Cum insuper eo tempore, quo S. Gregorius profiteri cœpit
vitam monasticam, nullum inueniretur superesse monasteriū
Cassinese, iam diu ante a Longobardis excisum, vnde &
monachi Romam migrassent ad monasterium Lateranense;
cuius etiam Abbates cum sigillatim ab eodem S. Gregorio

*a Dial lib. 2.
in princ.*

recenserentur, nullum tamen eorum sibi, vel suo monasterio
proxime posito præfuisse scriberet: iure pariter in eam senten-
tiam idem Baronius induci potuit, vt assereret, distinctos fuisse
penitus monachos Congregationis S. Equitij a monachis
ordinis S. Benedicti; ipsum Gregoriū vero illis nomen dedisse.

Ex quibus demum itidem merito redarguendum putauit
Ioānem diaconū, qui alium a Valentione prouinciæ Valeriæ
monasterij Abbate fuisse primum S. Gregorij institutorem
narrat. hic cardo totius quæstionis, quam explicatam & elu-
cidatam, atque ab obiectionibus vendicatam in Annalibus
leges, vberius autem & locupletius in sequenti Responsione
tractatam. Cumq. aduersantes, quod viderent nullo modo
contradici posse ijs, quæ de se ipso S. Gregorius pluries affir-
maret; illud in primis conati essent, si possent astruere,
monachos illos prouinciæ Valeriæ eosdem fuisse cum mona-
chis ordinis S. Benedicti: hoc ipsum idem Baronius in Addi-
tamento ad Annales appposito, ad ista respondens, eiusdem
S. Gregorij assertione valide confutauit. hucusque, Lector,
de his, quæ sunt in Annalibus pertractata.

Reliqua audies in hac, quæ sequitur, Responsione ad mul-
tiplices obiectiones postea illatas elaborata. Illā vero præci-
puam, quā calumniose nimis idem Baronius patitur, dum no-
uitatis auctor ab ipsis asseritur, atque nouæ sententiæ inuētor
ab aduersarijs sugillatur, conuulsorq. antiquitatis vna eorum
omnium voce immani strepitu conclamatur; cum re vera ni-
hil vñquam apud eum antiquius fuerit, quam de veneran-
da antiquitate in primis bene mereri, eandemq. diu exulem
postliminio reuocare, obrutamq. mendacijs pristinae red-
dere veritati, vendicareq. in apertissimam lucem, quæ Cym-
merijs offusa tenebris, tetra inclusa carcere delituisset inuisa

mortalibus. quo nomine iure ipsi plaudant cultores omnes
 eiusdem antiquitatis, laudibusq. immortalibus ornent; præ-
 dicent vero magis omnes studiosissimi veritatis, celebrentq.
 præconijs, cum eius studio eandem ipsam suo fulgore ni-
 tentem, tandem e densa caliginē emergentem aspexerint;
 eidemq. ex animo bene precentur: assurgant vero simul
 omnes ipsi Magno Gregorio, cuius triplici elogio commu-
 nita, tanto prævio duce ipsa veritas læta atque secura pro-
 cedat. quibus te iungendum fore, Lector, non dubitamus,
 si verus es cultor veritatis, atque studiosus custos antiquita-
 tis; ab ijs procul abhorrens, qui cum erroribus, quos semel
 imbiberint, consensescere, ac denique mori, animo obdura-
 to statuerint. Quibus solis certo scimus, ista Baronij, & quæ
 nos in eius defensionem elaboramus, placere non posse;
 quos merito uti profanos a suo templo semper arceant
 æditi Veritatis.



R. P. D O M N O. N.

MONACHO CONGREGATIONIS

CASSINENSIS

ANTONIUS GALLONIUS

Congregationis Oratorij Presbyter, S.



RVDENTER quidem abs te factum est, ut librum tuum de sancti Gregorij monachatu, antequam prelo subijceres, Romam mitteres ostendendum Illustrissimo ac Reuerendissimo Cardinali Baronio per tuos æque ac meos Illustrissimos dominos Caietanos. In cuius præfatione dum ais affectu sincero: Rogo, ut Illustrissimus Cardinalis Baronius, quæ ego semper in honore habui, benigne excipiat, perspectaq. rei veritate, religioni nostræ gloriâ, idest Gregorium S.R.E. Pontificem & Doctorem maximum, quem eripuit, ipse restituat. id non nisi euietâ causa, & errore conuictio, suadendum fuisse; immo nec opus erat: siquidem sponte id Baronius præstitisset, summaq. perfecisset alacritate. Ita enim comparatus est, ut cum veritatis vindicem agat & defensorem, quemcumque libenter audiat monitorem, summisq. gratiarum actionibus prosequatur eum, per quem ipse proficiat, cum veritatem interdum læsam, labantemq. ipsam ita firmari contingat. Vidit ipse quæ scripsisti, quæ etiam antea relatione piorum subodoratus, ijsi satisfactum putauit, si in Parergis ad Nonum Annalium tomum appositis quædam adderet, quibus asserta Septimo tomo sententia firmaretur, confutarenturq. simul omnia, quæ in contrarium obijci potuissent. Nec tua ista scriptio, permotus, ipsis aliquid addendum putauit, illud vulgatum vsurpans. Sapiienti pauca: bene conscius, viris doctis satis esse persuasa, quæ scripsit. Verum, ne eius silentium in deteriore partem accipi posset, cum fieri sæpe soleat, ut tacens tamquam veritate destitutus manus dedisset, intelligatur: subij haud inuitus hanc ipse prouinciam, non ut assertam ab eo sententiam roborem (non enim quæ omni ex parte subsistit, nostro indiget fulcimento) sed ut, quæ tu multipliciter frustra obijcis, quam inanissima esse, demonstrem.

In cuius disputationis ingressu illud in primis persuadeas tibi velim, procul abesse debere a pio Sanctorum cultu mendacium: cum haud minor sit reputanda blasphemia, aliquid illis detrahere ex his, quæ habent, quam tribuere, quæ non habent. Etenim falsa laudatio irrisio est reputanda, non cultus; nec Deo placet oblatio, quam veritas non comitatur. Hinc illud mystice designatum, quod species omnes aromatum, quibus

a Exod. 30. quibus sacrum thymiama conficiendum erat, ^a pondere Sanctuarij prius expendi oportebat, ut his symbolicis signis ostenderetur, nullam, quantumvis religiosa videatur esse laudatio, quoquo modo pietatis intuitu comprobendam, quam prius sacra veritatis statera non ponderet. Sancta sancte colenda, nos docuere maiores; nec in his priuato vllatenus indulgendum affectui, sed cedendum in omnibus veritati. Absit igitur, ut quia S. Gregorium peculiarem nos patronum habemus, & sub eius titulo militamus, atque stipendijs viuimus, ipsi plus, quam decet, aliquid tribuamus, vel S. Benedictum non bene dicta laude colamus. sed ad quæstionē.

Rem agis hanc vnam integro libro tuo, Sectionibus decem & septem distincto, ut asseram a Baronio sententiam in Annalibus, de sancti Gregorij monachatu sub sancti Equitij professoribus, non autem sub sancti Benedicti discipulis, multipliciter impugnare possis. Mei verò hæc est ratio instituti, non ut cuncta in illis errata redarguam (parum amici id esset animi, remq. odio magis agentis, quam Christiana charitate, veritatis amore, tractantis) sed illa tantum conuellam, quæ a te aslata, ad hanc, de qua agimus, causam spectare noscuntur; idq. quam breuissime potero, memor in primis monentis Apostoli: Omnia vestra in charitate fiant.]

Habes autem in prima tua Sectione ista: In Ecclesia pro certo semper est habitum, traditumq. omnium consensu, sanctum Gregorium Benedictinum monachum exiisse.] secunda vero Sectione adijcis ista: Verum tempestate hac nostra Illustrissimus Cardinalis Cæsar Baronius nouam in suis Annalibus inuexit opinionem de monastica sancti Gregorij professione: monachum illum quidem fuisse non negat, nequaquam tamen sancti Benedicti patris nostri, sed sancti Equitij disciplina, præceptisq. informatum, &c.]

Miror valde quod in his astruendis Ecclesiæ in primis traditionis vendicas tibi nomen. quid traditio, nisi quod ab omnibus vbique & semper factum liquet? quid in huiusmodi ab omnibus vbique & semper traditum ostendere poteris, ut non prorsus inane nomen traditionis usurpasse intelligaris? quid nouitatem impingis ei, qui ex ipsis Gregorianis purissimis fontibus totum deducit quod asserit? Quid hoc antiquius excogitari potest? Quidve fortius atque solidius? Hæc enim ex parte tibi laudandus plurimum fuisset ipse Baronius, utpote quod sit imitatus illum, qui commendatur sententia Domini, ^e Scribam doctum, qui profert de thesauro suo noua & vetera: Deus qui iustificat, quis est qui condemnet? Habet nouitas illa crimen, vel criminis suspicionem non vitat, quæ a nulla deducitur antiquitate. Laudanda vero & amplectenda, fouenda atque arctius retinenda, si a vetustatis fonte deriuata, intelligatur, quæ non nouitas adinuenta, sed antiquitas restituta sit potius appellanda. Proscribenda igitur Ioannis diaconi primi vestræ sententiæ auctoris assertio, quæ nullas habeat ab antiquitate traduces: retinenda Baronij, in quâ copiose originarij fontes influant antiquitatis.

c Stat eodem auctore Gregorio, dispar & distincta sancti Benedicti successorum

cessorum Abbatum series ab ea, qua recensetur prædecessorum Abbatum sancti Gregorij ipsius verbis deducta successio, diuersis prorsus discretis limitibus, diuersitate nominum, locorum, & personarum, ab ipso Baronio Septimo *a* Annalium tomo recensita. stat pariter stabilitum firmiter ab ipso in Appendice ad Nonum *b* tomum, tam Equitium, quam successores eius Abbates ita distinctos a monachis Benedictinis fuisse, vt nulla ratione sub ipsidem censi valeant. stat insuper *c* triplici assertione ipsiusmet sancti Gregorij demonstratum, & absque controuersia definitum, ipsum non sub aliquo successorum sancti Benedicti Abbatum, sed sub Valentio (sue Valentionem, aut Valentinum dicere malis) monasticam vitam esse professum. Hunc siquidem vnum, nec præter hunc alium illum Abbatem suum nominat, de quo & ultimo dialogorum libro sic loquitur: *d* Vitæ namque venerabilis Valentius, qui post in hac Romana Vrbe mihi, sicut nosti, meo quoque monasterio præfuit, prius in Valeria prouincia suum monasterium rexit.] monachos vero prouinciæ Valerij S. Equitij fuisse propaginem, eiusdē sancti *e* Gregorij attestazione idē Baronijs docuit. Sunt istæ quidem Baronijs, immo ipsius S. Gregorij assertiones, hæc iacta antiquissima fundamenta, quibus nihil possit hac in re antiquius inueniri. quæ tu vide quomodo nomines nouitatem, cum ex antiquis per decursa trium sæculorum curricula vsque ad Ioannem diaconum primum nouatorem nemo repertus sit, qui adeo bene locata fundamenta reuellere auderet, vel minimum quid mutire aduersus adeo canam venerandamq. antiquitatem, non Isidorus, non Ildephonsus, vel Beda, Paulusve diaconus, qui res gestas S. Gregorij ante Ioannem diaconum conscribere: quos vestros fuisse monachos, cum dicatis, haud dubium quin omnes id summo certe præconio promulgassent quod dicitis, si veraciter asserere potuissent. Fuit vnus & primus Ioannes diaconus, qui ita ab antiquitate resiliit.

Sed videamus an tu aliquid ingeras, quo loquentem Gregorium arguas, & silentes tot Patres negligentiæ nomine merito reprehendas. persequar tuæ vestigia, quæ Sectionibus singulis fixa relinquis. Confutata igitur in prima, & secunda Sectione de nouitate calumnia, conuertimus styli ad tertiam Sectionem, qua conaris alterum de duobus efficere, vt nimirum vel redigas sanctum Equitium cum successoribus suis sub Regulam sancti Benedicti, atque hac saltem via ipsum Gregorium etiam eiusdem Regulæ professorem constituas; vel si hoc non possis consequi, eo te cōcertas, vt veluti iurato quodammodo bello, omnia ipsius Equitij destruas monasteria, quo eius intercepta successione, Gregorium sic cogas sub Benedicto monachatu profiteri. Vt primū illud obtineas, probare studes, sanctum Benedictum antiquiorem fuisse sancto Equitio, vt ex hoc inducas, Equitium Benedicti fuisse propaginem: aisq. S. Benedictum anno salutis quadringentesimo nonagesimo quarto petijisse loca deserta; inde ex Sublacensi monasterio petijisse Cassinum, anno quingentesimo vigesimotertio: vixisse vero sanctum Benedictum vsque ad annum Redemptoris quingentesimum quadagesimumsecundum vel tertium.

a Annal. 10.
7. an. Dom.
181. prop. fin.
b in fin. pag.
882. edit. Ro.
c Greg. dial.
lib. 1. c. 4. lib.
3 c. 22. lib. 4.
c. 21.

d Id. dial. lib.
4. c. 21.

e Id. dial. lib.
1. c. 4.

tium. Aetate igitur sancti Benedicti sic definita, ad Equitium te conuertens, ipsum dicis post sanctum Benedictum claruisse, atque ipsius pene Gregorij Papæ tempora attigisse, idq. probare niteris in primis auctoritate domestici testis adhuc viuents Arnoldi Belgæ, monachi Cassinatis, tibi (vt profiteris) amicicia coniunctissimi. Ita quidem testium laborans inopia, rem antiquissimam recentissimo teste, quod alium non inuenias, probare nifus; taliq. teste te, quod dicendum erit inferius, causa cadere sentiens, totus nutabundus, male securus, eo demum te conuertis, vt ex scriptis sancti Gregorij quocumque modo id coneris elicere hoc genere argumenti:

a Greg. dial.
lib. 1. c. 4. in
fine.

Cum testetur, inquis, sanctus Gregorius, * de Equitio scribens, ea se accepisse a Fortunato Abbate, qui eidem Equitio fuerat familiaritate coniunctus: consequitur, quod sanctus Equitius fuerit sancto Gregorio proximus.] sed non plane sequitur, quod sancto Benedicto fuerit ætate posterior. Siquidem potuit sanctus Equitius ante sanctum Benedictum esse natus, anteq. ipsum collegisse monachos, & post sanctum Benedictum, quem dicis annos natum sexagintaquinque mortuum esse, superstes adhuc plures vixisse annos, atque ad ætatem decrepitam peruenisse, vt sic post sanctum Benedictum viuens decesserit tamen senior ipso. Sicut accidisse scimus Cassiodoro, qui, antequam discessisset ab Vrbe S. Benedictus puer, ipse gerebat sub Theodorico amplissimus magistratus, & post obitum eiusdem sancti Benedicti annis decem & octo superstes erat, anno Redemptoris quingentesimo sexagesimo secundo, agens annum suæ ætatis nonagesimum tertium, vt ex eiusdem ipsius scriptis Baronius facile colligit in ^b Annalibus. Vide quā leuis illa argumentatio cedat. sed leuior alia quam subiicis, dum probare itidem nifus, sanctum Benedictum sancto Equitio antiquiorem, in hunc modum argumentaris: Quæ scripsit de sancto Benedicto Gregorius, fatetur se accepisse a quatuor sancti Benedicti discipulis, eisdemq. in præfectura monasterij successoribus, siue Cassini, siue Romæ, siue Sublaci vt Honorato. Ex quo possumus, inquis, iure inferre, Benedictum egregium monachorum legislatorem sancto Equitio fuisse ætate superiorem,] eo quod, quæ de sancto Equitio Gregorius scripsit, ab vno tantum Fortunato Abbate Equitij familiari se accepisse testetur. Hæc tu cum dicis, iam non ex ætate, sed ex maiore numero testium sanctum Benedictum Equitio antiquiorem ostendis. At cum quatuor illi omnes æque sancti Benedicti fuisse discipuli asserantur, ac simul æquales, licet sibi inuicem successisse dicantur Abbates, nihilo magis, quam vnus, sicut nec vnus minus quam centum, adijcere vel detrachere possunt eius ætati, quo illum vel seniore, vel iuniorem ostendant; cum præsertim tua quoque sententia certus sit annus, quo sanctus Benedictus obierit, nempe (vt astruis) Redemptoris quingentesimus quadragesimus secundus vel tertius: vt vsque ad tempus, quo scribebat illa Gregorius, anno scilicet quarto (vt ipse testatur) sui Pontificatus, qui est annus Domini quingentesimus nonagesimustertius, quinquaginta anni numerentur ab obitu, inquam,

sancti

b Annal. rom.
7. ann. 556.
c 562.

sancti Benedicti, usque ad eam dialogorum scriptionem, per quos quatuor Abbates illi, omnes & que discipuli & filij eiusdem Patris, post eius transitum ipsi successisse dicantur, omnes & que testes rerum gestarum sancti Benedicti: a quibus Gregorius accepit, quæ de ipso sancto Patre conscripsit. sed quid porro ex his inferas, tuis verbis audiamus: sic enim scribis: Sanctus Equitius igitur ex his, quæ dicta sunt, cognoscitur quod non nisi ætatem hominis vnus Gregorium antecessit: contra sanctus Benedictus ætates fere duorum vel trium hominum præcessit Gregorium.] Quid ergo? si asseris S. Benedictum diē obiisse anno quingentesimo quadragesimo secundo vel tertio, Gregorium vero (quod & tu fateris) anno quarto Pontificatus scripsisse dialogos, qui est annus Domini quingentesimus nonagesimustertius, quoniam pacto inferas, duas vel tres hominum ætates sanctum Benedictum antecessisse Gregorio? quamquam, quæso annorum periodo vnus hominis claudis ætatem? num annorum spacio vigintiquinque, vel etiam minori, cum inferius quoque asseueres, tribus hominum ætatibus sanctum Gregorium S. Benedicto fuisse posteriorem? numerum ita deducens: Gordianus proauus sancti Gregorij vixit temporibus sancti Benedicti, eiq. multa donauit: cui successit Gregorius auus, quem secutus est Gordianus minor pater S. Gregorij. Sed de auo & proauo sancti Gregorij quam sint commenticia quæ asfers, inferius dicturi sumus; cum tamen etsi vera essent, tibi non prosint, dum spacio sexaginta annorum proau, aui, & patris claudis omnia simul tempora usque ad Gregorium Papam.

Ad postremum autē ex deductis abs te hanc stringis conclusionem: Si Benedictus est Equitio antiquior, non potuit iste, eremum illo petente, monachos congregasse. Sic ipse concludēs, nihil prorsus stringis. Etenim non dicit, quod tu ais, S. Gregorius, Equitium congregasse monachos, sed multorum monasteriorum extitisse patrem. adeo vt minime sint inter se pugnantia dicere, S. Benedictum ante S. Equitium eremum petiisse, & Equitium ante sanctum Benedictum multorum simul monasteriorum ab alijs erectorum Abbatem electum. Accidere enim interdum potest, vt iunior eligatur Abbas, prætermisissis monachis ætate grandæuis. at quid frustra laboras vt demonstres, sanctum Benedictum antiquiorem esse, Equitio? Concedamus, miserationis ergo, quod probare non potes, eo quod nec vtrum sit; demusq. Equitium Benedicto ætate posteriorem, quid inde lucraberis, vt asseras, quod conaris, sanctum Gregorium fuisse monachum ex Regula sancti Benedicti & non Equitij? nihil penitus. non enim ex eo, quod Equitius fuerit ætate iunior Benedicto, huius illud Regulæ mox constitues professorem. Nam (vt dicetur inferius) diuersorum ordinum erant eo tempore monachi, diuersisq. Regulis instituti: inter quos Equitius, successoresq. ipsius Abbates magna famæ existimatione florebant.

Ceterum de tempore, quo sanctus vixit Equitius, Arnolde tuo in obscuro laboranti, ex Cassiodoro comparata lucerna libenter occurrimus, eademq. ex Annalium * promptuario deprompta, vbi agitur de

a. Annal. 10.
6. ann. Domi
504.

Valentino Episcopo Amiterni sub Theodorico Italiae Rege, sub quo etiā claruisse reperitur Equitius . nam audi, dum sanctus Gregorius de sancto Equitio scribit, de Basilio mago hæc habet : * Hic in magicis operibus primus fuit, in monachico habitu ab Vrbe fugiens Valeriam petijt.] & inferius ipsum ab Equitio prophetico spiritu probe cognitum, expulsumq. e monasterio fuisse subdit. ex hoc ergo Basilio tempus, quo vixit sanctus Equitius, facile poterimus intelligere. Quis enim fuerit ille Basilius, ex duabus Cassiodori epistolis satis reperitur expressum. In epistola quidem Theodorici Regis nomine ad Argolicum Præfectum Urbis conscripta Cassiodorus hæc habet : b Magnitudinis tuæ relatione comperimus, Basilium atque Prætextatum artis sinistræ iamdiu contagione pollutos in accusationem tui examinis personarum intentione deductos. Super qua re te asseris nostram expectare sententiam, vt confidentius fiat, quod pietatis nostræ mandat auctoritas &c.] Subijcit autē inferius a se constitui Quinquenirale Senatorum Patriciorum iudiciū, a quo maximi ponderis causa ipsorum magorū tractetur. Alia vero c epistola hanc sequente scribit idem Cassiodorus nomine eiusdē Theodorici Regis ad Arigerum Comitem, vt eosdē magos iudicio Quinquenirali conuictos, sed fuga lapsos inquirat. in qua epistola hæc inter alia : Præfectus Urbis sua nobis relatione declarauit, Basilium atque Prætextatum magicis artibus inuolutos impeti accusatione multorum; quos elapsos insinuat mentis alienatione custodum. Eos te præcipimus vbicumque repertos ad iudicium Quinquenirale ducere &c.]

Sic igitur ex nomine, loco, crimine, & in crimine excellentia personæ delinquentis, atque fuga, quinque notis hisce amplissimis eundē esse Basilium, de quo Gregorius in dialogis, & Cassiodorus in epistolis scribit, nemo iure poterit dubitare : nimirū quod ambo Basilium nominent, Romæq. deliquisse consentiant, magicis intendentē artibus tradant, & inter magos eidem principem locum tribuant; quodq. captum cum alijs magis, atque fuga pariter lapsum asseuerent. Ex quibus probe inferri possūt, S. Equitium tunc claruisse, monasteriorum in Valeria iam Abbatem agentem, cum Theodorico Rege Italiae Romæ regnante, Argolicus, ad quem datæ extant litteræ, præfecturam Urbanam administraret. Quod certum tempus, Dei beneficio, qui voluit adeo antiqua monumenta illibata conseruari, in promptu est demonstrare. Siquidem ex eiusdem Theodorici Regis d epistola reddimur certiores, Argolicum creatum ab eodem Rege Urbis Præfectum per Indictionem quartam; per tertiam vero Indictionem ante ipsum creatum Præfectum Urbanum Artemidorū, e idem Cassiodorus habet. erat præfectura annuus magistratus. Porro ex certa Indictione notata annus pariter Redemptoris, quo famosum illud magorum iudicium Romæ contigerit, tora luce redditur exploratus.

Sed quoto Redemptoris anno, quarta Indictio sub Rege Theodorico primum inciderit, hoc videndum. Marcellinus Comes suorum temporum res gestas scribens, iungensq. Consulatus Indictiones, sub Consulatu Pauli solius quartam numerat Indictionem : est is annus Theodori-

a Greg. dial.
lib. 1. c. 4o

b Cassiodor.
Var. lib. 4. ep.
22.

c Id. Var. lib.
4. ep. 23.

d Cass. Var.
lib. 3. ep. 11.

e Id. lib. 1. ep.
42. 43.

ci quartus, Christi autem quadringentesimus nonagesimus sextus, quo tempore ex tua sententia sanctus Benedictus annum secundum agebat in specu, nondum alicui præterquam Romano monacho cognitus, vt sanctus Gregorius tradit, * qui triennium eius commorationis in specu ponit (vt ex eodem Gregorio audisti) cum iam Equitius non solum multorum pater esset monachorum, sed etiam monasteriorum Abbas.

a Greg. dial. lib. 2. c. 1.

At ne te cauillis inuoluam, sed sine fūco & fallacijs sincere in omnibus agam, nullo modo ista referri volumus ad quartū annū superioris Indictionis, sed sequentis; affirmamusq. (quod sic suadeat Cassiodori series epistolarum) ad insequeñtem Indictionū periodum sub eodē Theodorico Rege præfecturam Vrbānam Argolici referēdam. contigisse autem tunc dictā quartam Indictionem sub Consulatu Secundini atque Felicis, idem Marcellinus affirmat. est is annus Redemptoris quingentesimus vndecimus, quo tempore sanctus Benedictus (vt ex eodē S. Gregorio apparet) monachos colligere incipiebat, cum iam sanctus Equitius (vt dictum est) multorum esset monasteriorum pater: sicq. etiam sancto Benedicto antiquiorem Equitium in monasticis institutis iure possumus affirmare. quantum autem temporis Equitius vixerit, ignoratur. Ceterum longā vixisse ætatem inde possumus intelligere, quod Fortunatus Abbas, qui de illo retulit sancto Gregorio cuncta quæ scripsit, fuerat ipsi Equitio familiaritate coniunctus, cum tamen esset idem, quando ista sancto Gregorio enarrabat, iam ætate grandævus. nam de ipso sic aliquando Gregorius: *b* Crebro ad me nunc vsque veniens, dum facta mihi veterū narrat, noua refectione me satiat.] & superius: *c* Etiam quæ subiungo, prædicti venerabilis viri Fortunati, qui valde mihi ætate, opere, & simplicitate placet, narratione cognoui.] Ex his igitur vide, quam frustra labores, vt sub S. Benedicto S. Equitium statuas, eiusq. discipulos eisdem sancto Benedicto coniungas, atque cum eis sanctum quoque Gregorium alliges. nam quo tēpore incipiebat iste, iam consummauerat ille.

b Id. dial. lib. 1. c. 10. c Id. dial. lib. 1. c. 4.

Sed ad quartam tuam Sectionem transeamus, si quid fortasse abs te, fortius dictum inuenire poterimus. Qui igitur sanctum Equitium cum suis monachis sub S. Benedicti Regulā redigere tertia Sectione (vt vidimus) laborasti; hac Sectione quarta id eniteris, vt stylo tuo, quasi potenti ariete omnia simul euertas ac destruas solo tenus sancti Equitij monasteria. at quomodo istud, Lector, attende. Dum enim interpretem agit verborum sancti Gregorij, quibus dixerat *d*, Equitium pro suæ magnitudine sanctitatis multorum in ea prouincia monasteriorum patrem extitisse, sic ratiocinatur: Cum vero, inquit, vt re ipsa constat, ad hodiernam vsque diem neque ope scriptorum, neque hominum memoria ac conditione, præter locum, in quo celebris est sancti Equitij recordatio, vlla reperiantur monasteriorum, eiusq. viuendi Regulæ vestigia: facile crediderim, vitam egisse Equitium cum suis discipulis anachoreticam. Illud coniecturam nostram iuuat, quod monasterium iuxta nominis etymologiam vnus etiam monachi habitationem significare potest. *e* *sub* *enim* Græce, Latine vnus, vel singularis, vnde monachus *vnus* *quod*

d Ibidem.

quod est in solitudine, & quasi singularem viuere. Monasterium itaque, quod Græce *μοναστήριον*, Latine solitudo, est vnus monachi singularis habitatio. Idemq. confirmat vulgata illa quorundam antiquorum etymologia, quæ monasterium deducit a mona, quod est vnus, & sterium, quod est statio, ac si dicatur, solitarij habitatio.] & paulo post: Multorū ergo monasteriorum pater in prouincia Valeria erat Equitius, id est multorum monachorū singulariter viuentium in singulis cellis, quarum vna ab alia haud multum distaret.] hæc ipse. Ex quibus verum esse, Lector, intelligis, quod diximus, ipsum stylo suo, velut ariete omnia S. Equitij monasteria conatum euertere, atque singula in singulas cellas redigere.

At vnde eiusmodi verborum sancti Gregorij interpretatio deducenda? quæ etsi aliquando ab aliquo vsurpata fuisset (quod nemo vnquam inueniret) ad ipsum tamen sanctum Gregorium, cuius ea sunt verba, oculorum acies conuertenda esset, si vnquam forte eam vocem tali sensu accipere consueuisset, vt suorum verborum ipse auctor esset interpretes. sed certe quidem nusquam a sancto Gregorio in hunc sensum vsurpam poterit inueniri. At frustra & illud ais, tot monasteriorum abolitam esse memoriam: quasi nouum id videri possit, cum barbarorum adeo frequentes in Italiam eruptiones fuerint, vt admirationi potius esse debeat, quod vel vnus monasterij integra memoria manserit post tanta & toties repetita naufragia totius Italix, & maximarum quoque ciuitatum excidia.

His subijcis immensas laudes sanctissimi Benedicti; qui licet numquā satis laudari possit, tamen quæ ipsi conuenire nō possunt, procul abest, vt ipse recipiat, quin potius execretur, vt oblatum sacrificiū de rapina. sunt hæc verba tua: Quod vero Benedictus monastici ordinis auctor nō Italix modo, sed totius Christianæ Reipublicæ bono natus erat &c.] & inferius: Summi itaque & sanctissimi Pontifices illum prædicauerunt monachorum præceptorem almificum, monachorum omnium patrem, monasticæ legis latorem, & operatorē, & sacrae religionis monachalis venerandū auctorem.] hæc tu cū affers, nimis effers: indigent encomia fræno, ne nimia laudandi cupidine attexantur veris etiā mendacia, vt visus mihi es modo fecisse, dum diceres, S. Benedictū monastici ordinis auctore: dicere potius debuisses, Benedictini ordinis, seu Benedictinæ religionis auctorem. Nam quomodo verū esse potest, ipsum simpliciter dici monasticæ religionis auctorem, cum negare non possis, antequam vel ipse nasceretur, non Orientalem tantum Ecclesiam, sed Occidentalem etiam monachis diuersorum ordinum abūdassee? Et vt dicere de reliquis prouincijs omittamus, quis ex Aegypto primum in Urbem inuexerit germina monasticæ vitis, sanctus Hieronymus * te docebit: fuisse nimirum magnum Athanasium, & Petrum, vtrumque Patriarcham Alexandrinū. & quantum eadem secunda germina fuerint propagata, extenderintq. vsque ad mare propagines suas, eundem audi, dum S. Fabiolæ effusas

a Hieron. ep. 60. elemosynas prædicat: *b* Quod monasterium, inquit, non illius opibus est sustentatum?] & paulo post: Peragrabat ergo insulas, & torum

Hetrus-

Metruſcum mare, Volſcorumq. prouinciam, & reconditos curuorum litorum ſuius, in quibus monachorum conſiſtunt chori, vel proprio corpore, vel tranſmiſſa per varios Sanctos & Fideles munificentia circumibat.] hæc ex Aegypto germina monachorum, cum alia ex Cappadocia, ſancto Baſilio auctore, longe ante ſanctum Benedictum, non Italiam ſolum, ſed vniuerſam Occidentalem Eccleſiam impleuerint, vſque ad diuiſos etiam toto orbe Britannos. Vides quam patens mendacium ſit, aſſerere monaſticæ religionis ſanctiſſimum Benedictum auctorem? vt aduerſus iſta adeo toto cælo patentia nullus teſtis poſſit admitti.

- Sed proſequamur reliqua, quibus argumentum mutans, exagitas iterum ſanctum Equitium, eumq. ſuis rurſum niteris priuare monaſterijs, aſſerens multa illa eius monaſteria, quibus præſuiſſe ipſum Abbatem ſanctus Gregorius ^a tradit, non alia fuiſſe, quam illa duodecim ^a *a Greg. dial. lib. 1. c. 2.* ſancto Benedicto apud Sublacum erecta. His vna ſatis ſuperq. poſſit eſſe reſponſio; nimirum auctoritate ipſius ſancti Gregorij luce clariuſ demonſtrari, fuiſſe omnino diuerſa, cum dicat, a ſancto Benedicto ^b ſingulis ^b *Id. dial. li. 2. c. 3. §* monaſterijs ſingulos monachos fuiſſe præfectos: at de ſancto Equitio verba faciens, ipſum vnum multis fuiſſe præpoſitum monaſterijs Abbatem affirmat, nec ipſum fuiſſe ſub aliquo conſtitutum: vt plane oſtendat luce clariſſima, diſtinctas ab inuicem fuiſſe collectiones monachorum Equitij & Benedicti; Equitij vero (vt eſt demonſtratum) antiquiorem. declarat hoc ipſum & locorum diuerſitas. Nam eodem teſte, ſancto Gregorio, duodecim illa ſancti Benedicti monaſteria circumquaque (vt ^c ait) conſtructa erant; hæc autem Equitij apud Amiternum, ^c *Id. ibid. c. 4* fuiſſe cum idem ſanctus Gregorius docet, tum vetera, quæ nunc eodem in loco extant monimenta, quæ & tu ipſe non negas, oſtendunt.

- Rurſum vero de duodecim illis monaſterijs Sublacenſibus ex eodem S. Gregorio, qui ipſorum primus meminit, illud conſiderandum, non ipſum dicere, ſingulis ipſis monaſterijs ſingulos fuiſſe præfectos Abbates, quod ſcilicet locorum tenuitas, & paucitas monachorum in ipſis degentium id minime ferret, ſed ſimpliciter monachos dixit, ^d quos inferior ^d *Id. dial. lib. 1. c. 2.* nominat Præpoſitos, cum de eius inde diſceſſione agens, hæc ait: Inuidiæ locum dedit, atque Oratoria, & cuncta, quæ conſtruxerat, ſubſtituit Præpoſitis, adiunctis Fratribus, ordinauit, &c.] Porro Præpoſitos minores Abbatibus fuiſſe, vt qui eiſdem ſubiecti eſſent, idem Gregorius ſæpe docet, & S. Benedictus in Regula, quam poſtea ſcripſit, ſignificauit. Hinc etiam eſt, quod Sublacenſe ipſum monaſterium ab eodem S. Gregorio non Abbatia nominatur, ſed Cella, vt quæ Abbatie ſubiecta eſſe ſoleret. Nam de Honorato agens Sublacenſis monaſterij præfecto, hæc ait: ^e Honorato etiam, qui nunc adhuc Cellæ eius, in qua S. Benedictus videlicet conuerſatus fuerat, præeſt.] hæc Gregorius. ^e *Id. lib. 2. dial. in præf.* Quibus intelligas, nondum adhuc tempore S. Gregorij illa omnia monaſteria Sublacenſia eiſmodi fuiſſe, vt illis Abbates præfici poſſent, ſed Præpoſiti tantum, minores Abbatibus. Cum igitur S. Equitius non Præpoſitus, ſed Abbas in prouincia Valeria multa monaſteria, non Cellam

Cellam rexisse dicatur: plane conuincitur ex hoc etiam, ipsum esse non potuisse vni ex illis Sublacensibus cellis præfectum, quod tu affirmare frustra laboras. Etenim cum idem S. Equitius a S. Gregorio pater multorum monasteriorum fuisse asseratur, ipsum fuisse Abbatem, est necessarium affirmare.

Quod vero subijcis etiã Sublacum oppidũ fuisse in Valeria prouincia positum: Paulum diaconũ vestrum monachum Cassinatem legisse oportuerat, qui secundum eius temporis vsum vniuersam Italiam diuidens in prouincias quindecim, cum de Valeria agit, hæc habet. ^{a Paul. diar. de gest. Long. lib. 2. c. 20.} Tertiadecima prouincia Valeria, cui est Nursia annexa, inter Vmbriam, & Picenum, & Campaniam consistit.] subdensq. fines eius ab Occidente, vbi & ipsa Valeria via ducit principium: Habet, inquit, vrbes Tiburim, Carseolim, Reate, Furconium, & Amiternum, regionemq. Marforum, & eorum lacum, qui Fucinus appellatur.] sicq. Sublacus ab ipso ferme exordio Valeriæ viæ extra ipsam a dextris relinquitur, posita in ea parte, quæ secundum eiusdem recentioris descriptionem Campania appellatur, sub qua etiam censetur hodie. Remaneant igitur sua sancto Equitio monasteria, & ab eis distincta sancto Benedicto sua, quem tu inuitum cogis, ^{b Jerem. 17} vt perdicem, oua fouere non sua.

Sed ad quintam Sectionem tuã veniamus, qua hoc tu astruis paradoxum, vt dicas, ante sanctum Benedictum in Italia monachos vixisse Regularum expertes. quod primum hac probare niteris ratione: Si qui, inquis, eo sæculo in Italia (de hac enim loquimur) certis scriptisq. legibus militassent, huius rei vestigium aliquod superfuisset.] at hoc ipsum inferius facile confutabitur. Deinde probas exemplo, ^{c Greg. dial. lib. 1. c. 3.} sanctum Gregorium testem adducens, qui de sancto Honorato, patre ducentorum monachorum affirmet, ipsum a Deo edoctum, nullo vsum esse magistrum. At non addit sanctus Gregorius, ipsum suos ducentos monachos absque Regulis, solo vitæ exemplo instituisse, qui tota illa disceptatione cum Petro diacono hoc agit vnum, vt ostendat interdum accidere, vt aliquis absque magistro instituat a Deo, quod tamen in exemplum non esse trahendum affirmat. Honorato istud accidisse, vt cum ruri semper vitam egerit, adscripticij coloni filius, absque magistro a Deo bene fuerit institutus: quod ipsum sanctus Gregorius de sancto Benedicto pariter docet, a Deo scilicet doctũ atque pariter institutum. Sed tamen cum Abbas præfectus est monachis, ipsum eos ad omnes numeros vitæ regularis reuocasse, antequam ipse Regulas suas scripsisset, testatur idem Gregorius, dum de illis agit qui ipso exordio eius se gubernationi commiserunt: ^{d 1d. lib. 2. c. 3.} Cum in eodem, inquit, monasterio regularis vitæ custodiam teneret, &c.] Quid enim per regularem vitam intelligit, nisi ex Regularum præscripto vitam bene compositam? Sed idem ipse sanctus Gregorius ibidem de Romano quoque monacho ait, eum sub Regula Theodati Abbatis vixisse. Sic igitur, qui regulariter suos gubernabat sanctus Benedictus, antequam suas scriberet, alienis Regulis iam antea promulgatis vt eos instituerit necesse est. quas cum tibi inco-

gnitas dicis, nec earum inueniri vestigium existimes, negas (quam prudenter, tu videris) vllas vñquam fuisse. Verum non cernis antiquarum Regularum vestigia in ipso, de quo agitur, sancto Benedicto satis expressa, dum regulari disciplina (vt testatur in loco citato sanctus Gregorius) illos gubernaret monachos, qui cum sibi constituissent Abbatem. At quænam illæ Regulæ fuerint, cum suas nondum ipse scripsisset, tibi quærendum erat, & non negandum quod essent. sed & quænam eæ fuerint, ab ipso sancto Benedicto intelligere potuisses. Nam qui recens suas condidit Regulæ, noluit antiquas abolitas, sed ob oculos suorum discipulorum semper voluit ipsas versari. Etenim de his ita cauit sua Regula numero septuagesimatertia: Collationes Patrum, & instituta, & vitæ illorum, & Regulæ sancti Patris nostri Basilij quid aliud sunt, nisi bene viuientium & obedientium monachorum exempla, & instrumenta virtutum?] Hæc ipse vere sanctissimus, sicut & gratissimus, dum, per quem profecerit, non occultans, sanctum patrem nostrum, Basilium nominat, vt ostendat, quemnam in suis instituendis monachis fuerat magistrum secutus, & quibus, antequam Regulæ suas scriberet, ipse vixerit, & suos monachos erudierit.

At nō ita tu, Frater, qui vbi de Regulis S. Basilij a Rufino Latinitati donatis, quas adeo S. Benedictus commēdat, agis, hanc perperā abs te confictam interpretationē apponis: Verū hæc, inquis, nullum nobis facessunt negotium: Rufinus enim Basilij Regulam Latine reddidit, nequaquam ad instituendos Occidentis ordines, vitamq. monasticam excolendam, sed vt spirituale opus, quod ad cuiusque spiritus profectum maxime conducere.] hæc ipse. Qui eadem dicturus eras de Regula sancti Pachomij diuinitus accepta, quam S. Hieronymus æque in Latinum sermonem trāstulit. Tu vero neutram vis apud Occidentales in vsum acceptam, vt frustra hac in re primas deferas Benedicto, qui malis tot monasteria totius Occidentalis orbis sine Regulis vixisse, quam ante Benedictum Regulæ ab aliquo accepisse. At quis (rogo te) tam amens inueniri poterit, qui collecturus monachos, & monasterium erecturus, non prius cogitaret, quibus illi essent Regulis instituendi, & sub quo ordinis titulo cœnobium statuendū: cū præsertim diuersi generis extarent in Italiā aliatæ Regulæ magni nominis virorū, nempe Basilij, atque Pachomij, Cassiani, Eugipijque. Et tibi placet sine scriptis Regulis tot agmina monachorum vixisse, antequā suas ederet Benedictus? amētibus ista suade. Nos autem libere affirmamus, non sine Regulis scriptis tot monasteria in Occidentali Ecclesia militasse: immo non hoc tantum dicimus, sed & amplius affirmamus, eundem ipsum sanctum Benedictum primum quidem alienis Regulis, nempe sancti Basilij (cum eum communem patrem appellat) se, suosq. monachos instituisse: cum tamen non negemus, eas illum ipso vsu ad suum institutum paulatim accommodasse, & experientia conuertisse, non tamen, illis reiectis, suas scriptas Regulæ obseruandas promulgasse.

— Ista vt demonstramus, primum de tempore, quo vir sanctus suas Regulæ

gulas scripsit, dicendum erit. Communiore vestrorum sententia (vt etiam asseris) receptum est, non, antequam Cassinum peteret, id egisse. Modo rogo te, quibus Regulis duodecim a se constructa monasteria sub præfectis totidem rexit, vel Regenda reliquit? vel quibus Cassinensem Collectionem moderatus est, prius quam Regulas scriberet? Plane non alias, quam sancti Basilij delegisse seruandas, eius conuicti testimonio; fateri debemus, dum sanctum Basilium suum suorumq. communem patrem appellat.

- Sed non solum sub monachatus sui primordia, atque media, sed ad postremam vsque ipsa, & obitum, sanctum Benedictum ijsdem Regulis suos monachos informasse, vestrorum patrum assertionibus (quod absque eorum testificatione dicere non ausi essemus) cogimur profiteri. Si quidem Petrus diaconus Cassinensis, magnæ apud omnes auctoritatis vir, vtpote, qui Chartularius, & Bibliothecarius cœnobij Cassinensis cum esset, quæcumque extabant antiquitatis monimenta, ex penetralibus vendicauit in lucem, dum pertexit catalogum virorum illustrium eiusdem monasterij, hæc de sancto Benedicto in primis habet: Scripsit autem iam senex in eodem cœnobio Cassinensi monachorum Regulam discretione præcipuam, sermone luculentam.] & eodem libro capite quinto hæc addit. Simplicius sanctissimi Benedicti discipulus, Regulam, quam suus magister considerat, publice legendam omnibus monachis tradidit.] hæc ipse. Scimus alicubi vitio Scriptoris legi: Quam suus magister ediderat.] sed repugnat lectio illa sequentibus. Nam si iam eam S. Benedictus ediderat, quid opus fuit vt Simplicius eam legendam omnibus traderet, quæ iam cunctis editione facta per Benedictum innotuisset?

- At quænam sit germana lectio, doceat vos vester monachus Siebertus, suorum scriptorum multiplicium fama notissimus, qui in libro, quem scripsit de illustribus Scriptoribus ecclesiasticis capite trigessimoprimo, hæc de sancto Benedicto: Proiectus ad summum culmen monasticæ perfectionis, secundum quam vixit, scripsit Regulam monachorum, sermone luculentam, discretione præcipuam: Simplicius discipulus eius latens magistri opus publicauit.] hæc Siebertus: cuius verbis, dum ait, secundum quam vixit, scripsit Regulam,] possumus intelligere præcessisse (vt diximus) experimentum, inde vero subsecutam scriptionem, nempe vt S. Basilij Regulas ipso vsu ad suum institutum paulatim inflexerit, senex demum scriptis suas mandarit, nō tamen viuens (vt audisti) promulgarit, sed potius occultarit: quæ tandem publicatæ sunt a Simplicio, qui (vt de eo testatur sanctus Gregorius) tertius non Cassinensis, (vtputant) sed Lateranensis Abbas Benedictinos monachos gubernauit. Qui perspicue satis in præfatione Regulæ sancti Benedicti præposita tradit, latens hæctenus magistri opus se publicasse, Regulas scilicet ipsius, de quibus tunc sermo, vt de his esse dubitatio nulla possit, a quo tum Petrus diaconus, tum Siebertus eadem, quæ de his scripsere, accepisse sciuntur. Ex quibus non solum Petri diaconi germanam habes lectionem, sed perspicue declaratum, absque scriptis a sancto Benedicto Regulis

gulis, non solum ipso Benedicto viuentē, sed & post mortem eius usque ad dictum Abbatem Simplicium Benedictinos monachos in Italia gubernatos. Istud quidem non ignominie sanctissimo viro cedit, ut alienis potius quam suis se suosq. monachos scriptis Regulis instituerit, sed summę glorię, idq. multipliciter. Ac primum quidem vitabat illud, quod Dominus dixit in Euangelio: ** Qui ex proprijs loquitur, mendax est.]* atque insuper illud: ** Nolite plures magistri fieri.]* a Ioan. 8.
b Iacob. 3. Itaque cauens vtrumque scopulum, Basilium patrem suum atque suorum elegit, & hoc nomine (ut audisti) summo opere gloriatus, cum ut communem patrem etiam post scriptas a se Regulas suis colendum proposuit: ut sicut sanctus Hieronymus sancto Gregorio Nazianzeno, ita Basilio Benedictus magistro se usum esse predicari. Dignus pariter & eo nomine plurima laude, quod non ante ad suas Regulas scribendas addixit animum, quam usu & experientia alienas summa prudentia, considerasset, & quę addenda, quę minuenda, vel moderanda, temperandave forent, pro temporis, loci, personarumq. ratione didicisset, usq. paulatim & experimento seruanda introduxisset.

Sed & præ ceteris ex eo sibi summam gloriā comparauit, quod, ne suas quantumlibet elaboratas, sub incudē sæpius reuocatas, omniq. ex parte probatas, in omnibusq. perfectas, præferre videretur antiquioribus a sanctis Patribus statutis Regulis, eas noluit, ut nouus legislator, fastu turgens edere & promulgare, sed recondidit & latere voluit. Ex his tu mihi dignosce Sanctos, ætterna sanctiores, iudica sanctissimos. hanc adhibe c Matt. 8. Christi staterā, & pondera Sanctuarij, quibus expenditur maior in regno cælorum, ex gradu nempe maioris humilitatis. Ex his, inquam, mihi eximiam Benedicti sanctitudinem prædica, tolle præconijs, & exaggera: nam paucorum est ista præstare, plurimorum scribere libros. Quamuis & hac ex parte sanctus Benedictus non sit sua laude fraudandus, utpote, qui scribens Regulas, non de monachis tantum suis, sed de omnibus est bene meritus, factus toti orbi proficiuus atque conspicuus. Ut iam non habeat, quod fastu tumens Græcia Latinis insultet, viuere Occidentales monachos Orientalium Regulis, cum tanti Patris beneficio habeat Latina Ecclesia in thesauris, quod Græcia mutuari possit ab ipsa. nam pene exolescentibus reliquis, Regulę Benedicti vbique locorum frequentiori sunt usu receptę, & obseruantiori cultu retentę. De his enim Honorius Augustodunensis hæc ait: ** Benedictus Abbas monasterij Cassinensis scripsit Regulam monachorum, per totum mundum promulgatam.]* ex his igitur satisfactum sit tux quintę, atque etiam sextę Sectioni.

*d Honor. Aug.
de illust. eccl.
Script. in Be-
ned.*

Sed & septimę quoque, qua rursus demonstrare contendis antiquiorem Equitio sanctum Benedictum, abunde satisfactum est superius, cum de tempore, quo sanctus Equitius claruit, ex Cassiodoro præcipue declaratum est; sicut & confutatum est pariter, quod hic refricas, sanctum Equitium anachoreticam egisse vitam, pariterq. erroris etiam conuictum, quod nullas dixeras fuisse Regulas, quibus S. Equitius suos monachos

nachos instituire potuisset. Sed æque etiam satisfactum sit ijs, quibus confutare ad postremum id nifus es, quod Baronius dixit, in prouincia Valeria celebre monasterium eo tempore, nisi S. Equitij, nullum fuisse, ex quo peti posset Abbas, qui ad regimen S. Gregorij monasterij in Urbem vocaretur. Quod enim opposuisti, S. Benedicti monasteria Sublacensia ex nomine S. Benedicti fuisse celebriora: satisfactum sit, inquam, dum est demonstratum, non fuisse in Valeria prouincia monasteria Sublacensia, pariterq. declaratum, auctoritate S. Gregorij, ea minime fuisse celebria, sed exilia, quibus nec Abbates dandi essent, sed Præpositi, quæ & cellæ potius proprii vocabulo dicerentur, quam monasteria.

Deinde, quod ad celebritatem Equitij monasterij pertinet, quodnam illo in ea prouincia potuit tunc inueniri celebrius? Erat illud nobilitate præcipuum, sub quo reliqua illa monasteria, quibus præerat sanctus Equitius, posita erant. Quodnam illorum duodecim S. Benedicti, in quibus singulis duodecim tantum monachi sub vno præfecto degebant, cum isto comparandum? An non celebrius cunctis Valeriæ prouinciæ monasterijs illud Equitij habendum fuit, illustratum tanti viri regimine, qui non ab hominibus, neque per homines ad conuersionem animarum, sed a Deo Apostolatam acceperat, quem & reuereri coactus sit ipsum totius Ecclesiæ caput Romanus Pontifex, illum numine exterrente? Quantani ex his putas viro sanctissimo gloriam comparatam, ac publice promulgatam, & quantum inde ipsius monasteria illustrata? præcipue vero illud, cuius Oratorium post obitum eius tutum asyllum factum sit (vt ostendit sanctus * Gregorius) a sæuorum incurfione Longobardorum. Vt non immerito ex successoribus & virtutum eius heredibus sibi Gregorius Abbatem elegisse intelligatur.

Octauam his subijcis Sectionem, rursus insurgens in ea, quæ a Baronio sunt asserta de S. Equitij in prouincia Valeria monasterio, ex quo Valentius Abbas a sancto Gregorio est petitus: Non recte, inquis, concludit, nullum aliud celebre erat in prouincia Valeria monasterium, quam S. Equitij: ex eo igitur accersitus est Abbas Valentius.] vrget nimirum, potuisse Gregorium ex minus celebri monasterio eius prouinciæ Abbatem sibi deligere. sed, vt video, vel cauillaris, vel vim minime percipis argumenti. Audi igitur vnde sit deductum, & quo tendat Baronij argumentum. ^b Quod enim sanctus Gregorius suum Abbatem dixit fuisse Valentium, eundemq. petitem e prouincia Valeria: cum in ea nulla alia nominata (sic enim voluit celebria dixisse) nisi Equitij monasteria fuisse legantur, ex vno illorum dictum Abbatem fuisse petitum, iure existimandum putauit. At quonam ex alio, quam ex aliquo monasterio S. Equitij Abbatem illum petitem dices, cum nullum in ea prouincia nominatum reperiatur monasterium, quod non esset positum sub S. Equitio? nam Sublacensia illa cœnobia extra Valeriam prouinciam fuisse constituta, nec talia quibus præficerentur Abbates, superius est demonstratum. Mendax ergo Trithemius recens auctor, qui inter Benedictinos Abbates numerat Valentium istum. sed peculiare ipsi, quotquot

^a Greg. dial.
lib. 1. c. 4. in
fine.

^b Id. ibid. lib.
4. c. 22.

quotquot legerit vsquam monachos, etiam ex illis, quos constat ante sanctum Benedictum vixisse, mox inter Benedictinos annumerare.

Gregorio igitur potius inharendum est, immo & cum eo solo sentiendum, qui pluribus notis ipsum a monachis sancti Benedicti fecerunt. Ex loco primum, quod in provincia Valeria Abbatis munere fungeretur, quæ nec nominata saltem toto illo secundo dialogorum libro, quo sanctus Gregorius vitam sancti Benedicti contexuit, inuenitur, in qua tantum Equitij fuisse posita monasteria tradit. item ex loquendi vsu. Nam cum de Benedicti discipulis verba facit, semper eiusdem sancti Patris monachos fuisse docet. Valentium vero hunc, quem suum Abbatem fuisse dicit, cum reliquis sancti Benedicti successoribus Abbatibus non coniungit; neque ab eo, sicut ab alijs Abbatibus, S. Benedicti discipulis, de S. Benedicto se vel verbum obiter vllum accepisse testatur; cum tamen in rerum ab eo gestarum narratione, vna cum tribus illis nominatis Lateranensibus Abbatibus contexta debuisset vel quauis saltem occasione eiusdem viri mentio fieri, vt patris & institutoris ipsius, quod de alijs factum constat. Demum vero (vt vnica sententia rem absoluam) cum plura sint, quæ Valentium sancti Gregorij Abbatem, a monachis S. Benedicti distinguant, nihil penitus inueniatur, quod ipsum illis adiungat; contra vero, cum nihil sit inuenire, quod ipsum ab Equitij monachis constituat alienum; plura vero sint, quæ ipsum ex eius germine propagatum ostendant: iure ex Equitij potius sobole, quam Benedicti eum fuisse monachum, est assertum. sed iam de his satis, ad nonam tuam Sectionem veniamus.

Qui hætenus frustra laborasti, vt positas ex S. Gregorio de suo monachatu diuerso ab ordine S. Benedicti confutares rationes: iam hac ipsa & ceteris, quæ sequuntur, Sectionibus plura argumenta asserre conaris, quibus doceas, ipsum S. Gregorium Benedictinum fuisse monachum. Atque in primis ex cognatione cum sanctis Mauro & Placido S. Benedicti discipulis ita probas: S. Gregorius hos habuit consanguineos: ergo sicut illi, ita & ipse inter S. Benedicti monachos numerandus.] Vtinam posses probare, quod astruïs, fuisse S. Gregorium Mauri & Placidi consanguineum: concederemus, indulgentes tibi, vt quos nexuit vinculum carnis, strinxerit quoque simul spiritus nexus. licet hæc sibi inuicem aduersentur; & sancti viri timentes, ne quoquo modo teneantur affectu carnis, cum a spiritu ducti, mortificaturi opera carnis, sæculari vitæ auntium remittunt, monasteria non deligant, in quibus stringi possint compede carnis, perfectam Abraham renuntiationem imitantes, cui dictum est: * Egrede de terra tua, & de cognatione tua.] Sed vnde ista quæso propinquitas sanguinis a te ostenditur? quod, inquis, sicut Maurus & Placidus, ita & S. Gregorius ex Anicia familia fuerit procreatus, & diploma extet antiquum, in quo Gordianus id disertis verbis affirmet. Trahis inuitum, fateor, & renitentem cogis apertissimam, detegere imposturam de commenticio isto, quod citas, diplomate Gordiani, quod honoris causa optassem potius alto sepulchro silentio

a Gen. 12.

& obliuione deletum: tamen quoniam ad ipsum prouocas, quale sit illud, patefacere, id te exigente, compellor. Extat ipsum editum post Chronicon Leonis Ostiensis, post librum quartum additum a Petro diacono, pagina centesima nonagesima septima, cum Venetijs anno salutis millesimo quingentesimo decimotertio, curante Laurentio Vicentino monacho, ut ipse sua epistola nuncupatiua docet. quod sic se omnino habet:

In nomine Domini nostri IESV Christi Dei æterni, anno Incarnationis eius quingentesimo vigesimonono, Imperij vero Domini nostri conseruandi Iustini perpetui ac triumphatoris Augusti anno quarto, mense Iulij, die decima quarta.

Christum se sequentibus, suaq. iussa seruantibus promissus est centuplum redditurus, & in cælesti regno vitam æternam daturum, quia, quod Deo, & Sanctis eius conceditur, potest hanc vitam in cælesti palatio inuenire. Quod ego Gordianus illustrissimus ac spectabilis Consul almae senioris Romæ aduertens, declaro deuenisse nos Cassini vna cum consanguineo domino nostro Tertullo Patricio, causa videndi, ac querendi propinquos nostros clarissimos Placidum, Maurum, ac Felicissimum. Cumq. eundem locum ingressus, & a venerabili patre Benedicto in fraternitatem, & societatem bonorum operum fuissem susceptus, nomina cum discipulorum suorum nominibus describi fecit. Quo facto nos quoque ad remunerandum tantæ charitatis vinculum, in præsentia dicti gloriosissimi Tertulli, nostræ a Deo conseruandæ ciuitatis Romanæ Patricij, in conspectu quoque parentum nobilium nostrorum, scilicet Symmachi, Vitaliani, Equitij, ac Dorothei, interuentu quoque ac postulatione dilectissimi filij nostri Gregorij, de præsentia in perpetuum, concedo tibi serue Dei Benedictæ, castra omnia, municipia, possessiones, & villas, omnia & in omnibus, quæ mihi ex parte Octauæ stirpis, & Siluiæ nostræ dilectissimæ contestalis pertinet in territorio nostræ Ciuitatis Romanæ, suburbio Aquinensi villam Eucheliam cum pertinentijs suis inter hos fines, &c.] post fines descriptos ista subiiciuntur: Hæc omnia interuentu dilectissimi filij nostri Gregorij, propter singularem dilectionem, quam iam dictis Placido, & Mauro, ac Felicissimo habeo, ac pro redemptione quoque animæ meæ, & Siluiæ vxoris meæ, nec non propter Felicis, atque Transillæ, totiusq. stirpis Octauæ, ad possidendum eidem seruo Dei Benedicto in perpetuum tradidi, confirmaui, donauimus, ac roborauimus ad semper habendum. Atque pallam altaris sancti Baptistæ Ioannis in eadem Cassinensi ecclesia obtuli cum intra se habentibus subter & supra cum vijs suis intrandi, & excundi per omnia, & in omnibus. Si quis autem huius nostræ concessionis indiculum in aliquo violare præsumperit, decem millia talenta auri purissimi Romano soluat Imperio, & hæc nostra concessio firma & stabilis in æuum permaneat. Actum est anno Imperij Iustini quarto, trecentesima vigesima sexta Olympiade.] post hæc istæ subscriptiones adduntur.

Ego Gordianus Romanorum Senator illustr. manus meæ signo roborauimus. Ego Gregorius filius eius Consul illustr. subscripsi.

Ego Tertullus illustr. ac spectabilis almæ Ciuitatis Romæ Patricius.

Ego Symmachus Patricius & Consul.

Ego Vitalianus Patricius & Consul.

Ego Belisarius Patricius & Consul.

Ego Boetius Patricius & bis Consul compleui & reddidi decimaquinta Iulij. J hucusque diploma, quod, quicumque ille fuerit qui confinxit, certe ineruditus, imprudēs, omniq. ex parte leuissimus homo extitit, vt qui nihil magis conari visus sit, quā vt quod commentus est, nullius penitus fidei inueniretur esse diploma. Omittimus dicere de eius Latinitatis imperitia, de phrasi ab eo tempore aliena, atque inusitatis formulis, vsu illo adsciscēdi in sodalitiū post longa tēpora introductis: quotupliciter in notis tēporis cōuincatur, ex quo impostura manifesta reddatur, sic accipe.

Anno Incarnationis quingentesimo vigesimonono, quo scriptum diploma ponitur, non Iustinus imperabat, siue Senior qui triennio antea iam obierat, siue Iunior, qui post plurimos annos successit, sed Iustinianus, qui tertium annum agebat in Imperio. Quod insuper Olympiade, trecentesima vigesima sexta datum asseritur, omisso quod annus Olympiadis cum notato anno salutis non cohæret: inusitatum prorsus erat, vt publicum vllum monumentum his temporibus Olympiade consignaretur. Ac licet magna ista sint, quibus iure falsitatis diploma redarguas, minima ducimus si cum ijs conferantur, quæ dicturi mox sumus.

Mentio in eo habetur Gregorij filij Gordiani, quæ ex matre Siluia, cuius in eodem iterata sit mentio, nō alium quam sanctum Gregorium expressum Papam existimare cogimur, quem & ex subscriptione cum titulo Consulatus ætate iam grandiore possumus intelligere. At eo anno valde puerum, immo necdum natum fuisse Gregorium, ex multis apparet. Tu vero ista adeo deformata vt quoquo modo aptare posses; nominatum illum in diplomate Gregorium, non Papam fuisse dicis, nec Gordianum illum, patrem Gregorij Pontificis, sed proauum, Gregorium vero auum Gregorij Papæ. sed ex quonam antiquitatis fonte ista deducis? Nonne ex matre Siluia agnoscis, Gregorium Papam ab impostore confictum? Quem tu vel ex eo redarguas, quod cum mentiendi habuerit voluntatem, nescierit falsitatem aliqua saltem verisimili ratione velare. Tu vero, vt dissuta mendacia consuas, sicut alium Gordianum, & alium Gregorium, ita & oportet vt aliam quoque Siluiam fingas. sed num vel sic stabit ita male consarcinatum commentum? minimè gentium. nam attende alias in lacero panno scissuras.

Quid nam tu dicis de illa tam enormi in diplomate apposita multa, decem millium talentorum auri purissimi? ignorasse visus est qui finxit, quanti ponderis esset talentum auri: quod si scisset, plus satis ipsi videri potuisset talenti vnus adieciisse pœnam. Sed & quid Romano ea persoluenda Imperio ipse decernit, cum in Occidente iam nullum esset Imperium, soli q. in Italia Gothi regnarent, sub Iustino Theodoricus, & sub Iustiniano tunc imperante Athalaricus. cum Imperatores, non nisi extinctis Regibus Gothis, iuris quidquam sibi Romæ, vel in Italia vendicarent?

dicarint? Quid insuper ponitur subscripsisse Belisarius Patricius & Consul, cum Romam non viderit Belisarius ante annum Domini quingentesimum trigessimumseptimum, quando aduersus Gothos cum exercitu veniens eadem potitus est Vrbe, id Procopio, id reliquis omnibus antiquis Scriptoribus absque controuersia asserentibus? Quale illud insuper, quod ad calcem diplomatis habetur: Ego Boetius Patricius & bis Consul complexi & reddidi? Num tabellionis munere Boetius fungebatur? vel quomodo his Consul potuit subscripsisse, quem ante triennium constat a Theodorico Rege iussu truncari capite? Hæc de diplomate pauca e multis, quæ obijci possent, dicta sunt. Ex illo nunc probari contendere, Gregorium Placido & Mauro sanguine fuisse coniunctum.

Quod autem eundem Gregorium pari ausu asseueras fuisse Anicianæ familiæ; certe nobilissimo ortum genere nemo prudens puto negarit; fuisse autem huius vel alterius familiæ, cum antiquorum nemo reperitur id testatum alicubi reliquisse, id vero diuinare est, & temerarium, valde, quod nescitur, asserere. Qui autem dixit Felicem Papam, quem atauum suum Gregorius appellat, Anicianæ fuisse familiæ, vix acceperit, cum ipse non prodat, nullius potest esse auctoritatis, quod recēs Scriptor pro arbitrio tradit. At tu in hoc omnino audiendus, qui ex antiquioribus monumentis id te proditurum iactas: sed ex quibus, audiamus; sic enim ais de homine tibi amicitia cōiunctissimo: Vir doctissimus Arnoldus Belga ex archieuo Cassinensi assertit aliud donationis instrumentum sancto Bonito Cassinensi Abbati quinto a Gordiano Gregorij patre concessum. At hunc auctorem in his citasse, plane vereor ne sit te, ipsum insigniter leuitatis nomine fugillasse. Apud doctos enim & peritos rerum antiquarum, quibus abundat sæculum nostrum, ex libro, quæ edidit de Aniciano stemmate, quo nititur probare, Philippum Regem Catholicum ex familia sancti Benedicti descendere, quem & Anicianum genere fabulatur, ipso auditu exploditur cum risu, & eijcitur cum nauica tota eius narratio, tamquam opus contextoris mendacioris, & delirantium somniorum auctoris. de quo, vt me calumnia liberares, percontare eos, qui Romæ sunt eius facultatis, viros doctissimos, vestri etiam ordinis studiosissimos. Ex eius igitur fabellarum promptuario inter alia recitas fragmentum, in quo Gregorius Anicius cognominatus inuenitur. Ego hic reddam integrum, vt ab Arnolde ponitur in ipso libro, quem scripsit de Aniciana familia in stemmate secundo, gradu octauo, Aniciano vigesimoquarto, vt magis miretur Lector, cum viderit ex impostura compositam imposturam. ita enim legitur apud Arnoldum.

In nomine Domini Dei Saluatoris N. I. C. imperante domino Iustino Iuniore perpetuo Augusto, anno quarto, post Consulatum eiusdem domini nostri anno secundo, Indictione secunda, mense Iulij, die decimaquarta, sancto & venerabili monasterio in monte Cassino, a beatissimo Benedicto constituto, in quo est Bonitius reuerendissimus Abbas, & per eum cunctis successoribus suis, in isto sanctissimo monasterio man-

suris,

furis, & regulariter substituendis in perpetuum pro laude & gloria & honore Dei, & beatissimi Benedicti; in quibus fiduciam habeo: ego Anicius Gordianus pro Dei omnipotentis amore, & animæ saluatione dilectissimorum nostrorum parentum, Symmachi, Tertulli, Vitaliani, Equitij, Dorothei, interuentu quoque & postulatione dilectissimi filij mei Anicij Gregorij, de præfenti in perpetuum concedo, dono, offero tibi seruo Dei Bonitio fundos, villas, & possessiones, quæ ad me ex parte Aniciæ stirpis, ac Siluæ meæ coniugis pertinent in territorio Aquinensi &c.] ita infra in eodem instrumento: (nam illa tantum, ait ipse, affero, quæ præfenti instituto seruiunt) paulo post subditur: Hæc omnia dilectissimi filij mei Gregorij interuentu, pro redemptione animæ meæ, & Siluæ iugalis meæ, totiusq. Aniciæ stirpis, a præfenti die largior vobis pro sustentatione Fratrum in eodem monasterio permanentium.] hucusque ex eo diplomate Arnoldus.

Qui ad tegendam imposturam, ne quis arguere posset hoc ipsum, quod ponit instrumentum, idem esse, paucis mutatis, cum eo, quod proxime ex libro Chronici Cassinensis recitatum est, mox subiicit ista: Prædictum autem instrumentum Cassinense diuersum ab illo, quod est in fine Chronici Cassinensis excusum, licet multis demonstretur, vtpote quod illud sub Iustino Seniore anno Christi quingentesimo vigesimonono, S. patre Benedicto viuentem; istud vero sub Iustino Iuniore, anno quingentesimo sexagesimonono tempore Abbatis Bonitij facta legantur: at præcipue id elucet ex verbis Gordianorum. In primo namque instrumento excuso dicit Gordianus se deuenisse ad montem Cassinum cum Tertullo, Symmacho, Vitaliano, Equitio, ac Dorotheo parentibus suis, & omnia illa largiri S. Benedicto, a quo fuerat benigne susceptus: in isto autem instrumento manuscripto fatetur alter Gordianus sancti Gregorij pater, se illam donationem Bonitio Abbati facere pro anima prædictorum parentum suorum, qui defuncti erant.] hucusque de his Arnoldus, quem par erat excusare, & non excusare commentum, quod quisque vel mediocris eruditionis vir satis agnoscere potuisset. sed dum excusat, seipsum accusat, & quidem multipliciter. Primum quidem quod recitatum ante diploma Gordiani, tempore sancti Benedicti (vt ait) perscriptum, quot esset ornatum mendacijs non cognouit, & commenticium atque adulterinum esse non intellexit. Deinde quod illud ipsum in quibusdam mutatum, & plane adulteratum, imposturam ex impostura textam non videns in lucem dedit tenebris potius obruendum. Denique vero quod non solum illud falsitatis non redarguit, sed vt partum suum, sic male editum, tamquam sibi proficuum, idoneumque, ex quo possit probare quod velit, retinuit atque defendit.

Verum quod diuersum non sit, sed idem ipsum alteratum, vel potius adulteratum, ex ijs quæ in eo integra relicta sunt, prudens quisque facile poterit intelligere. Primum quidem quod istud perinde atque illud datum dicitur Iustini Imp. anno quarto, mense Iulij, die decimaquarta, licet astute, admodum a posteriori abrasus sit annus salutis, & Iustino additum nomen Iunioris, cum nota Consulatus. Insuper quod istud, sicut illud, dicatur

catur interuentu Gregorij filij factum, sed additum in posteriori Gregorio cognomentum Anicij, cuius causa totum illud commentum noscitur fabricatum. Quod etiam in hoc, sicut in illo, Gordiani vxor Siluia Gregorij mater nominetur, in priori quidem sic: Hæc omnia interuentu dilectissimi filij nostri Gregorij, propter singularem dilectionem, quam iam dictis Placido, & Mauro, ac Felicissimo habeo, ac pro redemptione animæ meæ, & Siluiæ vxoris meæ, &c.] in posteriori autem: Hæc omnia dilectissimi filij mei Gregorij interuentu, pro redemptione animæ meæ, & Siluiæ iugalis meæ, &c.] Quod denique in vtroque (quod maioris momenti videri potest) eiusdem rei donatio facta ponatur, nempe villæ apud Aquinum positæ: in priori sic: Quæ mihi ex parte Octauie stirpis, & Siluiæ nostræ dilectissimæ conestalis pertinent in territorio nostræ Ciuitatis Romanæ suburbio Aquinensi, villam Eucheliam cum pertinentijs suis &c.] in posteriori autem his verbis: Villas & possessiones, quæ ad me ex parte Aniciæ stirpis, & Siluiæ coniugis meæ pertinent in territorio Aquinensi &c.] Vbi igitur idem annus Imperatoris, idem mensis & dies, idem donantis nomen, & coniugis Siluiæ, & cuius interuentu fit donatio, Gregorij pariter nomen idem est expressum, eadem denique res donata ponitur & nominatur: quis erit, qui vnum idemq. diploma fuisse dubitet, paucis additionibus & diminutionibus ab impostore interpolatum? Finge tu (quisquis auctor es imposturæ) ad libitum alium illum Gordianum esse: numquid ex nomine Siluiæ coniugis alium quam patrem Gregorij Papæ, qui ex Gordiano patre & Siluia coniuge natus est, potes asserere? Oportuisset te excogitare aliam quoque, Siluiam, & alium Gordianum. Sed nec sic quidem vtrumque commentum tot alijs certis signis imposturæ conuictum subsisteret. De priori iâ satis dictum, ex quo cum ipsum corruat, infertur ruina posteriori. quod ex additamentis illis appositis tantum abest vt fulciatur, vt potius violentiori impetu prostratur. nam accipe.

Datum dicitur anno Redēptoris quingentesimo sexagesimonono. Vbi autem datum, & cui datum sit, his verbis exponitur: Sancto & venerabili monasterio in monte Cassino a beatissimo Benedicto cōstituto, in quo est Bonitius reuerendissimus Abbas, & per eum cunctis successoribus suis in isto sanctissimo monasterio mansuris &c.] Sed quomodo eo anno, & Cassinensi monasterio, & in Cassinensi loco diploma datum fingi potuit, si eo tempore monasteriū non extabat, excisum iam penitus & dirutū incensumq. per Longobardos? Et si ita res est, vt certe est, quomodo in eodem diplomate subijci hæc verba potuerunt: A præsentī die largior vobis pro sustentatione Fratrum in eodem monasterio permanentium?] si, inquam, monasterium iam erat excisum, & monachi omnes Romam migrauerāt: quid monasterio pro permanentibus ibi tunc monachis donari potuit? Quod autē iam ante incensum & dirutum a Longobardis fuerit nullatenus negari potest; cum tāta clades satis superq. sui immensitate famosa, certa temporis nota remanserit posteris consignata, omnibusq. notissima. de qua ceteris antiquior rerum Cassinensium Scriptor, eiusdem monasterij

nasterij alumnus atque Bibliothecarius; Leo Ostiensis ^a Episcopus hæc ^a Leo Oslum.
 habet: Cum iam ab Incarnatione Domini quingentorū sexaginta & octo ^{Chr. Caff. lib.}
 annorum circulus volueretur, præfatum cœnobium Cassinense vide- ^{1. c. 2.}
 licet, nocturno tempore, quiescentibus Fratribus, ingressi sunt Longo-
 bardi &c.] Nec est quod dicas in numerum annorum salutis in diploma-
 te positum errorem irrepsisse: nam idem annus Redemptoris quin-
 gentesimus sexagesimus nonus anno quarto Iustini Imperatoris, qui in
 eodem asseritur, pariter consignatur. Sed & cum secunda Indictione,
 ipsum habitum reperitur, eadem idem ipse annus quingentesimus sexa-
 gesimus nonus insinuat. Quod igitur triplici remanet consignatum
 Chronographia, absque mendo conuincitur permanere. His adde, quod
 si Bonitio Abbati istiusmodi donatio facta est; vtique post desolatam cœ-
 nobiū oportuit contigisse. Nam si prædecessores Bonitij Valentinianus,
 & Simplicius Lateranensi cœnobio præfuisse dicuntur, ^b vtique post de- ^b Greg. dial.
 structum a Longobardis Cassinense cœnobium id factum oportuit: Hæc ^{lib. 2. in præf.}
 de commenticijs diplomatibus, quibus Gregoriū asserere studuisti con-
 iunctum sanguine fuisse cum Placido & Mauro, & Aniciana familia ge-
 nitum. Quorum quoque diplomatum falsitas vel ex eo in suspicionem
 saltem adducenda erat, quod Leo Ostiensis, qui monimenta quæque
 Cassinensis cœnobij & aliorum scrutatus, nihil (vt profitetur) omisit
 de his quæ spectant ad donationes eidem monasterio a diuersis exhibi-
 tas, nihil reliquit non peruestigatum; de his tamen diplomatibus ne-
 verbum quidem habeat. Sed & quod de consanguinitate sancti Grego-
 rij cum Placido & Mauro in alterorum diplomate habetur (vt hoc
 addam) vel ex eo minime recipiendum erat, quod cum sanctus Grego-
 rius cōfuerit suis scriptis sanguine sibi coniunctos nominatim exprime-
 re, vt cum agit de Felice Papa; mox atauum suum fuisse dicit; cum de
 Tarilla, amitam suam nominat; cum de Aemiliana & Gordiana, so-
 rores pariter appellat patris sui: fecisset proculdubio hoc ipsum in Pla-
 cido & Mauro, cū de ipsis agit; si eos, vt dicis, suos fuisse consanguineos
 cognouisset. Nihil est ergo, vt vel ex consanguinitate, vel ex familia Ani-
 ciorum S. Gregorium fuisse Benedictinum monachum possis asserere.

Sed mirum, quod dum asseris cum Arnolde sanctum Gregorium ex
 Aniciana familia genitum, non ex hoc ipso deducas argumentum pari-
 ter, quod monachus fuerit sancti Benedicti, eo quod ab eodem constan-
 ter asseritur, etiam ipsum Benedictum fuisse ex Aniciana familia. ita,
 enim habet in gradu quinto, Aniciano vigesimoprimum secundi stem-
 matis: Sanctus Anicius Benedictus Probus Euproprij Probi Comitissæ
 Nursiæ filius, ex Abundantia Reguardata matre, vno partu editus cum
 Scholastica sorore, anno Domini quadringentesimo octogesimo in ciui-
 tate Ymbria Nursia &c.] Hæc tuus doctissimus Arnoldus, qui, vt præ-
 fatur in nuncupatoria epistola ad Philippum I I. Regem Hispaniarū, co-
 nari se dicit ostendere, Austriacorū familiam nobilissimā eodem cum S.
 Benedicto sanguine progeneratā, quod pro certo & explorato frequenter af-
 firmat. Visa sunt mihi ista, sicut omnibus ea legētibz doctis viris, fateor,

deliria phrénecide laborantiū, indigna profecto quæ a venerandi ordinis monacho proderentur in lucem, quæ risum quoque mouere possent Heraclito obstinate lugenti. aliunde planè, quam ex Aniciano stemmate comparata est nobilitas Benedicti. Scit ipsa, stabitq. in æternum tamquam bene fundata supra firmam petram solida semper constans S. Benedicti vera nobilitas, non ex carne, sed ex spiritu edita, virtutibus quæta, ex rebus præclare gestis perepernitè illustrata, Crucis Christi insignibus summopere decorata, toto orbe terrarum præconijs celebrata.

Quod autem ad stemma progenitorum spectat, satis ipsi ad nobilitatem, quod sit ex ingenuis parentibus ortus: neque enim aliquid amplius tribuit illi S. Gregorius * cum ipsum ait liberiori genere ex provincia Nursi exortum.] liberius genus dixit, quod valde ingenuum, & procul a seruii descenderit. Non improprij in genere S. Gregorius describendo, vsus aliquando vocibus reperitur. nam cum de S. Galla * agit: Galla, inquit, huius Urbis nobilissima puella Symmachii Consulis ac Patricij filia; cum de Liberio * Patricio: Liberius, ait, vir nobilissimus: eodemq. modo in reliquis. Ceterum ex historia quam narrat de filio Defensoris S. Benedicti discipulo, plane significat ipse Gregorius cuius nobilitatis S. Benedictus esse potuerit, cum eius comparatione filius Defensoris (est is gradus infimus magistratuum) illo nobilior haberetur. rem ille gestam in dialogis sic exponit: ^d Quadam quoque die, dum venerabilis Pater, vespertina iam hora, corporis alimenta perciperet: eius monachus cuiusdam Defensoris filius fuerat, qui ei ante mensam lucernam tenebat. Cumq. vir Dei ederet, ipse autem cum lucerna ministerio astaret, cœpit per superbiam spiritum in mente sua tacitus voluere, & per cogitationem dicere: Quis est hic, cui ego manducanti assisto, lucernam teneo, seruitutinem impendo? quis sum ego, vt isti seruiam? Ad quem vir Dei statim conuersus, vehementer cœpit eum increpare, dicens: Signa cor tuum frater, quid est quod loqueris? signa cor tuum &c.] At vnde hæc illi eius tumoris occasio? non quia se Benedicto sanctiorem, vel ministerio maiorem existimaret: erat enim ille magister, iste discipulus, ille pater, hic filius, Abbas ille, monachus subditus iste; non ex his quidem, sed (vt bene explicat S. Gregorius) quod scilicet Defensoris fuisset ipse filius, quoniam ipse videretur sancto Benedicto longe nobilior. Erat autem Defensor tenuis magistratus, cui vnus tantum ciuitatis negotia gubernanda committebantur (vt ex Cassiodoro * redditur manifestum) a concubus postulatus.

Ex his igitur intelligere poteris quantæ nobilitatis fuerit Benedictus, cuius comparatione filius Defensoris longe nobilior videretur.

f 1. Cor. 5. Vnde ad illud Pauli Apostoli sit hoc etiam loco recurrendum: ^f Non multi sapientes secundum carnem, non multi potentes, non multi nobiles, sed quæ stulta sunt mundi elegit Deus, vt confundat sapientes; & infirma elegit Deus, vt confundat fortia, & ignobilia & contemptibilia elegit Deus, & ea quæ non sunt, vt ea quæ sunt destrueret, vt non

g 1. Cor. 10. gloriatur omnis caro in conspectu eius.] An æmulamus Dominum, & fortio-

fortiores illo futurus, ut illos velimus nonnisi in purpura genitos esse Sanctos, quos ipse crexit de stercore, ut collocaret cum Principibus populi sui? Cum alioqui si inest nobilitas, non spernenda, sed magis prædicanda: quod viri sancti fecisse dicuntur. Porro ista somnians vester Arnoldus, quantum sapiat, euidenter apparet. cuius quidem commentarii si tot tantum errores, quos paginas, enumerauero, multum quidem certe illi, & plus satis indulsero. sed de ipso, & cum ipso alias: tecum modo agenda res est animo pacatissimo.

Decima Sectione, ut reuoces ab Equitio, & redigas sub Benedicto Gregorium, ea insurgis ratione, quod multa donata a proauo, patre, matre ipsius Gregorii, atque ab ipso Gregorio inueniantur S. Benedicti cenobio, nulla vero S. Equitij monasterijs. Ista vero de donatis monasterio S. Benedicti, ut probes, superius citata diplomata affers, quæ cû nulla ex parte coherentia, sed omnino adulterina sint demonstrata, & superius confutata; ut ab his defistas, ad ea te accuratius intueodare incipimus. At quid dicam? A nobis inuitis rursus extorques, cogisq. panderè, quæ perpetuo essent relinquenda, inuoluta silentio. Si quid enim eiusdem quoque generis reliqua esse diplomata, ibidem post finem quatuor librorum Chronici Cassinensis posita, & affectatâ antiquitatem præ se ferentia, libere asserere non dubitamus. Id ut magna fiducia affirmemus, suadet in primis rerû antiquarû cenobij Cassinensis Collector vester Leo Ostiensis Episcopus eiusdem monasterij antiquus monachus, ac munere Bibliothecarius, qui industria incomparabili, atque scrupulosa (ut ipse ait) sollicitudine fuit in perquirendis vndique donationibus ad idè monasterium spectantibus, ut sua nuncupatoria epistola ad Odericum Cassinensem Abbatem ipsemet ingenue proficetur. Vnde non immerito in falsi suspicionem adducantur, quæcumque ab ipso non cognitæ nec receptæ post eum in lucem prodierunt, in illum angulum reiectæ diuersarum donationum tabulæ, proscribendæ omnino, cum nullo veritatis glutino coherentes deprehendantur. Ceterum sicut ab exordio nascentis monasterij multa ibi donata a nobilibus Romanis nû solum infascia non imus, sed parati sumus redarguere, qui hoc negent: ita falsa ista atque cõficta diplomata post quatuor illos libros edita à Laurentio Vicentinio, eiusdem ordinis monacho, quantumlibet ex antiquioribus codicibus ea esse descripta velit, ut comprobemus, nullatenus adduci possumus. Et ut cursim singula peruoluamus, incipiendo a primitiis facta, seu potius ficta donatione Tertulli, Placidij patris, vide quale principium eius: Tertullus Dei gratia inuictissimæ Reginæ calij, terræq. Ciuitatis Romanæ Patricius, Dictatoribus, Magistratibus, Senatoribus, Consulibus, Proconsulibus &c. Quis audiat, & non rideat nonam, numquam auditam Verbis nomenclaturam, ut Regiõ calij dicatur? De homine Dictatoris quid dicæ, ante tot sæcula exoletos? sed omnis ceteris, iunge principio finem ipsum: Si quis putet hoc decretum nostrum violare præsumptor, quæque decem illa talenta auri purissimi foliat Imperio. Ite cibi. Quæ quidem ad minuendam omnemque vigiliam

eius, consultius dici minime potuerunt, ut apparet ex ijs quæ superius dicta sunt, ubi de apposita tot talentorum auri inulsa adeo enormi actum est. Vnde magis Bellottus erubescat, qui huiusmodi obiectiones illatas nulla penitus ratione confutet; sed illud peculiare sibi respondere satis habeat, quod ea bona a monasterio possideantur, quasi de bonis sit questio, & non de suppositis documentis. de sequenti diplomate nomine Gordiani dictum est pluribus suo loco.

Quæ vero tertia ordine posita (omissis interiacentibus quibusdam epistolis eodæ morbo laborantibus) Iustiniani Imperatoris donatio, seu potius confirmatio donationis a Tertullo factæ, cum obtulit Placidum filium S. Benedicto, eiusdæ notæ ac generis esse comperitur, in qua inter alia: Confirmamus, inquit, & corroboramus in perpetuum cuncta, quæ idem Patricius cum iam dicto Placido filio suo Benedicto seruo Domini obtulit, castrum Cassinum, castrum Fortunæ, Interamneam, Caricam, Aquiloniam, Sueffam, Fundos, Caictam, Minturnas, Formiam, Aternum, Arpinum, Galaciam, Soram, Albam, Apamiam, Arestinam, Transaquas, Oresinum, Carseolim, Theatrem, Sulmonem, Ausidenam, Herniam, Venafrum, Bovianum, Calanum, Aquasuiuas, Fabrateriam, Aquinum, cum ecclesiis, xenodochijs, villis & castris &c.] Quæ omnia cum ex pluribus alijs, tum ex falsa apposita subscriptione falsorum testium, vel iam antea defunctorum, vel falsis titulis inscriptorum, falsa, penitus rerum assertionem omnino commenticia a Baronio in Annalibus ostensa sunt, ut de his non sit mihi amplius laborandum. Sane quidem cum confirmare dicitur Iustinianus Imperator quæ fuerant a Tertullo donata, & numeret multa oppida, & ciuitates (ut audisti) quæ in donatione Tertulli non continentur, imposturam ad imposturam ab aliquo appositam quis non videat? & cum subiicitur donatio a Iustino Seniore Imperatore eidem monasterio concessa, par cum ceteris commentum omni ex parte detegitur. Nam Iustini illius Imperium, Theodorico in Italia regnante, contigit, quando (ut Baronius docet, & annis singulis in Annalibus suis ostendit) nec glebam quidem Imperator Orientis in Italia possidebat; nec cuiquam ciuium Romanorum ciuitates erant propriæ, quas donaret. Sed adhuc instas ipse respondens: Istæ ita de gleba dicentem Baronium non admirari profecto non possum. Nonne Gothorum Regum tempore Orientis Imperatoribus Campania, Calabria, Sicilia, opulentiæ provinciæ parebant, in quibus Cassinensis cœnobij oblationes munerariæ continebantur? minime gentium, nullo, inquam, modo: nam erant omnes istæ provinciæ sub Theodorico Rege Gothorum, cuius tempore facta ea donatio perhibetur. Quod & tu, si Procopium legas, inuenies, aut breuem epistolam Iustiniani ad Francos datam, in qua hæc habet: Nostræ ditionis Italiam per vim Gothi ceperunt: non solum resistere hanc nobis haud quidem decernunt, sed iniuria insuper nos aspicere non toleranda quidem &c.]

Ad ea vero, quæ obiecta sunt a Baronio de Tertullo, quod sub Theodorico Rege nulla Romanorum erant oppida, & ciuitates, quæ donari possent

a Annal. 10.
7. ann. 541.

b Procop. de
bello Goth.
lib. 1.

possent ab illis monasterio Cassinensi, quid tu respondes? Quod si sub Gothis, inquis, Romanorum Patriciorum nullus aliquid habebat: quorum Theodorici lex illa, ut lites in singulis provinciis a Comitibus cognoscerentur? Hæc tu respondens ad obiedionem factam de possessione ciuitatum, & oppidorum, videris existimasse Comites, quos dicis causas cognoscere consuetos in provinciis, fuisse dominos oppidorum, & ciuitatum, ut nunc est in more: sed errasse te senties, si diuersarum ciuitatum formulas Comituarum apud Cassiodorum legis, ut & te peniteat, Baronium ista dicentem arguisse.

Quod autem dictum est de impostura primi Iustiniani diplomatis, dicendum est pariter de sequenti, dato (ut in eo legitur) Vigilio Papa rogante. Nam cum adhuc superstitem fuisse S. Benedictum ostendat illis verbis: Concessimus monasterio S. Ioannis Baptiste sito Cassini, vbi communis pater Benedictus seruus Domini præest, terras inter Romanum Imperium &c.] apertissima patet impostura, cum tui ipsius, & tuorum testificatione satis exploratum sit, S. Benedictum vitam ultra annum Redemptoris quingentesimum quadagesimum secundum vel tertium non produxisse; diploma autem datum ponatur anno vigesimotertio Iustiniani Imperatoris, quo annus salutis vndequingagesimus post quingentesimum, post obitum S. Benedicti iam sextus vel septimus numerabatur. De Gregorij autem Papæ priuilegio asserto, Bonitio concesso in fine, dicturi sumus, sicut a te in fine ponitur. De Zachariæ Pontificis priuilegio, cuius æstimationis sit, satis superius dictum est in Apologetico. Hæc (ut diximus) cursim pertranscutes volumus obiter annotasse, verrentes scopi quisquillas, quæ se ante pedes offerrent, quantum scilicet ad institutum satis esse cognouimus.

Quod insuper ad confirmandas easdem falsas donationes citas Actæ Placidi, Gordiani nomine scripta: cuius illa fidei sint, Baronius paucis significauit; tu ad illa responde, & deinde tecum negotium erit. Quod vero Leonis post hæc Ostiensis, & Petri diaconi antiquorum Cassinensium Scriptorum testimonium pro te cires, qui aduersum te adeo manifeste testentur, omnes iudicent. Dum enim falsam illam tueri laboras donationem Tertulli, quæ Cassinensi cœnobio donatæ dicuntur ciuitates superius numeratæ: satis Leo te redarguit Ostiensis, qui disertis verbis tradit, a Tertullo donatas Cassinensi monasterio decem tantum & octo Curtes. sunt hæc eius verba: Beatum etiam Placidum, discipulum suum vir Domini Benedictus tunc ad Siciliam misit, vbi Tertullus Patricius eiusdem Placidi pater decem & octo patrimonij sui Curtes eidem sancto Benedicto concessit. hæc Leo. per Curtes autem non nisi quædam terræ iugera significari, ex eodem Leone poteris intelligere. Petrus vero diaconus nihil a Tertullo donatum sancto Benedicto asserit, nisi Cassinum cum finibus suis, quæ fuerat villa Varronis. Sed iniusta de Baronio vestra querela. Nam cum ista omnia erroris redarguit, nequaquam insultans vel exprobrans id fecit, sed dolens. quod ad finem ipse proficetur, cum ait: Sed missa isthæc, quæ doleamus ab aliquo otioso

Baron. tom.
7. ad. D. 541.

Leo Ostiens.
l. c. 1.

Petr. diacon. lib.
4. c. 35.

otioſo conſtituta, utpote non (quod fruſtra putarit) illuſtrante res patris ſanctiſſimi Benediſti, ſed obſcurante potius huiuſmodi mendacijs, denſarum inſtar nubium globis fulgentis vndique radijs ſolis oppoſitis. Miramur vero magis eadem ab eiufdem ſacri ordinis monachis viris doctis non fuiſſe reiecta, & obliuione omnino ſepulta. Non indiget qui eos primus tantus genuit pater, neque ab eo deſcendens ſancta & generoſa poſteritas, per cuncta ſæcula in Eccleſia Dei feliciter propagata, & ſanctis ramis mirifice dilatata, hiſce eminentis gloriæ titulis, ſiue ex ſanguinis nobilitate, ſiue ex diuitiarum amplitudine comparatis: qui etſi nec his omnino caruere, ex virtutibus tamen terræ & cælo ſunt redditu celeberrimi. Jhuſcuſque ipſe. Vides ne, quòt ſaſciarum ornamentis, quæ ſuperent inſulas Regum, alligariſt veſtra indecora vulnera ipſe Baronius, veſtrum omnium amantiſſimus, ſed falſitatum dumtaxat, ac mendaciorum implacabilis hoſtis? cum tamen ex vobis aliqui veluti furore perciti dum ligamenta frangunt, & vulnera conſcrutant, crudeles in ſe ipſos, ea exaſperantes, ut magis magiſque recrudelcant, imprudentes efficiant. ſed reliqua quæ ſubiſcis proſequamur.

Vndecima item Seſſione exaggerans, quæ a ſancto Gregorio ſint donata monachis S. Benediſti, vnde coniecturam facias, ipſum fuiſſe. Benediſtinum monachum: addenſque ſex monaſteria a ſancto Gregorio in Sicilia fuiſſe fundata, quæ S. Benediſti Regulæ ſubiecerit, citas in eam rem Ioannem^a diaconum: qui cum aſſerat monaſteria illa fuiſſe a S. Gregorio erecta; quod autem ſubiecerit ipſa Regulæ S. Benediſti, ne verbum quidem habet, ut nec reliqui res geſtas eiufdem S. Gregorij proſequuti. Quod ſi quæ nunc ſunt in Sicilia monaſteria, aliqua inueniantur S. Benediſti Regulis viuere, oſtendere non potes, illa vel a S. Gregorio fuiſſe erecta, vel ab exordio S. Benediſti Regulis informata: plura ſiquidem monaſteria (ut diſtum eſt) cum S. Baſilij, vel aliorum Regulis antea, regerentur, promulgatis S. Benediſti Regulis, illas tandem obſeruandas ſuſcepere, ut de monachis Lerinenſibus maniſteſtum eſt exemplum. Sic ut igitur, ex omnibus, quæ a te ſunt adducta de donationibus a proauo, auo, patre, matre S. Gregorij, & ab ipſo etiam Gregorio Benediſto ipſi, vel eius ſucceſſoribus factis (ut audiſti) nihil eſt penitus, quod ſubſtitat: ita prorſus nihil habes, quod dicere poſſis; nihil ab eo monaſterijs in prouincia Valeria ſub Equitio conſtitutis datum fuiſſe, cum inuaſionibus Longobardorum expilata monaſteria, & Scriptorum monimenta periiſſe nemo neſciat. ſed ex eo, quod ad nobile monaſterium Romæ ad Cluium Scauri a ſe erectum gubernandum eius prouinciæ monaſterij Abbatem adſciuerit: de monachis eiufdem Collectionis ipſum optime fuiſſe meritum, quis poterit dubitare?

Addis vero duodecima Seſſione aliam quoque coniecturam, qua ſuadere laboras, S. Gregorium Benediſtinum fuiſſe monachum, quod eius Regulam iam factus Pontifex in Synodo comprobariſt; cum e contra quod S. Equitij Regulam probariſt, nulla ſit mentio. At non intelligis, iure indignuiſſe nouam Regulam nuper editam Apoſtolicæ Sedis con-

confirmatione, Equirij autem Regulam longe antiquiorem, siue Basilij, siue Pachomij, diu ante receptam atque probatam noua non opus habuisse Gregorij approbatione. Ceterum cum confirmatam a S. Gregorio Papa Regulam S. Benedicti, quam in dialogis laudat, æque Baronius in Annalibus asserat: ex ijs tamen monumentis, quæ tu modo ex monasterio Sublacensi in lucem prodis, tantum abest, ut id probetur, ut alia potius, quæ sunt recepta, in dubitationem hinc maxime reuocentur. Recitatur autem a te integrum ipsum confirmationis diploma in Romana Synodo datum: quod (mihi crede) si ad Lydium admoucas lapidem, inuenies ex multis indicijs adulterinum. Nam quod datum fertur in Romana Synodo, Indictione duodecima quarto Kal. Iulij per manus Ioannis Episcopi Albanensis Bibliothecarij Apostolicæ Sedis; præterquam quod Indictio duodecima pro decimatertia est posita, & quarto positum pro quinto Kal. Iulij, ^a ut apud S. Gregorium legitur; ^a Greg. lib. 4. ep. 74. Ind. 13 quæ menda vitio librariorum in re tã antiqua facile poterant irrepsisse excusari error ille quomodo potest, quod in eo ponitur subscriptus Ioannes Episcopus Albanensis; in Actis autem Synodi, qui Albanensis Episcopus subscriptus reperitur, non Ioannes, sed Homobonus appellatur? Ceterum nec temporibus Gregorij Papæ, sed longe post ille ingressus est vsus, ut per Episcopos Bibliothecarios publica ederentur monumenta. Gregorij enim ætate per Notarios dabantur, ut exemplo sunt tum alia S. Gregorij diplomata, tum illud, quod libro nono epistola vigesima secunda expressum habetur, ubi nulla de Bibliothecario, sed de Aemiliano tantum Notario fit mentio. ista satis ad duodecimam Sectionem.

Adijcis vero decimatertia Sectione, ex eo, quod propensior erga monachos S. Benedicti ordinis videatur fuisse Gregorius, argui etiam posse, ipsum Benedictinum monachum fuisse; propensionisq. exemplum adducis, quod Constitutionem in Concilio Lateranensi pro monachis ediderit, hac inscriptione notatam: Decretum Concilij Lateranensis de quiete, libertate, atque exemptione Nigrorum monachorum. Quasi hac nota coloris Benedictinos monachos voluerit expressisse: cum tamen in libris excusis, sicut & in scriptis antiquitus codicibus Vaticanis nusquã sit eiusmodi inscriptionem reperire de monachis Nigris, quam tu ex nescio, quo incertæ auctoritatis volumine tibi vendicas. Sed quid proficis? Dum enim nigrum colorem solis Benedictinis adscribis, plane a Benedictinis Gregorium segregas, eiusq. pariter monachos ab eis disungis. Etenim in antiquissimis picturis, quæ hodieq. in Vrbe visuntur, in Oratorio S. Andreæ ab ipsomet S. Gregorio constructo, ubi & vita ipsius descripta est ab eo tẽpore, quo ex monasterio ad Cardinalatũ vocatus est, vsque ad obitum, in quibus frequenter monachos eius socios, eiusdem monasterij professores depictos videre est omnes castaneo neminem illorum intueri licet nigro colore vestitum: ut vel ex hoc vno saltem iam satis appareat, tum S. Gregorium, tum eius successores monachos distinctos fuisse a nigro colore vtentibus monachis Benedictinis. cum
alioqui

alioqui nec soli Benedictini nigri vti vestibus reperiantur, sed antiquiores etiam monachi eiusdem coloris vestibus more philosophantium regi consuerint. Certe quidem monachos sui temporis etiam nigra subucula vti consueuissse, ostendit illud S. Hieronymi * in Iovinianum: Tunc pexa tunica, & nigra subucula vestiebaris.]

Sed videamus an grauiora sint argumenta, quæ subijcis Sectione decimaquarta, qua S. Gregorium ad Benedictinos monachos reuocas duabus de causis. priori quidem quod ipse vitam S. Benedicti integro libro scripserit, quod in alijs Sanctis non præstitit, addens peculiare esse, vt discipuli suorum magistrorum vitam conscribant. Hæc cum dicis, pro uoco ad ea, quæ de suo instituto Gregorius ipse in exordio operis est præfatus: nimirum ea se scripturum, quæ (vt ait) a venerabilibus viris referentibus scribenda didicisset; adeo vt vbi plures fuerint relatores, & a quibus plura essent allata, de ijs copiosius scripserit, non quod ex proposito alicuius vitam institueret enarrare. Sed & si ex instituto vitam S. Benedicti scripssset, non magis idcirco dicendum, eius disciplinæ monachum fuisse, quam S. Athanasium Antonij, vel S. Hieronymum Hilarionis monachos fuisse dixerimus, eo quod eorum ipsi quoque vitam conscripserint. Posteriori vero probare niteris argumentum, quod S. Gregorius monachus fuerit Benedictinus, eo quod S. Benedictum summæ laudis titulis efferat, extollatq. præconijs, nempe cum vitæ venerabilis Benedictum vocat, eumq. re ait esse, quod nomine præferret, vere Benedictum; quod religiosum ac pium, quodq. Patrem appellet, atque sanctissimis viris comparet. Ceterum miror hac ex parte non animaduersum abs te, insignioribus titulis exornatum ab eo Equitium fuisse. Nam præter illos communes eius cum Benedicto titulos, de Equitio hoc amplius habet ipso suæ narrationis exordio, quod eum sanctissimum nominet, & præditum magnitudine sanctitatis: quæ de S. Benedicto dicta minime inuenies, vt neque, quod eundem Equitium singulari laude reuerentissimum appellat.

At hæc non ita a me, vel a S. Gregorio dicta accipi velim, quasi prætulerit S. Equitium Benedicto, sed tantum, vt ostendam tibi ipsi, quam frustra his argumentis nitare. Nec denique quod eundem S. Benedictum patrem nominat, se mox filium illius professorem Regulæ profitetur. Siquidem etsi ex relatione patris ad filium, tuum posset speciem aliquam habere argumentum; tamen cum liqueat consueisse Gregorium patres nominare quoslibet insignes virtute monachos, vt ^b Honoratum, ^c Libertinum, ^d Nonnosum, ^e Theodatum, ^f Eleutherium, ^g Anonymum Abbatem montis Prænestini, ^h Spem, ⁱ Suranum, atque ipsum, de quo est sermo, S. ^k Equitium: argumentum euanesceat. Videamus autem an maioris sint momenti, quæ subijcis.

Habes decimaquinta Sectione, quæ sequitur, ex eo probari S. Gregorium fuisse ordinis S. Benedicti monachum, quod qui ab eo missi sunt in Angliam monachi Augustinus & socij, ad Euangelium prædicandum, ordinis S. Benedicti fuisse dicantur. Fuit hoc argumentum Ioannis diaconi,

^b Greg. dial.

lib. 1. c. 1.

^c Ibid. c. 2.

^d Ibid. c. 7.

^e Lib. 2. c. 2.

^f Lib. 3. c. 14.

21. 33.

^g Lib. 3. c. 23.

^h Lib. 4. c. 10.

ⁱ Ibid. c. 23.

^k Lib. 5. c. 4.

coni; ^a qui primus post annos ferme trecentos auctor inuentus est & as- ^{a Ioan. diacon. S. Greg. lib. 4. c. 82.}
sertor monachatus S. Gregorij sub Regula S. Benedicti: si qui autem alij
eius sententiae inueniuntur (sunt enim quidam recentiores, quos tu no-
minas) iidem omnes Ioannem diaconum auctorem sequuti videntur. vt
tota vis argumenti in illo consistat, si probet, quod astruit.

Porro idem Ioannes, vt probet quod asserit, hac vtitur ratione: Quod
in illis, inquit, partibus vix aliquem monachū sit inuenire, a quo non ob-
seruetur tam in proposito, quā in habitu Regula Benedicti. Hæc ipse. Sed
quam debilis sit ista ratio, ex ijs, quæ superius sunt dicta, innotescit, cum
scilicet est demonstratum, complura monasteria alterius ordinis mona-
chorum seruandam postea suscepisse Regulam S. Benedicti: & adducti
sunt in exemplum monachi Lirinenses, qui sub sancti Honorati Regulis
prius constituti, in Benedictinos postea transiere. Vt autem idem dica-
mus de monachis Anglicanis, maiora nos admonent argumenta: illudq;
in primis, quod toto etiam sequente sæculo, quod luculenta historia
prosequutus est Beda, cum ab eo frequentissima mentio habeatur mo-
nachismi in Anglia iugiter propagati, nusquam tamen de S. Benedicto,
vel de Benedictinis monachis vllus sermo; immo cum alium S. Benedi-
ctum Abbatem ab Anglis coli demonstrat; nostrum Italum prætermi-
sit. Extat ipsius Bedæ sermo de S. Benedicto Abbate Anglicano in eius
natali pridie Idus Ianuarij dictus; in quo inter alia de vitæ monastica
institutio ab eo tradito, cum agit de monasterio ab ipso crecto, hæc ha-
bet: Iuxta regularem disciplinam interius exteriusq; constituit; non
pro capiti suo decreta nobis statuens, sed antiquorum statuta certissima
monasteriorum, quæ peregre didicerat, sibi suisq; obseruanda propo-
nens.] & inferius: Nos namque sumus filij eius, qui nos in hanc mona-
chiam demum pius prouisor induxit.] hæc & alia plura Beda. Qui quam
male meritis esset de seniore nostro Italo S. Benedicto, si ab eo fuisset
primum propagatus in Anglia monachismus, cum nec eius saltem no-
minis tota illa historia meminisset?

Insuper quid opus fuerat recentiori huic S. Benedicto Anglo diuersa
monasteria in Italia & alijs prouincijs peragrarè, vt monastica disce-
ret instituta; quæ alios doceret; si iam ante centum annos allata fuerat
per S. Gregorij monachos Regula S. Benedicti omnium vberissima & ab-
solutissima? Venisse Romam eundem S. Benedictum ex Anglia, tum di-
cto sermone testatur ipse Beda, tum etiam in ^b historia de rebus gestis
Anglorum ostendit. Nec est, quod dicas, bellorum tumultibus colla-
psum fuisse in Anglia institutum ibi primitus monachismum; vnde opus
fuerit Benedicto illi Anglicano petere aliunde monasticas Regulas. nam
qui hoc dicit, sibi aduersantem Bedam habere non dubitet. Sic igitur
post hæc tempora accidisse censendum est, quod Ioannes diaconus dicit,
ita propagatos ordinis S. Benedicti monachos in Anglia, vt vix ibi alte-
rius ordinis monachus esset, a quo non S. Benedicti Regula tam habitu,
quam proposito seruaretur.

Ex his ergo cum firmum maneat, non alios, quam Gregorij mona-
chos

^b Bed. hist.
Angl. lib. 4.
c. 18. & lib.
5. c. 20.

chos in Angliam esse missos; ita nec alterius, quam sancti Gregorij monasterij monachos in Anglia ad illud vsque tempus propagatos; Benedictinos vero postea subinductos. Quod si contendis monachos S. Gregorij fuisse Benedictinos: iam prouoco ad disputatam pluribus de hoc capite quaestionem. Quod vero tardius, quam putes, in Anglia monachi obseruandam acceperint Regulam sancti Benedicti, id hac etiam ratione comprobatur euidentius: quod si Regula S. Benedicti iam a tempore S. Gregorij in Anglia innotuisset, ex cuius praescripto, quae erant in Anglia monasteria, vitam monasticam excolerent: quid opus fuit S. Bonifacio Germanorum Apostolo, vt propagaret monachismum in Germania, illumq. optimis Regulis instrueret, mittere in Italiam ad Cassinense caenobium Sturmi suum discipulum, vt ibi disceret, quod alios docere posset? Quid, inquam, opus fuit hanc quaerere ab externis, si ijs domestici abundabant?

Insto amplius: Si a tempore S. Gregorij innotuisset S. Benedicti Regula apud Anglos, eademq. monachismo ibi florente praemanibus cunctorum fuisset: quid ab Anglicano monacho, ab ipso, inquam, Bonifacio, Anglicanum monachum Sturmi discipulum suum, sub regulari obseruantia S. Vuigberti educatum, Cassinum mitti oportuisset ad discendum, quod iam in patria a pueritia didicisset? Vixerat Bonifacius in Angliae monasterio sub regimine S. Vuigberti viri sanctissimi, in cuius laudem duae extant Bedae homiliae eius natali die dictae, cuius hortatu praedicationem ad Gentes susceperat; de cuius obitu, & de bene disponenda monasterij cura extat etiam Bonifacij ipsius epistola ad eiusdem monasterij monachos, inter quos ultimo loco ille censetur, qui ab ipso Cassinum legatus est ad S. Benedicti Regulas addiscendas. de qua quidem legatione Rudolphus^b in vita S. Liobae, quam fidelissime scripsit, haec habet: Volens Bonifacius vtriusque professionis, monachorum scilicet & monacharum ordinem obseruari: idoneum vtique magisterium studuit adipisci, misitq. Cassinum montem Sturmi discipulum suum, virum genere & moribus nobilem, vt in monasterio, quod beatus pater Benedictus instituit, disciplinam regularem, & vitam, moresq. monasticos agnosceret, pastorq. futurus, discipulus fieret, atque in sua subiectione disceret, quomodo alijs praesse debuisset.] haec Rudolphus, qui Rabani sui magistri praeepto hanc sanctae Liobae vitam scripsit.

Si igitur (vt dictum est) in Anglia S. Benedicti Regulae innotuerant; quid monachum iam veteranum ad illam addiscendam in caenobio Cassinensi in Italiam mitti oportuit, cumq. ibi multo tempore commorari? Certe dici non potest, illuc missum veteranum monachum, vt instrueretur obseruantia regulari, quam ab ineunte aetate excoluisset; neque quod eiusmodi regularis obseruantia tunc in Anglia defecisset. Etenim tunc temporis magis floruit Ecclesia Anglicana monastica obseruantia, quam Beda, aliq. sanctissimi viri adhuc superstites summo studio custodiebant, atque ad externos propagabant, vt ex eiusdem Bedae scriptis apparet, nec non ex eiusdem S. Bonifacij ad suos Anglos litteris datis,

quae

^a *Annal. 10.9*
an. D. 719. in
fine.

^b *Apud Sur.*
10. 5. die 28.
Septemb.

quæ recitantur Nono Annaliùm tomo . At nimirum , quod hæcenus ignota fuisset in Anglia , S. Bonifacius nouella monachorum germina in Germania plantaturus , æmulans , secundum Apostolum , charismata meliora , vt ea Regula , quam Romæ cum esset , omnium perfectissimam a S. Benedicto conscriptam haberi didicerat , nouellos monachos informaret ; illuc eum , qui disceret quod doceret , misit Sturmi discipulum , quem constituit primum Abbatem famosissimi monasterij Fuldenis a se erecti . Ex quibus omnibus redditur exploratum , nec viuentē Beda , nec Bonifacio in Germaniam misso ex Anglia , adhuc in Angliam S. Benedicti Regulam allatam , receptamq. a monachis dici posse , nedum vt affirmari debeat , Benedictinos fuisse monachos , qui in Angliam a sancto Gregorio missi sunt , quod Ioannes diaconus falsa ductus coniectura primus asseruit , & alij ipsum incaute sequentes eodem cum ipso errore lapsi affirmarunt . sed quæ post hæc sunt allata duabus tuis reliquis Sectionibus videamus .

Vendicas tibi decimafexta Sectione traditionem ad probandum , sanctum Gregorium fuisse monachum Benedictinum ; standumq. maiorum traditionibus , vt suadeas , multum laboras ; cum magis in eo tibi fuisset insudandum , vt ostenderes hanc quam asseris , vere esse traditionem ; quod si consequi potuisses , iam hæc vna demonstratione rem ex sententia absoluisses . sed quam male abs te traditionis nomen vsurpetur , paucis ostendam . Illud traditione receptum asseritur , quod (vt docet Vincentius Lirinensis , & alij) nulla cogente scriptura , ab omnibus , semper , & vbique est custoditum , quod & superius dictum est . At quod a nullo , nusquam , a tempore S. Gregorij vsque ad Ioannem diaconum per trecentorum fere annorum spacium traditum inueniri potest : quoniam patet traditionem esse veterem , poteris affirmare ? Quod autem ante Ioannem diaconum nulla de Benedictino Gregorij monachatu traditio antecesserit : inde certo cognoscēs , quod Ioannes ipse diaconus , eius rei primus assertor , nullam sibi vendicans traditionem , quæ non extaret , & sola ipsi satis fuisset , probationibus vndique destitutus , ad duas eadēdemq. exiles confert se coniecturas ; quarum alteram male comparatam ex monachis Benedictinis a S. Gregorio in Angliam missis , iam proxime confutatam audisti ; alteram ex pelliceo eius cingulo male deductam , iam iam pari in errore versari cognoscēs .

Quod autem ex depictis in vestris monasterijs S. Gregorij imaginibus cum insignibus S. Benedicti traditionem pariter tibi vendicas , traditionem infringis . nam quod non id factum ab omnibus , nec vbique , nec semper in Ecclesia Occidentali possit ostendi non communem vsum ita pingendi S. Gregorium , sed priuatum vestrorum studium magis insinuas . Certe cum innumeræ repèriantur vbique pictæ venerandæ tanti Paris imagines , nusquam illæ nisi apud vestrates , & ipsæ haud adeo antiquæ , nec adeo frequentes , hoc schemate Benedictino ostendi possunt effigiatæ ; cum in his , sicut in reliquis , S. R. E. consuetudo spectanda potius , ac seruanda fuisset , quæ nunquam Benedictino habitu S. Gregorium pi-

atque exhibuisse cognoscitur; sed habitu Pontificio cum reliquis Ecclesiasticis Doctoribus indutum ubique representare consuevisse, patet. Sit igitur ex his decimaseptem tuae Sectioni in omnibus satisfactum. iam vero quae sequenti ultima Sectione habes, inspiciamus.

Ultima ista tua Sectione niteris multiplicium Scriptorum auctoritatibus demonstrare S. Gregorium monachum fuisse Benedictinum: quae in re antiquiorem Ioanne diacono nullum inuenisti, quem testem afferres. hic vero, qui (ut saepius dictum est) post trecentos ferme annos a S. Gregorio vixit, cuius & quantae sit fidei, ut dicas, te ipsum appello, qui iure redarguis eum, quod dicat eundem Gregorium ab Hilarione Abbate monasticum indumentum suscepisse. Sed alia, quae tu ab eo dicta probas, an sibi consentiant, diligentius sunt examinanda. Enimvero Ioannes hic diaconus cum suo tempore, ut testatur, videret monasterium S. Gregorij a Graecis inhabitari; eos postea in illud irrepsisse, non autem illic ab initio a S. Gregorio institutos esse, probare instituens, duplici ratione id facere laborat: ^a altera ut doceat, ipsum fuisse Latinam institutionis monachum S. Benedicti Regulae professorem. Sed quod ad priorem, quantum ad Graecos spectat: facile potuit contigisse, ut una cum Regulis S. Basilij, quae tunc (ut dictum est) frequentiori in usu apud Latinos erant, etiam aliqui Graecarum litterarum professores se miscuerint illis, ut in Maximiano Syracusano, qui praefectura eiusdem monasterij perfunctus est, viuentis S. Gregorio, factum apparet. Nam Siculos eo, quod post tempora Iustini in illam usque diem sub Graecorum Imperio vixerint, Graecis litteris usos, veteres scriptores Siculi, ut Glicas, Petrus, Graeci historici, & alij fidem faciunt. unde facile accidere potuit, quod iuxta illud: In habentes symbolum facilis est transitus: ex eo quod S. Basilij Regulis S. Gregorij monasterium institutum potius existimetur, ad huiusmodi Graecos S. Gregorij monasterium transierit, & sic postea perseverarit usque ad Ioannis diaconi tempora, & non, ut a Latinitate in Graecitatem, necessitate (ut ait) potius quam voluntate sit conuersum. Horum vero occasione dicere non praetermittam, in antiquioribus sedibus S. Equitij, in ipsa ciuitate Aquila usque hodie perseverare monasterium monialium tituli S. Basilij, & in eo eiusdem Regulae obseruantiam, quod illud fuisse existimatur, cuius cum meminit S. Gregorius, sub cura S. Equitij fuisse transire: Quibus etiam appareat, S. Equitium subiectos sibi monachos ad eiusdem S. Basilij Regulas informasse, & S. Gregorium ab illis idem institutum didicisse.

Sed dum a Graecis idem Ioannes diaconus nititur auocare S. Gregorij monasterium, & transferre in Benedictinos: probare studet, S. Gregorium fuisse ordinis S. Benedicti, ac proinde ex Latinis. Inde autem argumentum ducit, quod cum venerandum eius corpus effossum fuit, inter alia indumenta cingulum inuentum fuerit, quo uti solerent monachi Benedictini, additque: Porro in exilitate balthei, quae vnus pollicis mensuram numquam excedit, speciem propositi regularis olim a S. Benedic-

^a *Ioan. diacon.*
vir. S. Greg.
lib. 1. c. 6.

^b *Idem lib. 4.*
c. 80. 81. 82.

At statui, cuius vitari ipse describens in dialogo; Regulam quoque,
 laudauerat, eum seruasse luce clarius manifestat.] hzc Ioannes, cuius
 erat, illud quoque monfrare cingulum, quo alij diuersorum ordinum
 monachi vtentur tempore S. Gregorij, ab ea mensura, & forma fuisse,
 diuersum, vt ostēderet hanc peculiarem fuisse ordinis Benedictini: quod
 eum minime fecerit, nullius roboris ostenditur argumentū. Zona quidē
 pellicea vti consueuisse reliquos monachos, docuit Pachomius in Aegy-
 pto, Basilius in Oriente, in Occidente Cassianus in Gallijs, & Fulgentius
 in Africa: cū alioqui haud adeo certa zona, certa q. mensura eius a S. Be-
 nedicto in Regula pręscribatur. Nam dum cōtigit ab eo numerari singu-
 la monachi indumenta, de zona siue cingulo verbum nullum, alibi vero
 dum monet, vt monachi vestiti dormiant, obiter dicit, vt cingulo, siue
 fune se cingant. Quoniam autem horij altero tempore S. Gregorij Bene-
 dictini monachi vtentur, cum non sit certum (cum cuiusque arbitrio id
 S. Benedictus reliquerit, quorum altero vti vellent) certe ex cingulo nul-
 lum aliud deduci argumentum posse videtur, nisi quod S. Gregorius mo-
 nachus esset. En vides quorupliciter Ioannes diaconus confutetur: quo
 cadente, reliquos omnes necesse est; qui cum secuti esse noscuntur, ea-
 dem ruina cum ipso iacere sepultos, recentes, inquam, illos, quos nume-
 ras; longa serie ostentans auctores. Nam ex antiquioribus haud est fa-
 cile quemquam inuenire, cum neque id asserant scriptores rerum Cas-
 sinensium: Leo Ostiensis, vel Petrus diaconus alumni eiusdem cenobij
 Cassinensis. At vero eundem Petrum frustra tibi fauere putas, quem ista dicente
 citat Adeodatus; ac Stephanus nuper defunctus ex monachis fuisse le-
 guntur, qui tamen gloriosissime Apostolicam Sedem gubernarunt; Gre-
 gorius ex monasterio raptus, ac violenter infatus, non solum suas pro-
 tulit, sed etiam aliorum dispositiones meliorare studuit.] hzc enim ex
 eo cum recitas, quid inferis? Cum, inquis, pro certo habeatur, Adeoda-
 tum fuisse monachum Benedictinum, & Stephanum Benedictinum, &
 Gregorius post eos nominatus a Benedictinis cur excludendus? Non
 est nostri modo instituti de aliorum, quam Gregorij monachatu discer-
 nere: sed verum esto, quod digis: vnde inferis Gregorij Benedictinum
 fuisse, cum retro illis non sit propositum Benedictinos tantum mo-
 nachos, sed alios etiam cuiuscumque sint ordinis recensere? ita pari-
 ter id male deducis ex Bonifacio, Papa Quarto, de quo in Apologetico
 dictum est. Post hęc desinitus antiquorum testimonio, ad recentiores & nostri se-
 culi Scriptores te conuertis, citas Polydorum Virgilium, nihil præterea
 addentem ad verba Ioannis diaconi, quę, vt liquet, absque veritatis per-
 nestigatione sequuntur est: post quem, quinto loco ponis adhuc videntem
 auctorem Arnoldum, cuius quanta sit in antiquitatibus fides, ex volu-
 mine, quod edidit de stemmate Anicjano, doctissimi, qui que rerum anti-
 quarum Critici intelligunt. Prætermittimus autem enumerare singulos
 nominatim recentiores, qui id ipsum obiter absque aliqua rei discussione

testantes, cum plurimorum ne propositum quidem fuerit id constanter asserere, sed quod incideret occasio, vt Gregorij monachatus mentionē aliquam facerent; eum ex Ioannis diaconi asseritione Benedictinum monachum fuisse scripserunt. Ita nobis de se est ingenue professus doctissimus Bellarminus, qui vbi hæc ipsa nostra vidit, atque laudauit, excusationem attulit, se verum existimasse, quod de S. Gregorio Ioannes diaconus testatus esset, cum de his sibi obiter agere contigisset. Quam pariter excusationem asserent omnes, qui id litteris prodiderunt, si viuerent; nimirum se non per controuersiam ex pro-ssso disputasse, fuerit ne id verum an falsum; sed quod apud Ioannem diaconum se legere meminissent, id bona fide scripsisse, procul abhorrentes, vt aliquod scriptis suis allatum vellent præiudicium veritati. sufficiat igitur ista ad omnes huiusmodi abs te citatos vna responsio.

Ponitur demum abs te, quod recitas, sancti Gregorij Papæ nomine privilegium, concessum monasterio Cassinensi, cum eidem præflet Bonitus Abbas, quem ordine quintū a S. Benedicto numerat Leo Ostiensis. quo quidem priuilegio disertis ferme verbis asseritur S. Gregorius monachus eiusdem ordinis. Ideoq. vltimo loco a te proponitur, quod, vt prosteris, satis superq. istud vnum sufficiat ad vniuersam dirimendam controuersiam; & cuncta, quæ a nobis in contrarium allata sunt, ipsa eius tantum aspectu penitus conuellenda. Non præterierunt ista Baronium, immo vidit, & quam exactissima peruestigatione huiusce priuilegij singula verba discussit: excussit vero procul, vbi non germanum, sed omnino adulterinum, & in omnibus commenticium comperit, nec suis dignum iudicauit Annalibus: ita silentio sepultum relinquens, ne, si prodere in lucem, imposturæ suæ putore, magno omnium vestrum dedecore, Lectoris nates offenderet. Sed quando tu illud, velut aliquid pretiosum e Cassinensi codice prodixisti, ac tamquam purum aurum proferas: non nobis, sed tibi imputetur, si nos cogis inuitos tantam imposturam detegere, palamq. cunctis intuentum exponere, vnde tui erubescant, qui illud citant, retinent, fouent, atque defendunt. Verum, quod sciamus, non esse vestrum inuentum, quod cum alijs superius cofutatis commenticijs scriptis, ante centum ferme annos editum constat opera Laurentij Vicentini vestri ordinis monachi, qui primus illud vna cum alijs cudendum curauit, & illa omnia in antiquioribus codicibus se inuenisse testatus est: ab omni imposturæ suspitione vos penitus libero: quin etiam futurum spero, vt manifeste cognita veritate, constanti & ipsi animo aduersus falsitatem proditam & conuictam pro veritate certantes, omnes id genus execremini imposturas vna cum impostorijs: quod mihi quidem æquum est credere de religiosissimis viris, sanctissimi Patris filijs. De his igitur acturi, primum omnium ob oculos legentium exemplum recitati abs te priuilegij hic describamus, quo facilius, qualē sit illud, quisque prudens valeat intelligere. sic enim se habet:

Gregorius Episcopus seruus seruorum Dei dilecto in Christo filio Bonito

Bonito Abbati venerabili monasterij beati Baptistæ Ioannis siti in castro Cassini, eiusdemq. successoribus regulariter substituendis in perpetuum.

Quando ad ea, quæ Catholicorum Regum corda Pontificalibus sunt monitis prouocanda, ita ardenti desiderio, diuina proueniente gratia, succeduntur, vt ab ipsis vltro poscantur: tanto alacri & læto sunt animo concedenda, quanto & ea ipsa cupiunt, si nollent facere, peti debuerunt. Proinde iuxta vestram petitionem pro amore, quem in COMMUNI PATRE ET MAGISTRO NOSTRO BENEDICTO, & in discipulis eius specialem & singularem gerimus, monasterio Cassinensi, quod nuper sub prædecessore nostro Pelagio a Longobardis est incensum, cui tu præesse dignosceris, huiusmodi priuilegium præsentis auctoritatis nostræ decreto indulgemus, concedimus, atque firmamus, statuantes, nullum Regum, Antistitem, nullum quacumque præditum dignitate, vel quemcumque alium de his, quæ eidem monasterio a Patricio Tertullo, Equitio, & nobis donata sunt, vel in futuro a quibuscumque alijs de proprio fuerint iure collata, sub cuiuscumque causæ occasionis specie, minuere, vel auferre, & siue suis vsibus applicare, vel alijs quasi pijs causis pro suæ auaritiæ excusatione concedere. Sed cuncta quæ ibi oblata sunt, vel offerri contigerit, tam a te, quam ab alijs, qui in tuo officio, locoque successerint, perenni tempore illibata, & sine inquietudine aliqua volumus possideri, eorum tantum vsibus, pro quorû sustentatione, gubernationeq. concessa sunt, modis omnibus profutura.

Item constituimus, vt obeunte te Abbate suprascripti monasterij, non alius ibi quacumque præceptionis astutia ordinetur, nisi quem consensus monachorum secundum timorem Dei & patris Benedicti Regulam ordinauerit. Hoc quoque capitulo subiungimus, vt locum auaritiæ excludamus: nullum de Regibus, nullum de sacerdotibus, vel quemcumque alium per se, suppositamve personam, de ordinatione eiusdem Abbatis, vel quibuscumque causis monasterio ipsi pertinentibus audire. . . . siue aliquolibet specie commodi quidquam accipere. Neque eundem Abbatem ordinationis suæ causa dare præsumere, ne hac occasione ea, quæ a Fidelibus pijs locis offeruntur, aut iam oblata sunt, consumantur. Et quia multæ occasiones in deceptione religiosarum personarum a prauis illic (vt dicitur) hominibus exquiruntur: Abbatem atque presbyterum dicti monasterij nullo modo priuandum, deponendumque esse censemus, nisi causa specialiter criminis exigente. Vnde necesse est, vt si qua contra eum huiusmodi querela surrexit: Romanus Pontifex subtiliter hoc inuestigare procuret, quatenus canonicæ distributionis iudicante censura, aut reum ferire, aut innocentem possit absolueret.

Simili quoque definitione decernimus, vt nullus eorum, qui eidem monasterio Abbas fuerit ordinatus, direptiones de bonis ipsius ecclesiæ audeat facere, ne res monasterij iniqua erogatione consumens grauissimam egestatis necessitatem pauperibus, & peregrinis, vel ceteris exig-

de uiuentibus gentes. Episcopum uero tollendi de eodem loco monachum ad ecclesiasticum ordinem promouendum, uel alia quacumque causa sine consensu Abbatis atque Praepositi habere licentiam prohibemus; ne huius rei usque ad hoc usurpatio perduratur, ut loca, quae acquisitione hominum construenda sunt, ablatione destruantur.

Hæc igitur omnia, quæ huius Præcepti nostri pagina cōtinet, tam tibi, quam cunctis, qui in eo, quo es, ordine, locoq. successerint, uel eis, quorum interesse potuerit, in perpetuum seruanda decernimus. Si quis uero Regum, sacerdotum, Iudicum, atque secularium personarum hanc nostram Constitutionis paginam agnoscens, cōtra eam venire tentauerit potestatis, honorisq. sui dignitate careat; reumq. se diuino Iudicio existerede perpetrata cognoscat iniquitate. Et nisi uel ea, quæ ab illo male sunt oblata, restituerit, uel digna pœnitentia illicita acta defleuerit; a sanctissimo corpore & sanguine Dei Domini Redemptoris nostri Iesu Christi alienus fiat, atque in æterno examine districtæ ultioni subiaceat. Cunctis eidem loco ista seruantibus sit pax Domini nostri Iesu Christi, quatenus & hic fructum bonæ actionis percipiant, & apud districtum Iudicem præmia æternæ pacis inueniant.

EGO GREGORIUS Catholicæ Ecclesiæ Episcopus subscripsi.

Ego Ioannes Episcopus Surrentinus subscr.

Ego Agnellus Episcopus Tarracinenſis subscr.

Ego Felix Episcopus Portuenſis subscr.

Ego Fortunatus Episcopus Neapolitanus subscr.

Ego Primenius Episcopus Nuarnæ subscr.

Ego Gloriosus Episcopus Ostiæ subscr.

Ego Albinus Episcopus Furniæ subscr.

Ego Mennas Teleſinus subscr.

Ego Basilus Capuanus subscr.

Ego Constantius Nomentanus subscr.

Ego Montanus Sopianenſis subscr.

Ego Victor Pausinēſis subscr.

Ego Ioannes presbyter tit. SS. Geruasij & Protasij subscr.

Ego Deusdedit presbyter tit. SS. Ioannis & Pauli subscr.

Ego Andromachus titulus Eudoxiæ subscr.

Ego Rusticus presbyter tit. S. Susannæ subscr.

Datum anno tertio decimo Imp. domini Mauricij Tiberij perpetui Augusti, Consulatus eius anno undecimo, tertio Nonas Octobris, Indictione quarta.] hæc tenus diploma, in cuius fine tu mutasti, ut loco Indictionis quartæ, supposueris quartamdecimam, qua licentia nescio. Nam si ex alio codice, certe lectio, quæ saltem per annos centum inualuit, relinquenda uel in margine erat, cum præsertim neque annus decimus tertius Mauricij Imperatoris cum Indictione decima quarta consentiat, neque Consulatus undecimus eidem aptari possit, ut ex eodem Gregorio facile est demonstrare, qui Indictionem quartam cum dicto Consulatu undecimo iungit in publicis monumentis, ut inferius ostenditur.

furi sumus, cum etiam, qua arte id sit factum, pariter ostendemus.

Audisti, Lector, veritatis amator, Gregorij nomine diploma scriptum; an autem aliquo modo subsistat, rogo, vt audias; te ipsum enim iudicem appello. Atque primum omnium, quod ad consignatum tempus dati priuilegij pertinet, quotupliciter inter se pugnet, cum datum dicatur anno decimotertio Imperatoris Mauritij, qui est annus Redemptoris quinquagesimus nonagesimus octauus, cum quarta, quæ in eo ponitur, Indictione, quæ incidit in annum Christi sexcentessimum primum, cum & Consulatus vndecimus Mauritij ibi positus, neque Indictioni, neque Imperij Mauritij anno conueniat, qui incidat in annum quingentesimum nonagesimum septimum.

Sed quod turpius, ex quibus locis scriptorum sancti Gregorij compilatum fuerit veluti per contones hoc diploma, operæ pretium est vt intelligas. Falsitatis imprudens architectus, in primis ex priuilegio ^a sancti Gregorij Papæ, concessio monasterio sancti Medardi in Gallia, instantibus Francorum Regibus, eius exordium transtulit, quod sic se habet: Quando Catholicorum Regum corda ad ea, ad quæ Põtificalibus sunt monitis prouocanda, ita ardenti desiderio, diuina præueniente gratia, succeduntur, vt ab eis vltro poscantur: tanto sunt latius concedenda, quãto ea ipsa, quæ cupiunt, si nollent facere, peti debuerunt. Hæc, inquam, extat in priuilegio monasterio sancti Medardi a sancto Gregorio concessio, petentibus (vt apparet) Francorum Regibus, quæ sunt in dictum priuilegium datum Bonito translata. De quo nihil est, quod dici possit, solitum principium commune esse ceteris eiusdem generis instrumentis. Concedimus id in formulis consuetis; at secus in alijs: vt hic perspicitur, dum principium hoc (vt conferendo intelligere poteris) improprie & inepte prorsus, vt pote quod ad rem non spectet, impostor ille, quisquis fuerit, transtulit in recitatum priuilegium, Bonito, vt videri voluit, Abbati Cassinensi concessum, cui nullatenus aptari poterat, vt dici posset, instantibus id Regibus concessum, vt habet illud sancti Medardi, quod petentibus Francorum Regibus tributum fuisse diximus. Cum enim eo tempore summa rerum potiretur Mauritius Imperator: quibusnam instantibus Regibus potuit priuilegium esse concessum? certe non Longobardis, qui necdum Catholici erant, nec ibi regnabant, sed vt hostes Ecclesiam infestabant, Urbem ipsam obsidentes. Sic & inferius multa alia, ex eo male desumpta inuenies, si conseras vtrumque.

Idem dicendum de ijs, quæ idem apposuit, aliquot ibidem subscribentium Episcoporum nominibus, quæ ex alijs publicis Actis auctor detegitur esse mutuatus, vt inferius demonstrabitur. Quin etiam (quod valde mirandum) ipsum quoque Consulatum & diem dati diplomatis accepisse cognoscitur ex alio priuilegio concessio Probo Abbati monasterij S. Andree, in cuius exordio ista leguntur: Anno Incarnationis Dominicæ sexcentesimo primo, eodemq. domino Mauritio vndecies Cõsule, sub tertio Nonarum Octobrium.] sed & Indictio quarta, quæ inferius in iisdem Actis ponitur, & ex ordine epistolarum eius Indictionis ostenditur, in-

illud ipsum diploma translata noscitur; in quo tantum mutauit annos Christi in annos Imperatoris; errauit autem, ubi loco annorum salotis, decimumtertium posuit annum Mauritij Imperatoris. nam is annus Imperatoris non Indictione quarta, sed prima notatur, & non Consulatibus vndecimo anno, sed duodecimo.

a Psal. 9. Mutuatus etiam est ex ipsdem Actis nomina quatuor Episcoporum subscribentium; sed plane accidit secundum illud Dauidicum: *a* In operibus manuum suarum comprehensus est peccator.] siquidem subscribentes facit Fortunatum Episcopum Neapolitanum, & Agnellum Episcopum Tarracinensem, quos constat ante dictum annum Consulatibus Mauritij vndecimum, & quartam Indictionem esse defunctos. etenim Fortunatum anno præcedenti, nempe Indictione tertia liquet esse mortuum: nam licet plures Gregorij epistolæ doceant eum ad Indictionem tertiam peruenisse; ex alijs tamen eiusdem epistolis, eadem tertia Indictione postea datis, *b* in quibus de successore subrogando agitur, iam illo ipso anno mortuus ostenditur. Sic & Agnellum Episcopum Tarracinensem, ad quem datæ nonnullæ epistolæ S. Gregorij leguntur, ex epistola ab eodem Gregorio data Indictione secunda, eadem *c* ipsa Indictione defunctum cognoscimus, cum de eadem ecclesia suo viduata pastore agatur. unde certum redditur, illum ante biennium diem obiisse, qui huic privilegio subscripsisse confingitur. Vides ergo, Lector, cuius fidei sit privilegium, cui præter alia incongruæ, etiam mortui Episcopi subscripsisse inueniantur? Ista fortasse sentiens, qui illud citauit & recitauit, antiquam lectionem conuellens, loco quartæ Indictionis, quartamdecimam supposuit, cum tamen nec lectio sic detorta subsistere possit, quod anni Consulatibus Mauritij, cum annis Imperij ibidem positus nullo pacto consentiant.

d Pet. diacon.
ap Leon. Off.
lib. 4. c. 114. Quod autem, ut commenticium robores diploma, auctoritatem citas Petri diaconi, qui meminisse huius privilegij videatur, dum defendens iura Cassinensis cœnobij sic scribit: *a* Cassinensi ergo cœnobio Romani Pontifices Gregorius Doctor, & alij *c x i i.* idem permiscere iudicium, & tulere decretum; ut defuncto Abbate, ex sua Congregatione Abbatem sibi eligant secundum timorem Domini & Regulam S. Benedicti.] At tantum abest, ut his Petri verbis probes illud diploma germanum esse, ut potius euidenter ostendas, nequaquam esse posse Gregorij. Nam cum testetur Petrus S. Gregorij esse decretum, ut ex Congregatione sua Abbatem eligant: in hoc falso diplomate nequaquam id (quod maioris momenti esse videbatur) positum legitur, sed illa tantum verba: Item, constituimus, ut obeunte te Abbate supradicti monasterij, non alius ordinetur ibi, nisi quem consensus monachorum secundum timorem Dei, & Patris Benedicti Regulam ordinauerit.] in quibus nulla sit mentio de Abbate eligendo ex ipsa eiusdem loci Congregatione; qua potissimum mentione Petrus ad conuincendum altercantem aduersarium indigebat. Verum enimvero, quæ Petrus eo loco citat, ea ipsa sunt, quæ in germano sancti Gregorij omnibus monachis dato privilegio scripta reperiu-

reperiuntur: illo, inquam, quod depromptum ex bibliotheca Vaticana legitimum Baronijs edidit in ^a Annalibus, in quo ista leguntur: Defuncto Abbate cuiusque Congregationis, non extraneus eligatur, nisi de eadem Congregatione, quam sibi propria voluntate concors Fratrum societas elegerit. Cum igitur citatum a Petro priuilegium non consentiat cum superius recitato abs te diplomate, quod illis maioris momenti careat verbis: plane conuincitur fuisse diuersum. Vides igitur, quam vere ad casum ipse potius impellas, quam sustentes quæ non subsistunt; cum ostendas magis illa esse falsa, quæ niteris vera monstrare? Sed licet hæc satis ad conuincendum falsitatis diploma, & plusquam satis esse noscantur: audi adhuc fortiora, quorum comparatione quæ sunt allata, quantumlibet fortissima, debilia videri possint.

Quod enim datum dicitur priuilegium illud Bonito Cassinensi Abbati post incensum destructumq. cœnobium Cassinense, & in monasterium Lateranense iam translatos monachos: monstri simile videri debet, vt Bonitus Cassinensis Abbas, & non Lateranensis dicatur, & priuilegium non Lateranensis, quod extaret, sed Cassinensi, quod erat excisum, monasterio datum ponatur. Tu vero ad excusationem singis, Bonitum ipsum, quoad vixit, Abbatem Cassinensem appellari maluisse quam Lateranensem. At cum (vt patet ex priuilegio) non Bonito tantum, sed eius quoque successoribus datum constet, Lateranensis certe cœnobij, cui successores Boniti præfuturi erant, iidemq. dicendi Lateranenses Abbates (vt vere dicti sunt) mentio aliqua facienda fuerat, vt priuilegio comprehensi & non exclusi iudicaretur. Etenim quis dicere vnumquam possit, datum a sancto Gregorio Papa priuilegium Abbatibus Lateranensibus, sibi inuicem successoris, & de Lateranensi cœnobio ab eo numquam in eo priuilegio habitam esse mentionem? non sic fatui erant, qui petebant, nec adeo insipiens, qui concedebat. Erat igitur tibi probandum, non Bonitum tantum dici (dum vixit) voluisse Cassinensem Abbatem, sed monasterium etiam Lateranense, Cassinense appellatum fuisse, & Bonito succedentes eiusdem monasterij Abbates, non Lateranenses, sed Cassinenses nominatos. sed nec id quidem satis: nam hoc ipsum in dicto priuilegio fuerat exprimendum ab ipso, qui dabat, Gregorio summo Pontifice.

Demum vero, vt moras præcidam, & te, Lectoremq. ab omni prorsus dubitatione liberem: irrefragabilem accipe de impostura manifestissima rationem. Quomodo potuit ista concessisse Bonito Abbati Cassinensi S. Gregorius, si ex tua, tuorumq. assertionem longe ante dati notæ priuilegij, constat eundem Bonitum esse defunctum? Nam siue ponas (vt habet) decimotertio Mauritij Imperatoris anno, qui est Redemptoris quingentesimus nonagesimus octauus, siue (vt in eodem legitur) anno vndecimo Consularis eiusdem, qui est annus salutis quingentesimus nonagesimus septimus, siue quarta Indictione, qui est annus sexcentessimus primus: tamen ex tua etiam assertionem ante datum dictum priuilegium liquet defunctum esse Bonitum, quem tu ipse asseris ex hac vita,

migrasse anno quingentesimo nonagesimo quinto. Ceterum adhuc longe ante abs te definitum tempus obitus Boniti, ipsum esse defunctum, ex vestra pariter sententia, necessaria demonstratione comprobamus. Nam si quo tempore scripsit sanctus Gregorius dialogorum libros, erat annus quartus eius Pontificatus, ut eius testimonio liquet, & tu ipse, confiteris, isq. annus erat Redemptoris quingentesimus nonagesimustertius; atque eo tempore non solum Bonitus non erat superstes; sed neque successor eius Valentinianus, cui post Faustum in Mauro Lateranensis cœnobij Abbatem Leo numerat, & tu minime inficiaris: Si, inquam, ante quartum annum Gregorij Pontificatus nec tertij Boniti successorem Theodorum qui multis annis monasterium Lateranense rexit, constat fuisse superstitem: quanto temporis intervallo ante Pontificatum sancti Gregorij oportuit defunctum esse Bonitum, cui a sancto Gregorio datum asseritur privilegium? Quæ omnia cum ex vestra de Abbatum temporibus assertionem, ipsorumq. successionebus sint: de prompta, quomodo poteritis confutare?

Ex his tu modo percipe, Lector, (ut hoc obiter tangam) quanto tempore Bellottus cœcutiens erret, dum primum præfuisse monasterio Cassinensi Bonitum Abbatem asserit, anno quingentesimo septuagesimo octavo, quo excisum est a Longobardis; creatumq. anno (ut ait) quingentesimo sexagesimonono; quem & peruenisse vult usque ad quartum annum Pontificatus sancti Gregorij. sunt enim hæc eius verba: ^a Post hunc Bonitus, qui vivebat eo tempore, quo Gregorius extremam manum imposuit dialogis, ut ex diplomate immunitatis ei concessæ constat.] est is annus quingentesimus nonagesimustertius. ^e ex quo inferius colligit, ipsum præfuisse Cassinensi primum, deinde Lateranensi, annos ferme viginti quatuor. sic omnia scilicet pro arbitrio concinnans, ut ostendat verum esse privilegium Gregorij, quod ipsi inscriptum est; donationemq. Gordiani, quam superius confutauimus; legitimam fuisse confirmet. Sed si ad illud tempus dialogorum scriptionis vult peruenisse Bonitum Abbatem: ubi locus Valentiniani, quem S. Gregorius longo tempore tradit præfuisse monasterio Lateranensi? Vbi locus Theodori? Quando, inquam, Valentinianus præesse potuit? quando Theodorus, si totum tempus illud usque ad scriptionem dialogorum Bonitum occupasse fateamur? Intelligat igitur totum id quod de Bonito dicit, aduersari sancto Gregorio, aduersari Fausto, cuius sententia, si alius a Bonito tunc præerat monasterio Cassinensi: utique evanescit; quod a vobis asseritur, Bonito illud a sancto Gregorio privilegium fuisse concessum.

Bonitum igitur, sub quo omnes affirmant dirutum fuisse a Longobardis Cassinense cœnobium, haud diu oportuit superuixisse in Lateranensi, ad quod translatus est, monasterio; post quæ eidem a sancto Gregorio longo tempore præfuisse dicantur Valentinianus, & post eum Simplicius, tertius Theodorus, quem (ait Faustus) prolixiori tempore eidem præf-

a Leo lib. 1.
c. 3.

b pag. 170.
y. 23. & pag.
185. y. 18.
c ead. pag. y.
16.
d pag. 168. y.
23.
e ead. pag. y.
32.

præfectū fuisse, ita ut numerādo a Bonito Valentinianus dicatur secundus, Simplicius tertius, Theodorus quartus, qui (ut idem ait Fauſtus) post Valentinianum tertius præfuisse dicatur eidem monasterio Abbas. Quomodo ergo post hos potuit perseverasse Bonitus, qui defunctus eos habuit successores? Quod si etiam ab horum numero excludas Simplicium, remanet Valentinianus, quem ipse sanctus Gregorius affirmat longo tempore præfuisse monasterio Lateranensi; remanet Theodorus, quem prolixiori tempore eidem præfuisse, Fauſtus affirmat. Videtis igitur, quot argumentis, atque in primis, quam manifesta sancti Gregorii & Fauſti assertione idem a vobis recitatum diploma privilegij apertissimè conuincatur imposturæ, & monstruosæ deformitatis & falsitatis.

Quibus detectis, non te ipsum tantum N. compello, sed omnes reuerendos patres sanctæ Congregationis Cassinensis ingenuos professores, tanti patris sobolem honestissimam, sinceræ veritatis cupidissimam appello. e loco sancto, ut sanctior perseveret, euerſite quicquillas istas, quæ munda reddunt immunda, & integerrimæ existimationi vestræ plurimum detrahunt. Exurgite vindices veritatis; zelus aliquorū non secundum scientiam per vos ad veritatis scientiam reuocetur. Ceterum quod ad sanctum Gregorium spectat, facessat inuidia, exulet venenosa discordia, contentionem istam charitas dirimat, ut idem Pater sanctissimus pastor omnium, totus vester, totus noster, totus omnium sit, nec minus totus omnium, & singulorum; quam totus vester, secundum quod dicit S. Apostolus: * Omnia vestra sunt, siue Paulus, siue Apollo, siue Cephas (addam secure) siue Gregorius; vos autem Christi Christus autem Dei. Ut sic Deus omnia existens in omnibus; sit ab omnibus semper benedictus in Benedicto & Gregorio & omnibus Sanctis semper. Amen.

F I N I S.



